



This is a digital copy of a book that was preserved for generations on library shelves before it was carefully scanned by Google as part of a project to make the world's books discoverable online.

It has survived long enough for the copyright to expire and the book to enter the public domain. A public domain book is one that was never subject to copyright or whose legal copyright term has expired. Whether a book is in the public domain may vary country to country. Public domain books are our gateways to the past, representing a wealth of history, culture and knowledge that's often difficult to discover.

Marks, notations and other marginalia present in the original volume will appear in this file - a reminder of this book's long journey from the publisher to a library and finally to you.

### Usage guidelines

Google is proud to partner with libraries to digitize public domain materials and make them widely accessible. Public domain books belong to the public and we are merely their custodians. Nevertheless, this work is expensive, so in order to keep providing this resource, we have taken steps to prevent abuse by commercial parties, including placing technical restrictions on automated querying.

We also ask that you:

- + *Make non-commercial use of the files* We designed Google Book Search for use by individuals, and we request that you use these files for personal, non-commercial purposes.
- + *Refrain from automated querying* Do not send automated queries of any sort to Google's system: If you are conducting research on machine translation, optical character recognition or other areas where access to a large amount of text is helpful, please contact us. We encourage the use of public domain materials for these purposes and may be able to help.
- + *Maintain attribution* The Google "watermark" you see on each file is essential for informing people about this project and helping them find additional materials through Google Book Search. Please do not remove it.
- + *Keep it legal* Whatever your use, remember that you are responsible for ensuring that what you are doing is legal. Do not assume that just because we believe a book is in the public domain for users in the United States, that the work is also in the public domain for users in other countries. Whether a book is still in copyright varies from country to country, and we can't offer guidance on whether any specific use of any specific book is allowed. Please do not assume that a book's appearance in Google Book Search means it can be used in any manner anywhere in the world. Copyright infringement liability can be quite severe.

### About Google Book Search

Google's mission is to organize the world's information and to make it universally accessible and useful. Google Book Search helps readers discover the world's books while helping authors and publishers reach new audiences. You can search through the full text of this book on the web at <http://books.google.com/>

PEREG

DE

Morb.

F.

616

=03

P44j

R

# IO. BAPTISTAE

Peregrini Bononiensis,

DE CAUSA CONTINENTE

Deq; Morbo Fiente disceptatio.



Bononiæ, Peregrinus Bonardus,  
Excudebat. 1561.

NICOLAO CAIETANO  
ROMANO CARDINALI,

Franciscus Angelus Sermonetanus  
S. P. D.



VM iam indè à pueritia, Præsul amplissime, singularem tuam virtutem, & animi magnitudinem, liberalitatemq; naturæ, quibus mortaliū animos mirūimmodum tibi deuincis, vno omnium ore laudibus efferri audiuerim; idq; cum primum sapere cæpi, perspectum & cognitum habuerim, ita & me illis ad tui studium, ac obseruantiam inuitasti, vt nihil vnquam mihi fuerit in amore ardentius, quàm vt honesta mihi esset occasio, qua meum erga te gratissimum animum aliquo argumento patefacerem; ac metui, tuæq; familiæ Illustrissimæ (vt par est) æq; ac Auum meum iam, & superstitem Pa-



rentem, obseruantissimum cognosceres. Verum nulla mihi hactenus sese obtulit, vt huiusce mei erga te animi testimonium darem, hac excepta? quam & si nec tanto viro dignam censebam, non tamen præmittendam putavi. Cum quo tempore Bononiæ Medicinæ operam dedi, Antonio Maria Betto Mutinensi, ac Ioâne Baptista Peregrino Bononiensi præceptoribus vsus sim, viris quidem omni liberali doctrina politissimis, necnon prudētia, & exercitatione præditis, vsuuenit vt ambos eodem anno eam perdifficilem Quæstionem excutientes audiuerim; qua quæritur siue apud Medicos causa, quæ continens nuncupatur, inter causas morbos parientes referenda necne: ad quam accedit num morbus fiens sit verè morbus. Qua in re cum alter alterius opinionem rationibus refelleret, quæ ab ipsis enunciabantur diligentius obseruavi, & ad verbum collegi, vt aliquando huius rei veritas mihi plana

fieret. Placuit Betto quicquid ipse de hac  
re sentiret inuulgare. At quoniam Peregrini  
opinio non minus probabilis, & Galeni  
placitis adhærere visa est (est enim non mi-  
nus grauibus ac firmis auctoritatibus, &  
argumentis confirmata) in eius sententiam  
discessi; voluiq; vt ea methodo & ordine,  
quo ipse dum interpretabatur discipulis  
proferebat, in lucem prodiret; & vt meæ  
beneuolentiæ in ipsum vestigia videri pos-  
sint, cui me vt alteri parenti plurimum  
debere ingenuè fateor, ac vt studiosis  
quoq; hominibus aliquid vtilitatis affer-  
rem. Hoc igitur, dignissime Antistes, mu-  
nusculum, qualecunq; sit, tibi humano  
numini dicatum, ea fronte atq; animo,  
quo tibi oblatum, accipere non graueris,  
eiusq; tenuitatem clementia tua compen-  
ses. Quod si [quæ tua est humanitas] fece-  
ris, haud parum præsidij mihi comparasse  
existimabo, cum tuis auspicijs, tuæq; de-  
fensionis clypeo hoc opusculum in me

dium allatum fuerit. Nemo etenim est, qui  
nesciat sibi in id debacchari non licere,  
quod tibi dicatum, sinceroq; gustui tuo  
probatum fuerit. Ego præterea ad maiora  
studia alacrior fiam, vale, meq; in tuam  
fidem recipias te etiam atq; etiam rogo.  
Bononiæ Cal. Aprilis M. D. LXI.

# IOANNIS BAPTISTÆ PERE- 1

GRINI BONONIENSIS DE CAUSA

Continente, deq; morbo fiente

discèptatio, à Francisco Angelio Ser-  
monetano collecta, & in publicū ædita.



**I**NTER omnes quæstiones, quæ in arte medica disputari solent, nulla propemodum per scholas medicorū ita vagatur, veluti quæstio de causa Continente, An hæc inter morborum causas connumerari debeat: quam licet multi præclarissimi viri & in arte medica benemeriti eleganter & non indoctè pertractauerint, vt superfluum quodammodo videatur de ea quid amplius enunciare velle; non inutile tamen esse censui, propter eos qui Galeni opinionem & Veritatem prosequuntur, nonnulla in medium producere, vt studiosi aptè videre possint, quantum qui aliter sentiunt, à Veritate deuiant.

Difficultas itaq; proponitur, An inter morbificas causas, ea quæ Contentiua nominatur, connume

## DE CAUSA

In lib. an ars  
tuende sunt.  
ptineat ad gy-  
mnast. vel ad  
med.

randam sit: In qua, ut quid pro veritate sentiam appa-  
reat, tria faciam. Primum quidem, instituto Gale-  
ni monitus, significata terminorum explicabo, ne eis  
spretis incerta sit & confusa doctrina rei, de qua de-  
bet fieri sermo, & eò potissimum quòd huiusce pro-  
positæ difficultatis decisio non parum ex terminorum  
significatione dependere videtur. Secundo quid sen-  
tiam enarrabo cum rationibus et auctoritatibus, quæ  
illud astruere videbuntur. Postremo quæ in contrariū  
facient adducam, & dissoluam. Vice prolegome-  
norum erunt quæcumq; pro explicatione terminorum,  
qui in prædicta difficultate continentur, enarrabun-  
tur; nimirum quid sit causa morbigica, quid conten-  
tina, & quid morbus. quibus declaratis, veritas quæ-  
stionis constanter apparebit. Dicamus itaq; paulò al-  
tius sermonē exordientes, quòd nomen causæ bifariā  
accipi potest; nempe ut est explicatiua rei cuius dici-  
tur causa, vel ut est id quod necessariò ad alicuius rei  
constitutionem requiritur. Primo quidem modo ac-  
ceptam definiuit Aristoteles, quum dixit, causam  
esse ipsum quare primum, siue id esse, quod ad quæ-  
situm factum per ipsum quare respondetur; siquidem  
ut inquit,

Causa duplici-  
ter accipitur.

Causa quid sit

In .i. metaph.  
expleto prohe-  
mio, & secundo  
phys. t. 27.

Ut inquit, consideratio causarum sit gratia sciendi, nec scire arbitramur unūquodq; nisi quum primam causam cœperimus. ob id dixit causam esse quare primum: quoniam est id, quod ultimo in responsione ad quæsitum per quare assignatur; & primum quod est in natura eorum, quæ ad rem pertinent, cuius est causa, in quo cessat resolutio causarū facta per ipsum quare, estq; summa & propriissima causa, atq; reliquorum quæ sic sunt causæ: quā nonnulli Continentē nominant, & quam præcipit Aristoteles querendam esse in singulis generibus causarum. Veluti, sermonis gratia, percūctantibus propter quid Socrates febricitat? Respondemus. quoniam humores secundum naturam non difflantur. Sed quare humorum difflatio est impedita? quoniam facta est obstructio. Sed cur hæc in corpore? quoniam refrigeratum fuit corpus, vel quia multi aut crassi & visceridi humores fuerunt meatibus impacti. Sed cur tanti, vel tales humores in corpore collecti sunt? quoniam talem, vel talem rationem victus observavit. hæc est prima & summa causa, ad quam quum peruenerimus (quod quidem facimus per resolutionem) cessat

## DE CAUSA

omnis quæstio propter quid : quoniã hæc, vt in sermo-  
ne ponimus, non habet priorem causam se, sine qua  
eas, quæ proximæ sunt, cognoscere nequimus quòd  
sint proximæ & coherentes ; si quidẽ, vt Alexan.

In .i. metaph.

„ inquit, qui aliqua cognoscit, non à primis causis, sed  
„ ab ijs quæ coherentes sunt, siue proximæ aliquibus,  
„ quorum sunt aliæ priores causæ, is non cognoscit ipsas  
„ causas, quæ proximæ sunt rei, de qua quæritur. qua  
propter hic non propriè dicetur scire: quoniã non sciet  
se habere causam proximam. Galenus etiam non ali-

In lib. de cau-  
sis procat

„ ter accepit causam, quum scriptum reliquit. Nullus  
„ in lingua græca nutritus ignorat significatum causæ.  
„ Interroga aliquem euntem ad forum, quæ causa te  
„ duxit de domo ? dicet tibi : quoniam empturus ali-  
„ quid in plateam venit, vel quid aliud faciendi, &  
„ quæ ibi sequuntur. vt voluerit & ipse, causam id  
dici, quod ad quæsitum quare respondetur. atq; tot  
causarum differentias esse vna cum Aristotele, quot  
quæsitæ ; & quoniam quæsitæ per se & necessaria ad  
quattuor reducuntur, nimirũ ad id quod est ex quo, à  
quo, quod, & cuius gratia, vt Aristoteli placet. vel  
secundum Galeni sententiã, ad quæsitũ ex quo, à quo,  
per quod,

causarum dif-  
ferentiæ qua-  
tuor.

per quod, & cuius gratia. ob id quatuor ponuntur  
differētiæ causarum, materialis, efficiens, formalis, et  
finalis, ex Aristotelis sententia; vel materialis, effi-  
ciens, instrumentalis, et finalis, ut Galenus asserruit.

Sed non insimulare oportet, quòd Aristoteles sub  
ticuerit causam instrumētariam, veluti Galenus for-  
malem: quoniam Gal. sub fine complexus fuit for-  
mā, sub fine quidem qui est generationis, & non rei  
productæ; vel, ut inquiūt philosophi, sub fine cuius gra-  
tia, & non cui. Et Arist. sub efficiente instrumētū  
comprehendit: quoniam generalis ratio efficientis est,  
quòd moueat; et quia instrumentum mouet, ob id ef-  
ficiens nominari poterit: quia tamen non primò mo-  
uet, ideo non erit propriè efficiens, quòd Arist. descri-  
ptū reliquit; sed erit, ut inquit Simplicius ex Ale-  
xandro, efficiens instrumētale. Neq; ij recte, meo  
quidē iudicio, sentiunt, qui dicūt dari quēdam instru-  
mēta, quæ nō ad causam efficientem; sed materialē re-  
ducēda sunt. veluti dispositio materiæ, ut diaphaneit-  
as, inquiūt, quæ tanquā causa instrumētalis cōcurrit  
ad illuminationem aeris, & non quidem ut efficiēs:  
quoniam corpus luminosum est, quod efficit illumina-  
tionem

Lib. 2. de aīa  
t. C. 35. & 37,

Instrumentū  
reduci ad cau-  
sam efficientē

2. phys. 18.

Zimara theo.  
48.



## DE CAUSA

tionem: nec ut forma; quoniam aer formaliter non  
 lucet diaphaneitate, sed lumine: nec ut finis, quia  
 potius diaphaneitas est pro lumine, quam e contra. relin-  
 quitur ergo quod concurrat in genere causae materia-  
 lis: quod etiam ostendit definitio de lumine data ab  
 Arist. quod lumen est actus diaphani secundum  
 actum. Quoniam, si Auerrois fides adhibenda est,  
 quemadmodum ei plurimum concedunt, qui istud  
 asserunt, nullum instrumentum debet esse pars rei factae;  
 atque dispositio materiae est pars rei factae: quoniam  
 est qualitas inducta in materia pro receptione formae;  
 siquidem nisi materia per debitas qualitates fuerit  
 disposita, nunquam posset alicui formae appropriari, ne-  
 que partem esse rei factae. non itaque dispositio mate-  
 riae poterit verè dici instrumentum, ideoque diaphanei-  
 tas, quoniam sit qualitas materiae ipsius aeris pro receptio-  
 ne formae vel illuminationis, atque sic inexistat rei fa-  
 ctae, non erit instrumentum, sed pars. Veluti materia,  
 hoc vel illo modo per qualitates proprias disposita,  
 pars esse dicitur: bene tamen verum est, quod agens  
 naturale in preparando materiam utitur qualitati-  
 bus tanquam instrumento; quae, ubi eam preparaue-

2. de aia t. C.  
68.

2. de generatio-  
ne aialiu3 C.2

Non dari in-  
strumentū ma-  
teriale.

rint, ſeperantur: remanent tamen eæ, quæ faciunt pro introductione formæ, quæ non inſtrumenta materiæ dici merentur; ſed potius effectus agentis præparantis, & etiam qualitatium, ut inſtrumenta ſunt, præparantium, productus in materia.

Sed neq; etiam aſſentiendum eſt Ioanni Argenterio, qui veretur eorum opinionem recipere, qui inſtrumenta ſub efficiente comprehendere volunt, Tum quia, inquit, refert plurimum in medicina hæc inter ſe ſeiuungere: quoniam aliter vitiatos motus corrigimus, quum illorum inſtrumenta ſunt læſa, aliter quum ab ipſa facultate corporis partes impellente labefactantur.

In. 1. de cauſis  
morb. Cap. 1.

Tum etiam, quoniam calidum agere dicimus, ut concoquere, expellere, quæ non facit ut agens; ſiquidem agendi vis à temperamento, ſtruturaq; partium reſultat; ſed quatenus corporis facultatibus ſuo influxu ut inſtrumentum ſeruit. quo modo etiam arteriæ corpus inter pulſuum cauſas, et thoracem inter ea, quæ reſpirationem mutant, ponit Galenus, quod ſcilicet inſtrumenta ſint, quibus efficiens pulſum, reſpirationisq; cauſa ad ſuas actiones obeundas utitur.

## DE CAUSA

*Sed quamvis medici aliter vitiatos motus corrigant, quum instrumenta sunt læsa, & aliter quum facultas in causa est; non tamen propter hoc necessario licet inferre, igitur instrumentum non erit efficiens: quoniam & si non sit propriissimum efficiens, erit nihilominus efficiens, quod ab Alexan. & reliquis philosophis instrumentale nuncupatur: quod quia non primo mouet; sed secundario, ob id seiungitur ab eo, quod propriissimum efficiens existit, ut præactum fuit quadere licet conueniant in ratione generalis; in speciali tamen, et ex natura rei distinguuntur, quo modo etiam concenditur calidum esse instrumentale agens in actionibus naturalibus, et corporis constitutione agens principale; sicut etiam vis pulsatilis proprie agit arterias, & efficit pulsus; arteriæ vero secundario. Ideoque quum instrumentum possit ad causam efficientem reduci, ueluti quæsitum per quod ad quæsitum à quo, sub quo continetur quæsitum à quo primo, & à quo secundo, nulla urget necessitas, ut causam instrumentariam seiungamus ab efficiente & ab alijs, & quintum causarum genus per se constituamus.*

*Altero modo suscepta causa describitur ab omnibus ex*

## CONTINENTE.

5

lib. 5. metaph.  
t. 1. in calce.

*bus, ex Arist. sententia, quod est id, ad cuius esse sequitur aliud. ex qua descriptione deducuntur quatuor, quæ iam dictæ sunt, differentiæ causarum; siquidem ad esse ipsius materiæ, formæ, efficientis, atq; finis sequatur semper aliud: quoniam nisi materia subijceretur ipsi generationi, nihil fieri posset; siquidem ex nihilo nihil fiat. quemadmodum etiam si forma non esset, quæ præbet esse rei, res haud quam existeret, & multo minus si efficiens atq; instrumentum deficerent, aut efficientis propositum, quum in comperto sit nihil, natura vel arte sine causa producente, & rem ipsam boni alicuius gratia intendente, fieri posse. Ex quibus sequitur eos perperam sentire, qui asserunt prædictam definitionem causæ non esse vniuersaliter veram in omnibus: quando quidem, vt inquit, fallat in causa materiali; quæ quidem est causa, & tamen ad eius esse non sequitur aliud, quod hæc non sit causa essendi: quoniam non dat; sed potius præcipit esse. Sed non aduertunt ita dicentes, quod qualibet causa in proprio genere est causa essendi alterius: quoniam qualibet necessario requiritur ad generationem & productionem rei,*

Zimara in ta-  
bula sup. Ari.  
& Auer.

## DE CAUSA

*Ut altera tantum deficiente, res nequaquam fieri possit. ob id igitur omnes causae erunt tales, quod ad earum esse sequeretur aliud: quamuis non vno modo omnes concurrant ad esse rei; atq; sic definitio erit communis omnibus contentis sub nomine causae.*

*in lib. de sim-  
pt. diff. c. 1.*

„ *A quo intellectu non dissentit Galenus, quum ita*  
 „ *definiuit Causam, quod est quicquid suapte natura*  
 „ *potest inducere ei quod sit aliquam suae generationis*  
*partem, ut voluerit causam esse proximam &*  
*immediatam generationi eius quod sit. Cuius gene-*  
*ra dixit esse materiam, vtilitatem, instrumentum,*  
*& unde principium motus; quorum quodlibet*  
*nonnihil ad perfectionem eius quod sit conducere vo-*  
*luit. Ex quibus asseruit vtilitatem, hoc est finalem*  
*causam & unde principium motus esse proprias &*  
*principalissimas causas, reliquas vero esse cōcausas.*  
*quod etiam placet phisicis: Quoniā, eodem authore,*  
*causa hoc nomine maxime dignatur, quoniam agit;*  
*& quia finis ac efficiens agunt, finis quidem in anima,*  
*& efficiens extra animam, ob id causae dictae fue-*  
*runt, & magis adhuc finis, quam efficiens: quod*  
*finis à nullo dependeat tanquam à causa; sed eius na-*  
*tura incau*

*In lib. de. cau-  
fis procat. &  
6. de vñu par  
Cap. 13.*

*Them. & Sim-  
pli. in prohe.  
lib. phy.  
in lib. de. cōst.  
ar. med. C. 15.*

tura incausata sit & improducta, à quo omnia alia dependent, & necessitatem assumunt; siquidem efficiens non moueatur ad agendum nisi gratia alicuius boni; & quia mouere non potest nisi instrumentum habeat & materiam, circa quam versetur, disponendo eam ut actu subiiciatur illi formæ, ad quam erat in potentia, quod non est aliud, quàm extrahere formam de potetia materiæ ad actum, ob id hæc duo, materia scilicet & forma; quæ intrinsecè concurrunt ad constitutionem & perfectionem rei, atq; instrumentum quod extrinsecum est, dictæ fuerunt concause & non cause. Sed omisissis multis, quæ pro exacta notitia causarum essent consideranda, tanquam aliena ab eo quod nunc intendimus, ad propositum propius accedentes, de causa efficiente, de qua Medici in suis libris loqui consueverunt, nunc habeamus sermonem: quam ab Aristotele definiri accepimus, quod est unde primum primum mutationis existit. Quæ definitio licet ab omnibus hæctenus recepta sit, non verentur tamen nonnulli ei refregari. Quod facit Io. Argenterius inquit, quod si id solum est efficiens, quod est pri-

2. phys. c. 28

,,

,,

## DE CAUSA

in .i. suo lib.

*num principium motus, quæ mota mouent, & ta-  
men instrumenta rectè dici nequeunt, ab efficienti-  
bus seungere cogimur, & aliud cause genus, quo  
ea continentur, construere: quoniam prædicta effici-  
tis definitio eis nequaquam competit, Vt externum  
frigus primum refrigerare corpus dicimus; ex frigo-  
re vero adstrictionem nasci ab hac propelli humores,  
qui deinceps varios pariunt morbos: quæ sanè omnia  
dicuntur esse illorum morborum efficientia, nec vnũ  
alterius instrumentum apte vocari potest. ob id non  
rectè definitur, quòd efficiens sit vnde primũ princi-  
piũ motus; sed potius definiendum est, quòd sit illud  
à quo aliquid fit, siue sit primum in agendo, siue à  
primo impulsu. Cui rationi apparet ex his, quæ prius  
dicta fuere, euidentis responsio: siquidem duplex dictũ  
sit esse efficiens vnum per se & proprium, aliud com-  
mune & generale. Efficiens per se illud est, quod pri-  
mum mutationis principium existit; quoniam nō mo-  
tum mouet: cui ea descriptio conuenit, quam Ari-  
stoteles assignauit; efficiens autẽ est mutationis princi-  
pium qualitercunq; ; quo modo quæcunq; mota mo-  
uent, vel sint instrumenta, vel non, sub nomine effi-  
cientis*

cientis comprehenduntur. Estò itaq; quòd quæ mota mouent excludantur à definitione efficientis propriè dicti: non tamen ab alterius definitione: quam omit- tens Arist. alteram assignauit magis propriã, quòd uoluerit in causis propriissimã causam intelligendam esse, vt in alijs omnibus propria secundum nomen in telligere oportet, quemadmodum Simplicius adno- tauit; quòd; voluerit Arist. quodque mota mo- uent debeant sub efficiente comprehendi, ex eo faci- lè constare potest, quod ponat in causa efficiente, vt in reliquis, plures causarum modos inueniri: quorũ vnus est, quòd causa prior & posterior alia alia di- catur, vt sanitatis Medicus, & artifex; siquidem sit sanitatis causa efficiens prior artifex, posterior Medicus: qui non mouet ad sanitatē, nisi motus ab arte. Galenus verò aliter definiens Causam efficientē dixit. Id, quo tangente nos afficimur, & quo sepe- rato affectus quiescit, causam esse apud omnes homi- nes in confesso est. In cuius quidem definitione in hoc primo ab Arist. discrepat, quòd Arist. definierit cau- sam remotissimam, ad quam ascendentes per resolu- tionē quæm peruenimus, cessat quæstio propter quid

sup. t. 38. 2. phi

„

„

1. de locis af.  
Cap. 2.  
Discrimen in-  
ter Aristot. &  
Gal. de causa  
efficiente.

Vt supra



## DE CAUSA

Ut supra monitum fuit; Gal. Verò causam proximā.  
 Tum etiam quoniam Arist. sermo generalis est: Ga-  
 leni Verò specialis de causa morbifica duntaxat.  
 Et rursus differūt quòd Galenus velit omnes causas  
 remotas obtinere rationem causæ sine qua non, ideoq;  
 remotissimam causam esse causam sine qua non;  
 Arist. Verò hanc esse propriissimam causam efficien-  
 tem, & reliquas esse efficientes & mouentes motas:  
 quarum aliquas dixit esse per se, aliquas per accidēs;  
 per se eas esse voluit: quæ suapte natura agunt &  
 operantur, veluti medicus & artifex respectu sani-  
 tatis, & edificator & ars respectu domus; per acci-  
 dens Verò vel quia secundo agunt, vt homo & ani-  
 mal: quorum neutrum suapte natura sanitatem, vel  
 domum efficit; sed secundariò, vt medicus videli-  
 cet, vel edificator existunt. vel quia nullo modo  
 agunt, nec primò, nec secundo; sed accidunt his, quæ  
 agunt, veluti album & musicum, quæ non primò,  
 neq; secundo sanitatem, aut domum efficiunt: sed  
 eis accidunt quæ agunt, nimirum medico & edifica-  
 tori. Gal. Verò voluit has omnes contineri sub causa  
 sine qua non: quoniam dixit hanc esse, quæ nihil cō-  
 fert ad

causa sine qua  
 non.

fert ad generationem rei; sed eas, quæ conferunt, impellit; quumq; omnes causæ remotæ nihil perfectio- nis tribuant rei, quæ sit. non quidem materiam, neq; formam: quoniam hæ causæ proximæ sunt, & intrinsecæ partes rei factæ. neq; etiam vt efficiens, & instrumentum: quoniam hæc materiam præpa- rant, & formam in ea inducunt; ea vero, quum sint remota, nihil circa materiam operantur; sed quia impellunt proximas causas, ob id causæ sine qua non rationem obtinebunt. Veluti, sermonis gratia, putredo est proxima, & per se causa febris putridæ; sed prohibita humorum transperatio, obstructio, & multitudo, atq; qualitas humorum sunt remotæ cau- sæ, nihil per se conferentes ad essentiam ipsius febris, sed putredinem: quæ confert impellentes & exci- tantes. ideo rationem habebunt causæ sine qua non, eruntq; causæ per accidens concurrentes ad genera- tionem febris: quia non per se primò; sed secundo concurrunt

Sed locus difficultatis est: quoniam si, ex Galeni sententia, omnes causæ remotæ habent rationem cau- sæ sine qua non, & hæc sit causa per accidens, vt ipse met

In lib. de sym-  
pt. diff. cap. 1.

Omnes causas  
remotas habe-  
re ratione cau-  
sæ sine qua nō

## DE CAUSA

in lib. de cau-  
sis procat.

ipse met asseruit, & aliqua ex remotis causis sint per se, veluti ex Arist. sententia dictum fuit, sequetur utiq; easdem esse causas per se & per accidens, quod absurdum videtur.

Nisi esset quod per se, ut proposito attinet, duo significat, vel ut est idem quod suapte natura tale; quo modo solemus dicere graue deorsum per se ferri, & leue sursum: quoniam ex propria sui natura illud deorsum fertur, & istud sursum; & medicum atq; artem medendi habentem; necnon domificatorem, & artem domificandi habentem per se agere: quoniam illi, ut tales sunt, hoc est ut medicus & ut habens artem medendi, ex sui natura & intrinseca ratione sanitatem efficiunt; isti vero suapte natura domum cōstituunt nulla alia existente differentia, nisi quod vna harum causarum est remotior et generalior, quàm sit altera, ut ars ipso medico atq; domificatore. In qua significatione Arist. accepit ipsum per se, quū dixit aliquas causas esse per se, alias per accidens. Secūdomodo accipitur, ut est idē quod primò; & quoniam primò interdum significat idem quod principaliter, interdum idem quod proxime &

## CONTINENTE.

9

*ximè & immediate, ac nullo intercedente. Hic secundo modo accipitur, si debet cum ipso per se conuerſi, vt Gal. sentire videtur, quum dixit per se idē esse quod primò: quāuis nōnulli atticē loquentiū aliter sentiant ideoq; dicendum est omnes causas remotas. quātumuis per se, ex Arist. sententia, secundū Gal. esse causas secundum accidens: quia non primò, hoc est non immediate agunt; sed alio, vel alijs intercedētibz. Et quāuis per se in prima significatione acceptum sit idem quod suapte natura; nihilominus vt est idem quod primò, est etiam suapte natura tale: quoniam causa, quæ per se primò efficit, etiam suapte natura facit quodcunq; facit. Solum differūt vt magis & minus commune: quoniam per se primò modo acceptum communius est: verificatur n. tam de causa proxima, quā de remota: quæ inter se essentialē ordinem seruant, quales esse dicūtur cause specificæ & genericæ. Sed altero modo verificatur dūtaxat de causa proxima, qualis est causa specifica.*

*Definiuit etiam Gal. causam efficientem, quum generalem definitionem causæ assignauit supra positam, quod ea est, quæ suapte natura generationi eius*

in lib. de Sym  
pt. diff. cap. 2.  
circa medium

in lib. de Sym  
pt. diff. cap. 1.

## DE CAUSA

Causa morbi  
fica.

quod fit, aliquid confert. Ideoq; causa morbigifica ea erit, quæ suapte natura generationi morbi, qui fit, aliquid confert. Et quoniam ex Gal. sententia, quod suapte natura est causa alicuius, est etiam per se primò, hoc est proximè & immediatè causa, ob id hæc causa erit proxima generationi morbi, qui fit. Ut in confesso sit eos ab errare, qui asserunt Gal. hac definitione complexum fuisse non solum causas per se morbum efficientes, sed etiam ex accidenti & secundariò; siquidem, inquiunt, omnis causa, quæ agit in corpore, & aliquam morbo sue generationis partem confert, morbigifica dicitur. Sic certè causæ primitivæ etiam, quæ interuentu causarum antecedentium, adeoq; ex accidenti ac secundariò morbos efficiunt, morbigicæ reuera vocantur: quia suapte natura & suis planè viribus præcedentem causam efficiunt, quæ tandem primò & per se morbū procreat. Ut igitur rectè aqua frigida curare tetanum dicitur, non obstante quòd id interuentu caloris, adeoq; ex accidenti ac secundariò faciat: ita quoq; causæ primitivæ & si non semper per se; sed interdum ex accidenti morbos efficiunt, non immeritò inter morbigificas causas à Gal.

fas à Galen. numerantur. Et quòd Galenus per hæc verba, suapte natura, non exclusit causas ex accidenti, ex ipso Gal. fit manifestum, ut qui statim à prædicta definitione ex ordine, quæ aliquid suapte natura ad morbi generationem conferunt, causarum alias esse per se, alias ex accidente ait. Quod pluribus, dicunt isti, referendum nobis erat, propter eos, qui suapte natura idem quod per se non sine magno errore significare putant.

Sed non aduertunt talia asserentes, ut ab hoc ultimo exordiar, ipsos esse qui graui detinentur errore, quum existimant suapte natura non esse idem quod per se apud Gal. quoniam non animaduertunt, quòd si suapte natura non excludat causam per accidens, quòd non rectè dixisset Gal. Causam morbi non suapte ratione & per se, sed interueniente morbo ledere actionem: quinimo suapte ratione & sui natura lederet; siquidem ex accidenti & secundariò lederet.

Non aduertunt etiam, quòd causæ externæ quæuis agant, non tamen eum effectum suapte natura producant; quæ antecedentes & proximæ procreant. huius rei testis est Gal. sic scribens. Nam quòd ex-

in lib. de Sim  
pt. diff. Cap. 1.  
„post mediũ.

„

„

lib. 1. de causis  
„puls. cap. 1.

## DE CAUSA

“ terna illa alteratio ad continentes peneravit, propte-  
 “ rea pulsuum causæ dicuntur, cum sua sponte &  
 “ per se alterare illos nequaquam possint. In quibus  
 verbis ostendit causas externas alterare quidem cor-  
 pus; verum non per se & sua sponte causas esse mu-  
 tationis pulsuum, sed intercedentibus cōtinētibus; siqui-  
 dem externæ atq; præcedentes sint harum gratia, ut  
 inquit Gal. sic etiam dicendū, quòd ubi antecedentes  
 causæ, de quibus paulo. post & de procatarcticis fiet  
 sermo, morbum excitant, hunc quidem sua sponte  
 & per se procreant; externæ vero nequaquam: sed  
 antecedētes duntaxat impellunt, quibus etiā median-  
 tibus morbū efficiunt. Quapropter non suapte natura  
 faciunt morbū: sed causas antecedētes excitant, à qui-  
 bus per se & ex sui natura gignitur morbus, nisi &  
 illæ interdū occurrentes corpori opportuno suapte ratio-  
 ne & per se morbū generant sine interuentu causarū  
 antecedētiū ut non ab re morbificæ causæ tunc mereā-  
 tur dici. Ideoq; ex dictis cōstat, quòd quicquid ex sui  
 natura est tale, est etiā per se tale, ex Gal. sentētia, et  
 cōuertibiliter se consequuntur. Quamvis secus secun-  
 dum Arist. sententiam, veluti prædictum fuit: si-  
 quidem

## CONTINENTE.

II

quidē per se latius accipiat<sup>r</sup> ab Arist. quā à Gal. Constat quoq; ex Gal. sentētia, quōd causę procatar-  
eticę, vbi antecēdētes mouerint, non sunt verē causę  
morbificę; siquidem non faciant morbum, quemad-  
modum descriptio causę morbificę demonstrat.

Neq; obstat quōd Gal. diuiserit causas in per se  
& per accidens: quoniam non eam solummodo, quā  
dixit esse suapte natura talem, complexus est ea di-  
uisione; sed alteram etiam: quā sine qua non no-  
minari asserruit, & quā ibidem definiuit: quę  
eodem auctore, veluti diximus, inter causas per ac-  
cidens connumeratur. Eandem causam morbificam  
complexus est Auicēna sub definitione causę, quum  
dixit, quōd est id, quod primo est, & ex quo pro-  
uenit inuentio alicuius dispositionis in corpore huma-  
no, aut eius fixationis. In qua definitione præter causam  
efficientem comprehendit quoq; causam conseruan-  
tem, quę est causa fixationis dispositionis in corpore,  
quęcumq; fuerit ea corporis dispositio; non ita tamen  
quōd conseruans re seiuncta sit ab efficiēte: quoniam,  
auctore Gal. eadem est causa efficiens, augens, &  
conseruans; & ratione duntaxat maioris, aut mino-  
ris actio

2. sen. primi  
in principio.

in lib. contra  
Iulianum.



## DE CAUSA

in Iad Thras.  
an ars tuende  
sanit. spectet  
ad medicum  
vel gymn. cap.  
19- & 20.

Discrimē Gal.  
& Auic. de cau-  
sa efficiente.

lib. de causis  
morb. cap. 2 in  
fine & cap. vi.  
4. de san. tuen.  
post pri. 1. de  
morb. cur ca.  
7. 4. reg. acut.  
in enar. t. 4. 2.  
de natura hu-  
mana c. 1. &  
implerosq; a-  
liis locis.  
De causa pro-  
cartartica.

ris actionis inter se differunt veluti, ex scriptis à Gal. colligi potest. Et quamuis ibi loquatur de arte efficiente sanitatem & conseruante, ad causas nihilominus potest eius sermo transferri; siquidē in proposito causa efficiens morbum inducat magnum lapsum in corpore; & conseruans lapsum inductum conseruet, & ei paruum alium lapsum superaddat, vt hac ratione causa augmentans, & figens dispositionē in corpore dici possit. Differt nihilominus Auic. à Gal. quod ille latius diffinierit causam pro causa tam proxima, quàm remota; Galen. autem solummodo pro causa proxima atq; immediata, veluti ex dictis manifestum est. Hanc quidem Galenus subdivisit in præincipientem siue procatarticam aut primitiuam causam, & in præcedentem: quibus Auicena addidit coniunctam. Præincipientem causam nominat, quod cumq; extrinsecus adueniens vehementer alterat & immutat corpora. sic dicta, quod hæc primò corpora alterare & immutare incipiat, & reliqua post eam in alteratione succedant, & ei principium motus & alterationis adscribatur, ab eaq; reliqua alterantia originem trahant: quemadmodum ab ex-

terni

terni frigoris occurſu cutis denſitans oritur ; ab hac naturalis halitus digeſtio reprimitur , à qua febris ſuccenditur. Ob quam etiam rationem huiusmodi cauſæ primitivæ dictæ fuerunt : à quibusdam tamen , veluti à Cornelio celſo, evidentes , quòd ab omnibus non modo Medicis , ſed etiam vulgaribus manifeſte noſcantur , ut nos etiam Galenus admonuit. Et ob id , quamvis inter huiusmodi cauſis aliqua connumerentur : quæ non videntur extrinſecus accedere , ſicut motus , vigilia , inedia , bubo , alui fluxus , animi affectus , & alia id genus , quæ à Galeno cauſæ Dariatum febrium eſſe ſtatuuntur ; nihilominus quia ſunt adeò evidentes & manifeſtæ , ac ſi extrinſecus accederent : ſiquidem non ſolùm Medici ; verum etiam vulgares ſciant , vel arbitrentur ſe ſcire febrem dependere ab hac , vel illa cauſa pro-cathartica , quamvis hæc ab extrinſeco non occurrat corpori , meritiffimò præincipientes , aut primitivæ dictæ fuerunt. Vel , ut Avicennæ placet , dicuntur hæc cauſæ extrinſecus accedere : quoniam extra corporis ſubſtantiam exiſtunt ; ex quibus proveniunt diſpoſitiones corporales aduentu primò , aut non primò. Motus itaq;

lib. i. in prohe.

1. de diff. feb.  
cap. 3 & lib. 3.  
de præſag. ex  
pulſibus Cap.  
penul.1. de diff. feb.  
cap. proprio3. fen. 1. doct.  
2. s. prima cap  
primo

## DE CAUSA

tus itaq; , bubo , vigilia , & reliqua enarrata extrinsecus accedunt : quia non sunt aliquid ipsius corporis ; siquidem anima etiam , ut inquit , sit aliud à corpore.

lib. suo .i. de  
causis morb.  
cap. 8.

Et quamvis prædictæ causæ soleant Diarias gignere febres : quæ sunt leues morbi , ut non vehementer ; sed leuiter corpus alterare appareant , ut Io. Argēterio placet : Nihilominus constanter tenendum est , quòd quicquid mutat corpus à suo naturali statu ad non naturalem , id quidem vehementer alterare atq; immutare ; non quod semper grauem & vehementem affectum inducat , sed affectum præter naturam proportionatum corpori , quod alterationi subiicitur : quoniam semper vehemens erit talis mutatio & alteratio ; siquidem prædictæ causæ non per se & suapte natura affectum præter naturam atq; morbum inducere possunt : Sed solummodo ubi ad imbecillum corpus ad morbos suscipiendos opportunum accesserint : cuius naturalem statum euertunt atq; permutant , ut sub varia qualitate & quantitate corpori occurrunt ; quemadmodum testatur Galenus de rebus , quas Medici non naturales appellāt. Atq; ob id placuit Hyppocrati , & alijs verteribus medicis has

in lib. art. med.  
di. cap. 85.

medicis, has causas non præincipientes & proca-  
tharticas nominare; Sed potius occasiones: quoniam  
non per se & suapte natura morbum committere  
& inferre possunt; Sed solummodo ubi ad imbecil-  
lum corpus, ad morbos suscipiendos opportunum,  
accesserint. Veluti Gal. narrat: qui etiam scriptum  
reliquit, Hypocratem per occasiones causas manife-  
stas & evidentes intellexisse: Non ita tamen in-  
telligere oportet, has causas non suapte natura im-  
mutare corpus, quod non per se primò immutent,  
quamprimum occurrerint corpori apto actionem su-  
scipere, alioquin nullum agens unquam per se primò  
ageret: quandoquidem requirat semper promptitu-  
dinem corporis suscipientis eius actionem, Sed intel-  
ligere oportet eas non suapte natura, hoc est non ex  
sua natura ita contrariari corpori, ut ipsum semper  
immutent; sed duntaxat cum corpus fuerit disposi-  
tum immutari, & tunc suapte natura, hoc est per  
se primò immutabunt. Neq; refert si quis dixerit sua-  
pte natura, vel suis viribus; quandoquidem omnis  
actio ab excessu virium agentis supra patines sem-  
per inducatur; & omne agens, quò agens, per se

occafiones.

in primo com-  
metario supra  
3. de morb.  
vulg. in enar-  
ratione t. 15.  
primo de mor-  
bo. vulg. com.  
1. in enar. t. x.  
& com. 3. eius-  
dem primi in  
istoria 2. infir-  
mi & 4. regi.  
acut in enara.  
t. 23.

## DE CAUSA

primò, & suis viribus semper effectum producat. Sed Methodici, ut Dioscorides refert, nominabant has causas non præincipientes; sed præcedentes: quoniam, ut ipsi dicebant, præcedunt affectionem, & ea facta separantur à corpore, quales sunt verbi gratia labor, frigus, estus, & alia his similia. Gal. Verò interpretes eas nominant externas: quoniam corpori extrinsecus adueniunt, sicut quæ in animantis corpore consistunt, internas.

lib. 6. rei medi-  
cæ. cap. 35.

in lib. de cau-  
sis morb. cap. 2  
in fine: & in 2.  
de natura hu-  
mana in enar.  
t. p.  
De causa ante-  
cedente.  
lib. 1. in prohe.

De quibus Gal. loquens dixit, quòd hæ sunt quæ in animali consistentes morbum præcedunt, siue affectus, siue motiones præter naturam fuerint, & sunt quæ morbos faciunt: quæ quoniam occultæ sunt, & non nisi à peritis Medicis cognitæ, ob id à Celso abditæ causæ dictæ fuerunt.

lib. 1. de causis  
morb. cap. 3.

Neq; obstat quod obijcit Argenterius, quòd si causa antecedens est, quæ morbum efficit, sola causa immediata morbo esset antecedens; siquidem hæc sola faciat morbum, & reliquæ omnes essent procatharticæ, quamuis internæ. Veluti in exēplo, si calor calidū morbum cōmittit, & calidus humor calorē accendit, et humor ex prohibita trāspiratione incalescit; hanc autē  
cibus

*cibus crassus peperit, solus quidem calor erit causa antecedens: quoniam immediate facit morbum, reliquæ erunt procatharticæ. Verum cibus crassus erit externa causa, reliquæ internæ in animali cōsistentes.*

*Quoniam quod adducit Io. Argenterius pro inconuenienti, credo ego summam necessitatem habere apud Galenum: quandoquidem omnis causa, quæ actu efficit, sit immediata effectui, quem successiue producit; sed causa antecedens morbum actu eum efficit: quoniam, authore Galeno, causa hoc nomine maximè dignatur, quoniam actu facit, ob id hæc erit immediata ipsi morbo, cui semper coexistit quādiu efficit: quam dixit Gal. esse, quæ facit morbum, auget & conseruat. Quòd si plures sint causæ internæ in animali consistentes, quæ dicantur antecedentes, omnes vtiq; erunt antecedentes: quoniam facientes aliquem affectum præter naturam, quem immediate antecedunt; Sed vna duntaxat erit proxima & immediata ipsi morbo, reliquæ verò remotæ. Veluti, si febris humorum putredine succendatur: putredo autem ex prohibita transpiratione, & prohibita transpiratio ex obstructione; obstructio verò ex mul*

in lib. de cōst.  
artis med. cap.  
15.

lib. 2. de natu-  
ra humana in  
enaratione t.  
p. & in lib. 2.  
med. cap. 88.  
in lib. de Sym  
pt. d. cap. 2. &  
in lib. contra  
Iulianum.

## DE CAUSA

titutidine, aut qualitate humorum: *Quantitas nempe*, aut *qualitas humorum est causa antecedens faciens obstructionem*, quæ est morbus in formatione, & prohibita transpiratio, quæ est actio læsa propter obstructionem, quæ naturalem halitus digestionem impedit, habet rationem cause. Antecedentis respectu putredinis: quæ est actio læsa virtutis alteratricis; quoniam sæpenumero symptomatum alterum sequitur ad alterum, ut monet Gal. hæc autem putredo rationem obtinet cause antecedentis merito febris; ex parte cuius dicitur proxima, & immediata causa, & reliquæ dicuntur & sunt antecedentes remotæ: quæ etiam secundum doctrinam Galen. possunt cause sine quibus non appellari, comparatæ ad febrem: quoniã obstructio, atq; prohibita transpiratio non faciunt febrem ex putredine; Sed impellunt & excitant putredinem, quæ est illius causa: non. n. sunt aliqua causa generationis febris. Non quidem finalis: quoniã hæc est corruptio & destructio corporis: sicut. n. in naturalibus finis habet rationem boni: sic in his quæ sunt pter naturã habebit rationem mali: siquidẽ ab agente præter naturã nihil boni possit provenire

in lib. de sym  
pt. differentiis  
cap. 4.

in lib. de cau-  
sis procath.

uenire; non formalis: quoniam hac est calor. præter naturam. non Materialis siquidem hac sit corpus atque humor; neque efficiens: quoniam hac est putredo erunt itaque causæ sine quibus non: quoniam sine ijs putredo non poterit efficere febres, eruntque causæ, quæ non ex sui natura; Sed secundum accidens: & ex non primo excitant febrem putridam quæ; sequitur voluerit, antecedentes remotas appellare poterit, non dissonus à Gal. afferente putredinem esse quandam causam antecedentem febrem. Per quæ modum loquendi euidenter monstrant dari plures causas antecedentes; quales sunt redundancia cum crassitie & tenacitate humorum, obstrusio, transpirationis retentio, atque putredo: quæ omnes, excepta putredine, dicentur causæ remotæ; Vel secundum accidens cōcurrentes ad generationem febris putridæ: quoniam non primo, & ex propria natura. Sed secundario eam excitant. Putredo de se ipsa non primo, & sua sponte febrem facit putridam; ob id proxima causa antecedens vocabitur, quemadmodum ex dictis liquet: quoniam morbum, hoc est febrem immediate antecedit; singula tamen in comparatione ad proprium affectum præter naturam, quoniam indu-

cunt

obscuro ad hunc  
 lib. xi. de mor  
 bis. cur. cap. x.  
 in fine.

lib. xi. de mor  
 bis. cur. cap. x.  
 in fine.

lib. xi. de mor  
 bis. cur. cap. x.  
 in fine.



## DE CAUSA

cunt, dicuntur immediatæ & antecedentes: quoniã sponte & per se primò eum efficiunt & antecēdunt.

Causas antece-  
dentes remo-  
tas dari ex Ga-  
len.

primo de cau-  
tis puls. cap. i.

Quod si nonnulli aduertissent, non negassent dari causam antecedentem remotam secundum Galeni sententiam, quemadmodum etiam, præter ea quæ dicta sunt, Galenus euidenter concessit, plures causas internas & antecedentes in corpore reperiri, cum ita scriptum reliquit. Densetur ab occurſu externi frigoris cutis, cuius densitas naturalem halitus digestionem reprimat, repressus ille coaceruetur, tandem accendat febrem, ob quam vsus pulsuum mutetur. Itaq; etiam ipsi pulsus, Hic externa causa est occurſus externi frigoris, cætera vsq; ad vsum pulsuum, omnes præcedentes. Causa igitur externa, intercedentibus causis præcedentibus, quia uariat vsum pulsuum, quæ una ex continentibus causis est, etiã immutat ipsos pulsus. In quibus sanè verbis ponit Galenus plures causas Antecedentes ordinatim concurrentes ad mutationem pulsuum. Neq; etiam ijdē rectè sentiunt, cum asserunt causas remotas, & quæ potentia, non actū morbum efficiunt, esse omnes causas

nō omnes cau-  
sas remotas ef-  
ſe externas vt  
placet nonnul-  
lis.

nes causas externas : quandoquidem , ex Gal. met  
in citatis locis , non paucae sint causae internae : quae nō  
actu concurrunt ad productionem affectuum prae-  
naturam ; sed potentia solum. Quemadmodum cum  
pro curatione febrium putridarum docet remouen-  
dum esse quod putredinis iam factum est , & quod  
in generatione adhuc est , sistere ; & quod obstru-  
ctionis iam factum est , soluere ; quod futurum est ,  
propulsare. Nemini certe dubium , Galenum velle  
humores , iam putridos actu efficere febrem , & hu-  
mores iam impactos actu obstruere : qui vero non ad  
huc putridi sunt , neq; adhuc meatibus impacti non  
actu quidem ; Sed potentia efficere morbum , & ni-  
hilominus sunt causae internae , & non externae. Da-  
buntur itaq; causae internae , & antecedentes remotae  
quae potentia non actu efficiunt morbum. Verunta-  
men quoniam causa eo maxime hoc nomine digna-  
tur , quoniam agit , ob id Galenus diffiniens causam  
antecedentem , dixit eam esse , quae efficit morbum ;  
quia nomen causae in sua digniori & propria signi-  
ficatione accepit. Neq; etiam verum est , omnes cau-  
sas remotas esse potentiales , vt illi met ostendunt :  
quandoquidem

lib. xi. de mor-  
cur. cap. x.

## DE CAUSA

nō omnes cau-  
sas remotas ef-  
fe potentiales.  
vt placet non-  
nullis.

quandoquidem hae causae remotae sint: vel quae non  
sua sponte & per se primò efficiunt: sed ex acciden-  
ti & secundariò, quia alias impellunt: quae sua spò-  
te agunt, & istae non causae in potentia: sed actua-  
les esse dicuntur, & sine quibus non: quas in corpo-  
re inueniri ostensum est ex Gal. vel quae nō agunt pri-  
mò, neq; secundariò: poterunt tamen per se primò  
agere morbum, cum fuerint de potentia ad actum de-  
ductae, & istae sunt illae causae remotae, quae sunt  
potentia ac poterit effici vitiosus vt benignus humor  
potentis putridus, qui sua sponte causabit febre, &  
quas etiam non reperiri in corpore nemo ibit inficias,  
atq; sic ex Galeno.

1. fen. primi d.  
1. s. 1. cap. 1.

“ Auicena vero, diffiniens has causas anteceden-  
“ tes, dixit quòd sunt causae corporales humorales aut  
“ complexionales, aut compositionales: ex quibus ad-  
uenit dispositio non aduentu primò: sed aliquo me-  
diante. In quarum diffinitione claret Auicennam  
omnino dissentire à Galeno: siquidem Auicena ve-  
lit has causas esse remotas: quis tamen Gal. asserit  
esse proximas & immediatas ipsi morbo, quòd qua-  
ratione id euenerit, declarabitur consequenter.

Secundū

**S**ecundum declarandum ex titulo *Quæstionis* erat, quid nomine *causæ coniunctæ* aut *continētis* intelligendum sit: quod licet possit declarari, tanquam hæc *causa* sit *tertia quædam differentia causarum* ab alijs distincta, ut multis placet: nunc tamē solummodo quid ipsius considerabimus, reseruantē illius determinationem ad ea, quæ inferius dicturi sumus.

Varijs hæc *causa* appellatur nominibus; nimirum *coniuncta*, ut in ore omnium versatur, *continua*, *continens*, atq; *inherens*. Quod animaduertens *Galenus*, ut multitudinem nominum euitaret, & cuilibet concederet pro suo arbitratu eam nomina re posse, cum de ea loquitur, obseruat ferè semper hunc modum loquendi, ut dicat, ut ita dixerim, ut ita dicam. Dicitur quidem *coniuncta*: quoniam cum re iuncta est, cuius dicitur *causa*. & *continens*; quòd essentiam eorum contineat, quorum est *causa*. *Continua* verò; quoniam continuatur, atq; *immediata* est ei rei, cuius dicitur *causa*. Et tandem *inherens*; quòd ei inheret, cuius est *causa*.

primo de causis  
symp. cap. 2.  
& 5. 2. pronof.  
co. 43. & alibi

F

## DE CAUSA

*Hanc Stoici inter philosophos primi extiterunt, qui in philosophia inuenerint, asserentes ignem et aerem, quia formæ quodammodo essent & spirituales substantiæ, reliqua quòd materialia essent continere. & Athenus Attaleus primus medicorū: qui eam de philosophia in medicinam deduxerit. Quam Gal. etiam dari cōcedit: non ita tamen latè ut Stoici & recentiores medici sui temporis concedebant, velut ex dicendis apparet. Sed neq; Aristoteles eam negat; quinimo expressis verbis eam affert in singulis generibus causarum: aliter tamen quàm Galenus; siquidem Aristoteles velit remotissimam & genericam causam, quòd singulares & inferiores vel proximas causas in proprio genere contineat, continentem nominari: quemadmodum etiam ex comentarijs Simplicii manifestum est: At Galenus non remotam; sed proximam & specialissimam atq; singularem continentem esse. Quàm diffiniens dixit eam esse quæ illorum essentiam continet, quorum est causa. Quæ sanè definitio quid nominis explicat. Cuius essentialem assignans, dixit eam esse: à qua res ipsa fit, & cum ea pariter cessat. Quam etiam Methodici*

in lib. aduers.  
Iulianum.

lib. 2. phis. c. 32  
& 33. 38.

causa continēs  
quid inter ini  
tia primi libri  
de causis puls.

in lib. contra  
Iulianum in  
fine.

*Methodici, eam ponentes, diffinierunt dicentes esse quæ præsens, præsens est affectus, & crescens augetur; decrescens verò & desinens minuitur etiam & desinit, veluti Dioscorides annotauit. Et rursus Galenus eam diffiniens, dixit eam esse primam actionis causam, ut euidenter ipse concedat, hanc causam dari, quæ sit ipsius motus siue actionis & productionis causa; at non quidem rei productæ: quoniam hæc causa non per se primò continet essentiã rei, quæ post motum remanet; sed duntaxat essentiam eorum, quæ motus & actionis causa esse dicuntur. Adeò quòd secundum Galenum per causam continentem non est quid aliud intelligendum, quàm affectus permanens in corpore: qui, ut est secundum naturam, erit causa continens functionum secundum naturam, qualis est sanitas: ut verò præter naturam, sic est earum functionum, quæ sunt præter naturam causa cõtineas quemadmodum Morbus. Veluti, sermonis gratia, si proba partium vel totius corporis constitutio causa est continens & prima atq; immediata bonarum functionum, quòd earum essentiam contineat sitq; causa generationis & productio*

lib. 6. de māt.  
medica. cap. 35  
lib. 2. de mor.  
bis cur. cap. 4.

## DE CAUSA

nis earum, utiq; vitiata corporis constitutio causa erit continens & prima atq; immediata lesionis functionum; siquidem contrariorum effectuum contrarie sint assignanda causa. Quod si quis hanc causam ad morbum trāsferre voluerit, non sanè aliter statuenda erit, quam quod sit generationis illius causa. Quam Auicenna etiam diffiniens, dixit quod est causa corporalis: ex qua dispositio corporalis provenit aduentu primo, scilicet absq; medio. Ut voluerit hanc causam esse proximam & immediatam effectui. Veluti putredo, quæ efficit febrem, & humor obstructionem, & obstructio cecitatem, omnia dicuntur esse causa coniunctæ: quoniam hærent & unitæ sunt cum affectu, quem faciunt: quibus etiā sublatis remouetur affectus veluti positis ponitur: Ut posita, vel remota obstructione ponitur, vel remouetur cecitas. sic de humore obstruente, & putredine faciente febrem dicendum est. A quo non dissentit Ioanitijs, in hunc modum eam diffiniens, quod causa coniuncta est, quæ dum adest, adest infirmitas; & eadem abeunte abest & infirmitas.

Sed locus difficultatis est: quoniam si hæc causa  
ponitur

ponitur proxima & immediata ipsi morbo, cum etiam causa Antecedens sit immediata & proxima causa, Ut ex Galeno fuit prius ostensum, nulla apparebit differentia inter hanc & illam causam.

Nisi esset quod transferendo nomen causæ continentis ad generationem morbi, causa antecedens & coniuncta re & ratione essentiali idem sunt; sed ratione accidentali differunt: quoniam dicitur antecedens, si spectetur ad affectum, qui debet in corpore permanere; quamvis adhuc non permaneat: coniuncta vero si ad affectum, qui est in generatione eadem consideretur; quandoquidem hæc semper generationi illius & productioni coexistat, & unita sit.

Differ. quænam sit int. causam antecedentem & coniunctam secundum Gal.

Sed hic rursus oritur difficultas: quoniam Galenus ponens tres differentias causarum, nempe externas, precedentes, & coniunctas, vult continentes causas esse primas & præcipuas; Antecedentes vero & externas, non proximas, sed remotas. Ut velit omnino eas abinuicem re separari; siquidem eæ sint remotæ, illæ autem proximæ.

int. initia pri. de causis puls.

Cui dicendum, quod causæ contentivæ bifariam quaeruntur, vel ipsarum actionum, vel ipsorum morborum



## DE CAUSA

borum & affectuum corporis. Si actionum, sic utiq; affectus corporis, nempe sanitas ac morbus sunt causa earum: sanitas quidem actionum secundum naturam; morbus autem vitiosarum & præter naturam. Quo modo causæ continentēs differunt re ab antecedētib; sicut affectus corporis re differt à causa quæ eum producit. Si verò morborum ac affectuum causæ contentiæ quærantur sic dicendum est eas ab antecedentibus re nequaquam seiungi: quoniam causa, quæ antecedit morbum & affectum, eum etiam facit, ideo est causa mutationis & generationis illius, quare erit causa coniuncta. Sed Galenus in loco citato loquutus fuit de causa contentiva ex parte actionum, non affectuum, ob id dixit illas esse præcipuas.

Neq; in hoc quibusdam assentio, asserentibus Antecedentem causam, & coniunctam multifariam distinguere. & primò, ut inquirunt, quod coniuncta posita ponatur affectus, hoc est pathos; & separata separatur; ea autem, hoc est antecedente posita non ponatur affectus, nec separatur; sed manet nihilominus. & secundo quod continens tempore prior est; Antecedens verò posterior: quia hæc fientis;

fientis; illa autem facti causa existit. Et tertio quia continens non immediate; sed pathemate interueniente morbum praecedit; Antecedens Verò morbo proxima est & immediata. In quibus certe aberrant: quoniam eadem est ratio vtriusq; ; siquidem causa Antecedens sit, quæ per se agit morbum, & ea posita ponatur morbus in fieri, & remota remoueat etiam morbus in fieri, atq; sic ponatur & remoueat pathema: quoniam causa ea ratione dicitur causa, quia agit, & respectu eius quod factum est non dicitur causa, nisi sub ratione finis intenti ab ea. Quia propter licet separata causa Antecedente remaneat morbus; non tamen causa Antecedens, ratione qua agit, dicitur causa permanentis affectus; sed duntaxat merito finis præconcepti, & propterea re non erit separata à causa coniuncta.

Neq; oportebit imaginari quod continens sit tempore prior, & Antecedens posterior: quoniam cum vna & eadem sit causa; quæ varia, & quæ dicta sunt, nomina, hoc est Cōtinentis & antecedentis obtineat, vnam etiam habitudinem temporis ad suum effectū semper obtinebit. Vt etiam superuacaneum sit fingere

## DE CAUSA

gere continentem causam, pathemate interueniente, morbum præcedere, Antecedentem vero nullo intercedente: quoniam ea causa, quæ facit morbum, facit per prius de necessitate pathema; siquidem nihil sit factum & permanens, quin prius fuerit in fieri. Quapropter etiam causa non potest producere aliquid in esse firmo & stabili, quin prius in fieri, & prius pathos ipsum, quam factum pathos & permanens.

discrimen Ga  
leni & Auic.  
de causa conti  
nente.

Secus tamen secundum Auicennam: dicendum erit: siquidem hic uelit causam coniunctam eam esse, quæ actu facit, & est immediata morbo, qui est in generatione; Antecedentem verò esse causam remotam, quæ ad huc morbum non facit, sed ex proximo poterit efficere. In quo certe non differt à Galeno nisi in modo loquendi: quandoquidem ea causa, quæ actu efficit, à Galeno dicitur Antecedens, ab Auicenna coniuncta; quæ verò potentia agit ab Auicenna Antecedens, à Galeno etiam Antecedens; sed remota, vel causa sine qua non, ut prius ostensum fuit. Ex quibus apparet differentia inter Galenū & Auicennam circa considerationem causarum plurimum

## CONTINENTE.

21

plurimum in nomine versari, & ob hanc rationem Avicennam fecisse trimembrem diuisionem causarum morbosificarum, & Galenus bimbrem.

Quin etiam non solummodo causa continens est eadem re cum causa antecedente; Verum etiam interdum re, & ratione est eadem cum causa procathartica: quemadmodum hæc etiam eadem esse potest cum causa antecedente ex Galeni sententia, prout ratio demonstrat; quandoquidem causa antecedens sit, quæ facit morbum; at causa procathartica nonnunquam & ipsa efficit morbum, ob id antecedens pro tunc nuncupari poterit; quoniam cui definitio conuenit, eidem & nomen definiti conuenire debet. Quamet etiam ratione continens nominabitur, quod prima & immediata causa existat generationis morbi, quæ quâ diu est, tandiu est etiam productio morbi, et quamprimum cessat, cessat etiam generatio eiusdem. Neq; inter eas erit alia differentia, nisi quod procathartica erit causa externa, antecedens Verò interna. Quæ sanè differentia est duntaxat accidentalis: quoniam accadat causæ facienti morbum, quod vel intra, vel extra corpus existat. Si itaq; ratio causæ

Causam procathartica antecedentē continentem iuuicem interdum non differre

## DE CAUSA

antecedentis interdum conuenit procathartica, & eidem etiam conueniat ratio continentis, Vtiq; idem erunt re & ratione causa procathartica, antecedens, & continens, & solis nominibus, atq; rationibus accidentalibus erunt distinctæ; siquidem causa procathartica nuncupetur, quòd extrinsecus corpori adueniat, vel extra corporis essentiam existat, & eadem dicatur antecedens: quoniam apposita corpori faciat morbum, quem antecedit, vt is debet in corpore subsistere: continens verò, vt proxima causa generationis morbi. Itaq; hæc continens causa non faciet tertium genus causæ re distinctum à procathartica & antecedente ex Galeni sententia; sed necessariò erit altera earum. Nonnunquam tamen causa procathartica, & antecedens re atq; ratione ab inuicem se iunguntur. Quod accidit quando causa procathartica nò primo facit morbum; sed interuentu causæ antecedentis: quoniam illa primò antecedentem mouet; hæc autem morbū immediate facit. Ad quod respiciens Galenus eas ab inuicem se iunxit, & de continente loquens nunquam dixit eam esse internam, vel externam; quod animaduerneret alterutrum earum esse

## CONTINENTE

22

esse posse. Sed quid sit morbus ex utriusq; sententia, quod erat alterum videndum, reliquum est considerare, & dicamus ex Galeni sententia morbum esse affectum præter naturam, à quo actiones primò vitiantur. Quem non aliter diffiniuit Avicenna, cum dixit, quod est dispositio non naturalis in corpore humano: ex qua in operatione essentialiter provenit nocumentum prouentu primo. Pro cuius definitionis explicatione oportet declarare, quid nomine affectus intelligendum sit, cuius gratia ambigua redditur assignata definitio, quemadmodum ex dicendis apparebit. Affectus nimirum de mente Galeni tres habet significationes, primam quidem & valde generalem pro omni corporis, atq; animi alteratione, tam naturali, quàm præter naturam. Alteram & minus generalem, qua eam significat alterationem, quæ est præter naturam. atq; tertiam, ut alterationem duntaxat permanentem importat: quæ specifica dici potest. Quòd autem res ita se habeat, audiamus Galenum sic ad verbum scribentem. Morbus quidè dicitur constitutio quedam præter naturam, à qua actio primò vitiatur; quin si affectum dixerimus, à quo

Morbus quid

in lib. de sym-  
pt. diff. cap. 1. 2.

„

„

„

Affectus tria  
significat.

in lib. de sym-  
pt. diff. cap. 1.

„

„

„

G ij

## DE CAUSA

actio vitatur, idem nos dixisse constat. Nam quic-  
 quid est, id aliquo modo afficitur, siue sanum fuerit,  
 siue aegrum, siue neutrum; atqui nomen affectus ab-  
 affici quodammodo deriuatur. neq; philosophis dun-  
 taxat, verum etiam reliquis grecis omnibus in hunc  
 usum receptum est: etenim affectus generatim ad  
 omnes pertinet, tum sanos, tum aegros, tum neutros  
 insuper & cantum, & harmoniam, & orationem,  
 & dictionem affici dicunt Græci. Hæc Galenus. In  
 quorum verborum serie aperte demonstrat generi-  
 cam significationem affectus esse, quod dicatur pro  
 omni mutatione, qualiscunq; ea fuerit, vel natura-  
 lis, vel præter naturam: Sed paulo ante hæc verba  
 citata, rursum ita scriptum reliquit. Sanè omnis cor-  
 poris affectus, à naturali constitutione recedens, aut  
 morbus est, aut causa morbi, aut symptoma morbi.  
 In quibus verbis explicat alterum & secundum si-  
 gnificatum affectus, ut mutationem significat: qua  
 corpus præter naturam mutatur et alteratur. In qua  
 significatione, ut ipse testatur, eum accipit per to-  
 tum librum de morborum curatione per missionem  
 sanguinis, sic dicens. Verum nunc mutationes in ha-  
 bitum præ

in lib. de cura-  
 tione morb. p  
 missionem san-  
 guinis. cap. 3.

bitum præter naturam, qualescunq; fuerint, affectus  
 per vniuersum hunc librum nominamus. Demceps  
 post hæc omnia explicans quid sit affectus in tertia  
 significatione acceptus, hæc pauca subdit. Cū .n. quie-  
 uerit alterans, alteratio permanens in re, quæ per-  
 pessa est, eiusdem rei affectus esse censetur: non pro-  
 prie tamen; sed abusive sic accipi nomen affectus asse-  
 ruit, vt ipse clarè monstrauit in hunc modum scri-  
 bens, Vbi ad permanentem dispositionem alteratio  
 peruenerit, sitq; dispositio scilicet præter naturam,  
 morbus appellatur. Quamuis per abusionē interdum  
 eandem dispositionem nonnulli affectum nominent:  
 qui si more Græcorum, patrio nomine vterentur,  
 partes ipsas potius affici dicerent, cum motum susti-  
 nent præter naturam. Cum verò dispositiones habent  
 præter naturam, si propriè quis loquatur, egrotare  
 eas potius, quàm affici dicet; quod si ab usu recesserit,  
 non solum egrotare; sed affici quoq; dicere po-  
 terit. Atq; sic apparet ex dictis nomen affectus tri-  
 fariam accipi, nempe generatim, speciatim, &  
 abusive: vel bifariam propriè, & abusive, & pro-  
 priè vel generatim, vel speciatim. Quibus sic nota-  
 tis dicen-

,,

in lib. de sym.  
pt. diff. cap. 1.

,,

,,

lib. 1. de loc. af-  
fectis cap. 3.

,,

,,

,,

,,

,,

,,

,,

,,

,,

,,

,,

,,



## DE CAUSA

Morb. abusive  
vocatur affe-  
ctus.

in lib. de sym-  
pt. diff. cap. 1.

in lib. de mor-  
borum differe-  
ntiis cap. 2.

in lib. de  
symp. diff.  
cap. 1.

tis dicendum est affectum positum in definitione mor-  
bi accipi in tertia significatione, ideoque improprie  
& per abusionem acceptum esse. Cuius quidem dicti  
ratio ex verbis Galeni est satis evidens; siquidem  
omnis dispositio præter naturam permanens abusive  
nominatur affectus; at morbus est dispositio præ-  
ter naturam permanens. igitur morbus abusive nomi-  
nabitur affectus.

Sed ambiguitas oritur, qua ratione motus fuerit  
Galenus, ut diffiniuerit morbum per affectum, si  
is abusive dicitur de morbo. Nisi esset, quod more  
aliorum ita diffiniuit, ut ipse testatur. Qui post-  
quam definiuit morbum per esse constitutionem præ-  
ter naturam, statim subdit. At manifestum est,  
quod si affectum non naturalem dixeris, eadem erit  
significatio, & nomine usus fueris antiquo. Et rur-  
sus cum dixit. Morbus quidem dicitur constitutio  
quedam præter naturam, à qua actio primò vitia-  
tus: quin si affectum dixerimus, à quo actio vitia-  
tur, idem nos dixisse constat. ut præter illud quod  
dictum est, appareat etiam ex Galeni sententia pro  
eodem accipi affectum, dispositionem, & constitu-  
tionem

tionem in ratione morbi, & nihil referre si hoc, vel illo modo definiatur. Quemadmodum etiam eiusdem placitum fuisse quod morbus sit res præter naturam in corpore permanens: quandoquidem constitutio præter naturam sit res in corpore firma & permanens; & quia morbus est constitutio præter naturam. Utique erit etiam in corpore permanens. Non ita tamen quod ad essentiam morbi sufficiat permanentia eiusdem in corpore; sed quod præter lesionem functionum requiritur etiam permanentia: quandoquidem, authore Galeno, hæc duo constituent morbum, affectus nimirum constans & permanens, & functionum lesio.

Morbum esse rem permanentem vide latius infra

necessario requisita ad essentiam morbi.

Sed non desunt qui assignatam morbi definitionem perturbant, ut oscitanter duntaxat & superficientenus eam, & verba Galeni delibasse præseferant. Quod facit Ioannes Argenterius (bona eius pace sit dictum) qui motus quibusdam rationibus sic eam turpiter reprehendit. & primo quidem quoniam Galenus ambiguo utitur genere: quandoquidem vel sit non solum morbum ipsum; sed etiam symptomata, & causas morborum affectus esse præter naturam.

in lib. de generibus morbi cap. 1.

## DE CAUSA

ram. Tum etiam quia sibi consentire non videtur, quod dicat affectus dispositionisq; nomen alterationem stabilem & permanentem significare, ut meritisimò censeat actiones, alterationesq;, quæ adhuc præsentibus suis causis nascuntur, et in ipso (ut aiunt) fieri naturam suam obtineant, affectus vocari non posse. Præter hoc etiam quod causas, affectus, vel dispositiones vocare est nomine plane abuti, res ipsas inter se confundere: quandoquidem velit ipse affectum esse alterationem, & Aristoteles qualitatem: at causa nec alteratio est, nec in qualitatis; sed in eorum, quæ comparatè dicuntur, genere continentur. Ex quibus sequitur frustra dicere Galenum se addere in morbi definitione, quod primò actionem ledat, ad Causam morbi differentiam; quod hæc non nisi interueniente morbo actionem ledat: quoniam ex genere morbi quæ inter illa sit differentia statim conspicitur; siquidem morbus dispositio sit; Causa autem minime, ut alio præterea non sit opus, quod discrimen ponat.

Et rursus affectum dispositionemq; vocare alterationem, quæ stabilis iam sit & contumax, est antiquam

antiquam Verbi significationem corrumpere, ut Ari-  
stoteles apertè ostendit, contrarium omnino signi-  
ficat: nempe qualitatem, quæ facile dimoueri potest.

Quemadmodum etiam eam solum alterationem,  
quæ stabilis iam sit quodammodo facta, morbum vo-  
care rationi atq; medicæ nõ apparet consentaneum,  
quum Diariam febrem, leuioraq; alia corporis Vi-  
tia, atq; adeo etiam grauiora, ut Apopleſia, mor-  
bos nuncupemus, & si minimo solum temporis spa-  
tio perdurent. Atq; in hoc Galenus sibi omnino re-  
pugnat, cum scribat eos errare, qui morbum stabile  
contumacemq; affectum esse definiebant, contenditq;  
permanentie nomen ab eius definitione penitus sub-  
trahendum.

1.&2.lib.meth  
med.

Sibi etiam repugnantia dicit Galenus, cum velit  
morbum esse affectum præter naturam, qui euidenter  
hominis functiones ledat, & alibi statuatur morbum  
esse cum primum corpus à naturali statu vel mini-  
mum egreditur: quamuis præ exiguitate neq; à nobis  
cognosci, neq; laborantium sensu percipi possit.

primo de loc.  
aff.

Neq; etiam verum est, inquit, quod morbus  
primo actionem ledat: quoniam inter eum, &

## DE CAUSA

actionem mediat vis corporis. Ut intemperies primò causa est facultatis agendi; facultas autem ipsius actionis, hæc verò operis. Sicut libro primo de facultatibus naturalibus, & alibi passim ostenditur: alioquin corrumpunt omnes libri, quos de facultatibus nostrum corpus regentibus conscripsit.

Præterea non separat hac diffinitione morbos à causis, & Symptomatibus; siquidem nonnullæ causæ ledunt suas actiones nullo interueniente morbo. Veluti concoctio alimenti exuperante illius copia labefactatur nullo morbo interim affecto Ventriculo: sed euiectæ quodammodo statim ipsa facultate, quem admodum per partis morbos contingit. Quamobrem si pari distantia cum morbis nonnullæ causæ actiones corrumpunt, eas quoque inter morbos collocare oportet. Sicut etiam eadem ratione priores actiones: quæ sequentes offendunt, ut coctionem corruptam: quæ nutritionem fieri impedit, necnon & ea symptomata, à quibus actiones labefactantur, dolorem, & tunicæ corneæ colorem, atque duritiem, mollitiem, raritatem, & densitatem quarundam partium inter morbos ponat necesse est cum tamen nec ad intemperiem,

*temperiem, nec ad ea, quæ instrumentarias partes constituunt, pertineant; sed in symptomatum genere collocentur.*

*Postremò absurdum est morbum definiri per actionum lesionem: quoniam multarum partium actio destruitur: quarum tamen substantia integra & sana manet. Quemadmodum sunt omnes partes ab alijs vim, aut materiam suscipientes, ut nerui, & partes voci subseruientes: quæ certè morbo affectæ dici non possunt, alioquin essent ipsis remedia admouenda: at id non facimus, propterea quòd non ægrotant, etiam si suo munere & actione priuentur. Oporteret præterea morbos similarium ad instrumenta quoq; referri, si modo per febres motus, aliæq; instrumentorum actiones impediuntur, quod absurdum esset: alioqui non solum solutionem continui; sed omnes intemperaturas vtriusq; partibus communes morbos statuere oporteret.*

*Præterea cum morbus non solum ledat actiones; sed etiam alienas qualitates corpori conciliet, & ex cremēta naturalia &c (hæc enim omnia morborum affectus à Galeno ponuntur.) cur quæso potius actio,*

## DE CAUSA

quàm alia duo in illius definitione assumi debet? præfertim cum ex illis clarius nonnunquam, quàm ex actione intus latente morbus innotescat. Veluti vlcus intestinorum ex mutatione excrementorum nullo præbente inditio illorum actione, & hepatis morbus ex vitiato colore in morbo regio deprehendimus.

lib. de morbo-  
rum diff. cap. 2

lib. 5. de plac.  
hyp. & plac.

Haëtenus Ioannes Argenterius contra definitionem morbi assignatam à Galeno, qua nimirum (ut ipse credit) reprobata, hanc aliam ut verioremem enūciat: quòd morbus non est aliud, quàm corporis constitutio præter naturam. Quam etiam voluisse Galenum inquit, cum dixit sanitatem constitutionem siue compositionem esse; & in ipsa structura corporis tum eam, tum morbum collocari censuit. Et pariter cum dixit morbum esse inequalitatem calidi, frigidi, humidi & sicci; nulla lesionis actionum facta mentione, quòd ea constitutio præter naturam ledat quidem actiones; sed non primo: quoniam vitiosa potentia intercedit.

Sed si verum est quòd quicquid medicus considerat corporis humani ea quidem ratione cōsiderat, qua circa ipsū operari debet multa ex ijs quæ adducuntur ab aduersario

ab aduersario corrueat. Nam cum in potentias, quæ sunt actionum corporis causæ agere non possit, nisi ut constitutionem corporis immutat: quod testante Aristotele in secunda specie qualitatis nulla fiat alteratio, nisi quia primæ qualitates immutant. ob id tamen si ex natura rei potentia agendi intercidat inter corporis constitutionem à qua secundum essentiam dependet, & actionem ipsam: nihilominus, ut Galeno etiam placet, potius dicitur constitutionem esse causam actionum, ut suæ pertinet arti, quam potetiam. Quandoquidem animaduertat Medicus tanquam artifex: qui in omnibus sequitur sensum, quod ex bona & perfecta corporis constitutione bonæ & perfectæ sunt actiones & ex malis vitiosæ, ex potentia autem deprehendere non possit. ob id asseruit Galenus constitutionem non esse simpliciter primam & immediatam causam actionum; sed causæ rationem obtinere, ut medico attinet, & bonarum quidem si ea fuerit secundum naturam; vitiosarum autem si præter naturam. Non mirum itaque si interdum definiuit morbum per esse affectum suæ constitutionis præter naturam, & nihil aliud in definitione addideret: quo-

lib. 7. phys. 2.  
cap. 19.

in lib. de plen.  
1. de simpl. me.  
di. fac. cap. 1.  
& 3. de loc. aff.  
cad.

in lib. de mor.  
diff. cap. 2. &  
primo de san.  
tuen.

in lib. de mor.  
diff. cap. 1. & in  
lib. de sympt.  
diff. cap. 2.



## DE CAUSA

in lib. de sym  
pt. diff. cap. 2.

ret: quoniam voluit subintelligendum esse quod sit actiones impediens, sicut interdum dixit eum esse causam, ob quam vitata est actio. per causam subaudiens constitutionem præter naturam, & aliquando per esse affectum impediens actionem. Subintelligens quod sit præter naturam alioquin non impediret; & etiam quod primò & per se impediat: quod tamen voluit interdum adijciendum esse propter rudiores & rixosos ut huiusmodi reddatur definitio. Morbus est affectus corporis actionem aliquam impediens primò. Ex quibus apparet non aliam definitionem morbi ab ea, quæ Galeni est, Ioannem Argentarium adduxisse: sed eadem penitus ut frustra omnino contenderit, eam ab omnibus iamdudum receptam rationibus antea adductis euertere quas tamen dissolvere non erit difficile.

Et prima quidem tollitur quod non ambiguo usus sit genere, si ea teneantur, quæ de significatione istius nominis affectus dicta fuerunt: quandoquidem affectus in ratione morbi positus rem stabilem atque permanentem in corpore per alterationem inductam significet à qua significatione secluduntur actiones et alterationes, quæ  
adhuc

*adhuc presentibus suis causis nascuntur. Quòd si quæcunq; symptomatum, causarumq; ex permanentiū constantiumq; numero existentium affectus, in hac significatione acceptus, esse dicantur; non ob id tamen morbi dici merentur, quoniam præter hoc quòd morbus sit de numero permanentium, requirit quoq; quòd actioni primò incommodet, quod illis denegatū est. Et quia is affectus, qui primo actionem ledit, est constitutio corporis præter naturam, Idcirco nil momenti erit, si dixerimus morbum esse affectum, vel constitutionem corporis præter naturam.*

*Neq; etiam obest quòd si Cause in genere eorum, quæ comparatæ dicuntur, ponantur, ob hoc non possint etiam in qualitatibus genere reponi, & affectus dici; quandoquidem, teste Aristotele, una & eadē res; variè tamen considerata; possit in varijs generibus collocari. Quapropter causa, ea nimirum ratione qua causa, quia ad causatum refertur, in genere eorum, quæ ad aliud dicuntur, collocabitur; & eadem, ut corpus alterat, immutat, & præter naturam afficit, poterit in qualitatibus genere reponi, & nomine affectus, vel dispositionis nominari: & ob id*  
*morbis*

## DE CAUSA

*morbis, & causa morbi genere non different; sed alio quopiam erit opus, quod inter illa discrimen ponat, nimirum actionum lesione: quæ est alterum necessario requisitum ad essentiam morbi. Atq; sic tres primæ rationes de medio sublatae sunt.*

primo de loc.  
affec. cap. 2.

in predic. qua-  
litatis.

*Altera etiam ex ijs, quæ supradictæ fuere, facile tollitur: quandoquidem dictum sit ex Galeni sententia nomen affectus improprie & per abusivam alterationem stabilem, hoc est rem per alterationem in corpore inductam & permanentem significare, sequutus aliorum morem, qui morbum per affectum diffinierunt; præter hoc etiam quòd, auctore Aristotele, dispositionis nomen licet interdum ad habitum transferre.*

*Sed neq; altera ratio robur habet, qua probare contendit morbum non esse alterationem permanentem: quoniam permanentie nomen bifariam accipi potest, nimirum pro existentia rei cuius dicitur pmanentia qua pmanet quicquid absoluto pfectoq; motu manet ac restat, & pro eiusdē rei diuturnitate, siue tēporis duratione, aut dicere velimus quantitate temporis. Primo quidem modo morbus est alteratio firma & permanens:*

¶ permanens : quoniam absoluto motu in corpore existit , estq; vna conditionum , quæ ad eius essentiã requiritur . Sed non altero modo : quoniam vel longo aut breui tempore , aut etiam momento ipso duret , modo functionis corporis ledat , semper vocabitur morbus , nulla habita ratione quantitatis , nec differentie temporis : ¶ in hoc significato Galenus reprehendit antiquos asserentes morbum esse affectum corporis præter naturam permanentem , & ægrè solubilem . Quapropter absurdum est in hoc Galeno notam inconstantie impingere.

primo de mor  
bo. cur. cap. vi  
timo & i. de  
loc. affe. cap. 2

Sicut etiam in altera ratione facit Aduersarius : quoniam ex natura rei verum quidem est quod quâprimùm corpus à naturali suo statu recedit transit in morbosum , vt nihil omnino intercitat inter sanitatem & ægritudinem . Nō tamen id perpetuo verum est apud Medicum , qui auctore Galeno , vbiq; sensum iudicem sibi constituit ; si quidem is nullum affectum esse morbum decernit , nisi ad sensibilem magnitudinem peruenerit , & aliquam actionem corporis euidenter impedierit . Quod quidē voluit Galenus in definiendo morbum . Atq; sic dicta sedantur , quæ

lib. i. de san. tu  
en. & in lib.  
art. med. cap. 8

## DE CAUSA

*inter se pugnare videbantur.*

*Sed quid ad alteram rationem dicendum sit, qua probat morbum non primò actionē ledere, propterea quòd inter eum & Actionem mediet vis corporis, apparet iam ex ijs quæ prius dicta fuerunt, & etiā ex nouissimè dictis: quoniam si ad naturam rei spectetur est utiq; Verum quòd vis corporis mediat, & quòd morbus actionem non ledit, nisi quia prius facultatem offendit. At si ad sensum quis spectare velit, qui in omnibus debet esse index, sic sola constitutio erit actionum causa ipsi medico; quoniam is iudicat formam corporis & essentiam facultatum esse propriam partium constitutionem, ut ex Galeno monitum est. ob id Medicus asserit corporis, vel cuiuspiam membri constitutionem esse primam actionis causam, & non facultatem.*

*Altera autem ratio, qua ostendit quasdam causas immediatè ledere suas actiones nullo interueniente morbo, est Medico superuacanea, si Galeno credimus ita scribenti. Querere an dicendum sit actionē ipsius per huiusmodi excrementa fuisse lesam, an contra ad medicæ artis opera superuacaneum est. Ex principijs*

*in lib. de plen.  
& 5. de loc. affe-  
ctis cap. 7. &  
primode sym-  
pl. med. facul.  
cap. 1.*

*lib. 1. de loc. af-  
fect. cap. 4.*

principijs tamen scientiæ de natura sic soluenda est, ne  
 gando quod exuberante copia alimenti labefactetur  
 concoctio, quæ est actio ventriculi: quoniam, teste  
 Aristotele, omnis potentia actiua sine & excessu  
 quodam definitur, in quem potest. Ut si Virtus potest  
 aliquid mouere per stadia centū, aut leuare pondus,  
 semper ad plurimum dicimus, Ut talenta leuare cen-  
 tum, aut per stadia ambulare centum; sed Virtus  
 concoctrix est actiua. Igitur per excessum alimenti,  
 in quod potest agere, debet definiri. Quapropter si-  
 cut non dicimus actionem illius, qui potest leuare  
 centum, aut per stadia peragere centum, esse lesam.  
 Si non possit leuare centum & decem, vel peragra-  
 re per stadia centum & decem, sic etiam nullus de-  
 bet asserere actionem ventriculi esse lesam. Si illius  
 concoctrix facultas non possit exuperans alimentum  
 concoquere: quoniam hæc sicut nec vlla alia facultas  
 potest in quodcunq; ; sed in obiectum determinatum  
 secundum certam quantitatem, & qualitatem. quod  
 & nosse & definire ad Medicum haud inutiliter  
 pertinet, Ut scribit Galenus Si enim humani ventri-  
 culi officium esset acinos transmutare, accusarem

lib.1. de celo  
 & mundo  
 t.116.&117.

primo de loc.  
 affec. cap.4.

## DE CAUSA

ob hoc Ventriculi corpus, ipsumque vitiatum esse putemus, Vbi quis eos integros per aluum deiecerit. Cum vero id sui muneris non sit, sicut nec exuperans alimentum concoquere; sed acinorum essentiae, & exuperanti copiae alimenti accidat, ut concoqui nequeant, haud ab re dicemus Ventriculi corpus naturaliter se habere, & necessario actionem eius non esse lesam. Præter hoc etiam quod apud Medicos nomine causæ præcipue intelligitur de causa efficiente; at alimentum non efficientis sed materialis causæ rationem obtinet. Quapropter constat Aduersarium non parum in hac sua ratione à Veritate deuiare.

Quemadmodum etiam quum existimat ad Galenum sequi priores actiones, quæ sequentes corrumpunt, morbos esse necnon dolorem, colorem tunicae corneæ, & reliqua in ratione dicta: quoniam non aduertit Galenum concedere sæpenumero vnum symptoma ad alterum sequi. Quapropter non mirum est si vitiosa concoctio sit causa vitiatæ nutritionis: quarum tamen lesarum actionum causam concedit esse morbum, hoc est constitutionem præter naturam. Neque etiam negat aliquod symptoma interdum subire

in lib. de sym.  
pt. diff. cap. 4.

in lib. de mor.  
diff. cap. 12.

*subire rationem morbi quum ad tantam magnitudinem peruenerit, ut actionē impediāt. sicut dolor, nec non & omnes qualitates secundæ, quibus secundum naturam dispositis actiones aliquæ perficiuntur: ut luti color in oculis, qui licet eorum temperaturam sequatur, causam tamen visionis esse voluit virtute temperamenti. sicut etiam durities ossium, & alia id genus qualitates dictæ; quæ ubi vitiatæ fuerint, ledentes aliquam actionem, ad morbos in intemperie referri asseruit. Quemadmodum de colore instrumenti visus loquens ita scriptum reliquit. At purum ita perlucidumq; esse non posset sine eo, quod nunc obtinet, temperamento: quippe ostensum est, unam quamq; rerum talem esse, qualis est propter calidi, frigidi, humidi, & sicci temperamentum; eoq; fit ut siquid horum magnopere immutatum sit, aut plane non videbit, aut male videbit animal. Excipiuntur tamen affectus præter naturam in raritate & densitate, asperitate, & lenitate consistentes, qui (ut author est Galenus) ad morbos in conformationem reducendi sunt.*

*Sed altera ratio, qua conatur probare morbum non definiri*

lib. pri. de usu  
partium cap. 9

in lib. de sym.  
diff. cap. 6.

in lib. prim. de  
mor. cur. cap. 6

in lib. de mor  
borum differe  
ntiis cap. 7.



## DE CAUSA

lib. 1. de loc.  
affect. cap. 6.  
lib. 1. de loc

aff. cap. 1. & 6.  
& lib. 3. cap. 1.

primo de cau-  
tis sypt. cap. 2.

definiri per lesionem actionum quod multatum par-  
tium actio destruat: quarum tamen substantia in-  
tegra & sana manet, ut Galenus dicebat, licet sit  
dialectica difficultas, & ad utranq; partem proba-  
bilis, atq; ob id medico inutilis, ut ipsemet censet, ni-  
hilominus eam solvere non erit omnino inutile perqui-  
renti naturas rerum.

Dico itaq; ex Galeni sententia, quod actio par-  
tis instrumentariae trifariam potest ledi, vel quia  
pars similis, quae ponitur prima actionis causa, ledi-  
tur, vel aliqua pars ex eis, quae usum aliquem prae-  
stant, vel quia facultas offenditur. Primis quidem  
duobus modis non leditur functio, nisi quia pars in-  
strumentaria laesa est: Sed tertio modo dicta functio  
impediri potest affecto membro principali, vel orto  
à principali. Veluti cerebro, vel nervo affecto, parte  
instrumentaria illesa permanente: eo quia functio,  
quae impeditur, non est propria partis instrumenta-  
riae; sed membri vim aut materiam mandantis, hoc  
est cerebri, cui partes omnes subseruientes in sensu &  
motu dicuntur esse instrumenta: quoniam nullum  
instrumentum primum & per se potest dici author fun-  
ctionis

*Etionis illius facultatis cuius ponitur instrumentum nec ei functio verè potest adscribi, nisi tanquam instrumento, ut euidentis est in eo qui lapidem baculo mouet, quòd motus lapidis non baculo primò adscribitur; sed homini intendenti lapidem mouere, qui si frustretur non actionem baculi nisi ut instrumenti; sed hominis volentis lapidem mouere impediri omnes concedent. Ad eundè præcise modum, si sensatio aliqua, aut motio fuerit impedita instrumentarijs partibus sanis existentibus, ea quidem functio impedita non istis partibus erit adscribenda; sed ipsi cerebro veluti auctori & principi quaruncunq; functionum animalium; siquidem cerebrum institutum fuerit à natura (ut Galenus monet) non quia sit sentiendi aut mouendi instrumentum; sed ut sensuum, motuumq; instrumentis vim sentiendi, atq; mouendi præstet. Cuius rei fidem etiam faciunt Plato, Aristoteles, & Themistiùs asserentes sensationes non in oculis, naribus, auribus, & lingua fieri: Sed per hæc tanquam per instrumenta ad princeps membrũ rerum sensibilium species deferri, & ibidem sensationes omnes causari. Ut rectè dixerit etiam Gale-*  
*nus animam*

Primo de cau-  
fis symp. cap. 8  
& 7. de plac.  
Hyp. & Plat.

in Theæreto

in lib. de fom.  
& vigilia ca. 2.  
lib. 2. de ani-  
ma in enarat.  
t. 138,  
lib. 3. de loc. af-  
fec. cap. vltim.

## DE CAUSA

primo de loc.  
aff. cap. 6.

mus animam re vera videre & audire haudquaquam negandum est; sed videre oculis & audire auribus. Cum itaq; res ita se habeat, non est mirum si potest perdi actio alicuius partis, eius substantia integra & sana permanēte. Veluti liquet in exēplo Galeni de vocis ammissione, & citrum resolutione illius, qui ex equo cecidit. & ob id rectē operantur medici applicantes remedia non illis partibus; sed cerebro, aut spinæ dorsi tanquam vicario cerebri. quem admodum si prædictæ partes, quæ instrumenta dicuntur, fuerint præter naturam affectæ vel per essentiam, vel per consensum, ut vitio harum sensationes, aut motus fieri non possint primò quidem & per se hæ functiones impeditæ erunt, ut contingit instrumento læso lædi & impediri actionem cuius dicitur instrumentum; siquidem quod primò & per se instrumentum existit alicuius facultatis, etiam primò & per se eam producere concedendum sit, & eo læso eandem etiam primò lædi & eisdem remedia non ab re apponēda esse. Et ex dictis hætenus apparet quid sit dicendum ad id quod infert consequenter Adversarius. Quod si morbus diffiniatur per læsionem actionum

actionum cum per febrem impediatur motus, qui est actio partium instrumentariorum, quod febris & morbi partium similium erunt referendi ad instrumentarias partes, sicq; non solum solutio continui, verum etiam distemperantiae omnes erunt morbi communes, quod absurdum est: quoniam cum actio partis instrumentariae possit ledi vel aliquo morbo ei ut simili accidente, vel ut instrumentario, ut Galeno placet, & morbi partium similium non referantur ad instrumentarias ut instrumentariae sunt, nec morbi instrumentorum ad similes possint referri, quemadmodum Galenus in exemplo de oculo nobis declaratum reliquit. Quotiens inquit cristalinus humor ex intemperie laborat, omnino leditur oculorum functio: ceterum non est eorum, ut organa sunt morbus. At quod hypochyma vocant nullius similium est morbus: sed oculi totius ut instrumenti. Ob id mirum non est, si per febres motus & aliae instrumentorum actiones impediuntur, & nihilominus morbi ad similes partes referantur & non ad instrumentarias. Atq; sic non sequitur febrem, nec

primo de causis sympt. ca. 2

lib. 2. de mor. cur. cap. 6

”

”

”

”

## DE CAUSA

*aliam intemperantiam debere dici morbum communem ad similes & ad instrumentarias partes; quandoquidem non aequè primò utrisq; partibus conuenire possit, ut est natura morbi communis; sed primò similibus, ex accidenti instrumentarijs, ut prædictum est.*

*Quod ultimo loco adducit contra Galenum, quòd cum morbus non solum actiones ledat; sed etià alienas qualitates corpori conciliet, & excrementa naturalia, cur potius voluit Galenus morbum definiri per lesionem actionum, quam per alia? Dico Galenum hac ratione motum illud dixisse: quoniam quiuus homo sanum se esse arbitratur cum partium corporis adminiculo munijs ad vitam necessarijs citra noxam fungi potest. At partem, quæ munus suum obire nequit, egrotam esse putat, eo quòd corporis constitutio principaliter refertur ad operationes est quidem earum causa, & qualis ea fuerit, tales necessario erunt operationes. Quia igitur medicus indicat aliquem egrotare, quia videt eum in aliqua aut aliquibus consuetis actionibus impediri, per alienas autem qualitates, aut excrementa mutata non id primò cognoscit.*

in lib. de mor.  
diff. cap. 1. & 1.  
de mor. cur.  
cap. 5.

mum cognoscit, sed anteaquam hæc ei innotescant, prius per impedimentum in operationibus & decubitu deprehendit eum egrotare. Ob id censet potius morbum debere definiri per lesionem actionū, quam per alia. & quamvis per illa interdum exactius cognoscat certum morbum & determinatum locum affectum, tanquam per ea quæ sunt magis familiaria & propria: nihilominus, nisi viderit eum impediri in consuetis operationibus nunquam iudicabit ipsum egrotare. & ob id dixit Galenus actionis vitium esse insigne quoddam morbi symptoma: illa verò familiaria & propria. Ad quod etiam facit, quod non aliunde, quam ex lesione operationum desumit medicus principium morbi, à quo etiam decretorios dies numerare incipit. Et etiam quoniam actionum lesio statim semper nascitur ex morbo non sic alia symptomata, quæ interdum interueniente vitio alicuius functionis ex eo dicuntur oriri, veluti Galenus monuit. Quapropter istis rationibus constanter asserendum est, morbum debere definiri per lesionem actionum, siue per causam lesionis earum & non per aliud. Et hæc pro morbi definitione assignata à Gal. dicta sint intantū contra Io. Argenterium. k ij

cur morb. potius per lesionem functionum definatur quam per alia sympto.

lib. i. de mor. cur. cap. 8

Actionis vitium cur insigne mor. symptoma.

in lib. de sym. diff. cap. 6. & 7

## DE MORBO



VNT alij qui eam aliter intelligentes  
asserunt affectum positum in ratione  
morbi nedum alterationem permanen-  
tem significare; sed etiam eam, quæ  
adhuc in motu existit. & hoc quidem, vt teneant  
non solum morbum præsentem & qui iam factus est  
esse verè morbum; sed eum etiam qui in generatio-  
ne persistit. In quorum albo connumeratur Anto-  
nius Maria Bettus præceptor meus amantissimus  
in sua questione impressa de Causa coniuncta morbi,  
qui motus quibusdam rationibus voluit in morbo  
fiente, præter id quod factum est & quod futurum  
est fieri, dari adhuc ipsum fiens distinctum à facto  
& futuro fieri, vt partes fientis esse dicuntur.

Nū Morbus  
fiens verè sit  
morbus.

Antonii Ma-  
rie Beti opino

Rationes eius-  
dem.

in lib. de sim-  
pt. diff. cap. 1.  
& primo me-  
tho. cap. 9. & 2  
meth. cap. 3.

Sed præstat eius rationes adducere vt clarius opinio  
elucescat, quarum prima est talis. Omnis affectus  
præter naturam ex Galeni sententia vel est mor-  
bus, vel morbi causa, aut symptoma morbi; sed  
morbus fiens est affectus præter naturam. Igitur erit  
vel morbus, vel morbi causa, aut morbi symptoma.  
Nō quidem causa morbi: quoniam ad causam mor-  
bi sequitur morbus; sed ad Morbum fientem nullus  
sequitur

*sequitur morbus. Igitur morbus fiens non erit causa morbi. Neq; symptoma morbi: quoniam vel esset actio lesa, vel qualitas mutata, vel exiens mutatum. nullum horum est, ut discurrenti patet, & ipse ostendit. Igitur per sufficientem partium enumerationem morbus fiens erit morbus.*

*Secunda Omnis intemperies est morbus, ut Galeno placet; sed morbus fiens, veluti febris fiens, est intemperies. Igitur erit morbus.*

in lib. de sym-  
pt. diff. cap. 5.

*Tertia Id cuius est causa est verè Morbus; siquidem morbus dicatur habere causam: sed id quod est in fieri est id cuius est causa. Igitur id quod est in fieri est verè morbus.*

*Quarta eius ratio ita formari potest. Omnis res similis protinus ab initio suae generationis propriam obtinet naturam & essentiam, ut Galenus scriptum reliquit, licet prae exiguitate interdum lateat sensum ut de gutta cauante lapidem asserit Galenus atq; Aristoteles; Morbus est res similis. Itaq; ab initio suae generationis propriam obtinebit essentiam: licet tamen non adeò perfectam, ut in processu postea acquirit; veluti de animali constat quamuis sit dissimulare,*

lib. 1. de loc. af-  
fect. cap. 2.

lib. 1. de loc. af-  
fect. cap. 2.

lib. 8. philoso-  
c. 23.



## DE MORBO

milare, quod ab initio sui ortus totam essentiam animalis obtinet: in processu tamen pro suis munijis obeundis in dies maiorem perfectionem acquirit, & nihilominus est animal in toto isto tempore, quo eam maiorem perfectionem acquirit. Quapropter etiam morbus fiens erit eademmet ratione verè morbus.

Quinta ratio est. Morbo fiendi ut fiens est attribuantur quatuor tempora. Igitur morbus fiens ut est in fieri & motu erit verè morbus. Valet consequentia eo quòd morbus habet tempora. Quam rationem dicit esse adamantinam, sicut etiam hæc altera quæ est sexta in ordine.

in lib. de inæ-  
quali intempe-  
rie cap. 6.

Symptomata sequuntur ipsum morbū; symptomata sequuntur affectum præter naturam, qui est in fieri & motu, veluti Galenus monet scribens Rigorem, Horrore & reliqua id genus symptomata sequi inæqualem intemperie, quæ est morbus, qui est in fieri et motu. Igitur affectus præter naturam, qui est in fieri et motu, erit morbus, modo ledat actiones corporis.

Septima & Ultima est. omnis affectus præter naturam primò ledens functiones corporis est verè morbus; sed morbus qui est in fieri & motu est affectus præter

*præter naturam primò ledens functiones corporis: quoniam læsio non accidit sine sensatione, nec sensitio sine alteratione; siquidem ex Galeni sententia tamdiu sentiamus quamdiu sumus in alteratione. Igitur affectus qui est in fieri erit verè morbus.*

in lib. de inæ  
quali intempe  
rie cap. 6

*Confirmatur testimonio Arist. dicentis morbum esse in motu, & sanitatem in quiete, & Galeni met-  
volentis morbum non esse nisi motum præter naturā.*

lib. 7. proble.  
problemate 4.  
& 7. & lib. 29.  
pag. 10.

lib. 1. de loc. aff

*Hæ sunt rationes, quibus Præceptor suam fir-  
mat opinionem, cui intantum fuit addictus ut dixe-  
rit omnes recentiores aberrasse aliter sentientes.*

*Veruntamen quoniam existimo hac opinionem à  
mente Galeni plurimum recedere, ob id rationes ad-  
ductas quantumvis apparentes dissolvere conabor,  
ratus Præceptorem meum amantissimum non egre  
laturum, quem tum ob eximiam eruditionem, tum  
ob singularem in me benevolentiam & veneror &  
colo: ut qui non ignoret veritatem esse omnibus præ-  
ferendam; prius tamen quàm illas dissoluam, ea ad-  
ducam quæ Galeni mentem astruere & confirma-  
re videntur. nempe morbum vel affectum perma-  
nente in esse rem.*

*Et primò*

## DE MORBO

in lib. de sym  
pt. diff. cap. 1.  
Morbum esse  
rem permanē  
tem

*Et primò quidem quoniam Galenus asserit morbum esse constitutionem præter naturam, Ut præactum fuit, atquè constitutio est res permanens in corpore; quare & morbus erit res permanens.*

vbi supra.

*Tum quia morbus est affectus: at affectus est alteratio permanens in re, quæ perpeffa est. quare & morbus erit alteratio permanens.*

lib. 2. de mor.  
cut. cap. 3.

*Tum quia scriptum reliquit quòd sanitas & morbus & quæcunq; symptomatum, causarumq; affectus vel habitus sunt ex permanentium constantiumq; numero sunt. Et rursus dixit. Quòd enim non modò propria morbi notio sit; sed etiam res aliqua subiecta, quæ aliquam appellationem sit sortita, satisfaciant ad præsens quæ hætenus sunt dicta & quæ sequuntur.*

vbi supra in  
calce libri

lib. xi. de mor.  
cur. cap. 12.

*Et alibi expressis verbis dixit. Quum eorum quæ præter naturam sunt duplex prima differentia sit, alijs per se subsistentibus; alijs in ipso ( Ut sic dicam) fieri essentiam suam habentibus, ac vmbrae ritu affectus comitantibus. Sanatio quidem affectuum ipsum est sublatio; hanc verò symptomatum amotio sequitur. Et quibusdam interpositis subdit. affectus qui ex*

qui ex substituentium numero est unus, contraria postulatur remedia.

Tum quia voluit morbum esse causam symptomatum: at causa necessario subsistit, alioquin non ageret, siquidem non esset. quare & morbus subsistit.

in lib. de sym.  
pt. causis ca. 5

Tum etiam quia voluit à morbo indicationes curativas desumi; at ab eo qui non existit nihil potest desumi: quoniam à nullo eorum, dicebat Galenus, quæ adhuc non permanent sumitur indicatio curativa. Ideo quæ morbus necessario subsistit.

lib. 4. de mor.  
cur. cap. 3. com.  
pre.

Tum etiã quia voluit morbum cognosci per propria signa; cognitio est rei subsistentis. quare morbus erit res in corpore subsistens.

Quòd modo morbus, qui est in fieri, non possit dici, nec esse verè morbus ex Galeni sententia, ostenditur; siquidem velit morbum, qui est in generatione, esse vel eum qui simpliciter est in generatione, & cuius nihil adhuc est factum, vel esse eum cuius pars iam genita est, & pars est in gignendo, quorum neuter potest verè dici morbus.

Morbum ut è  
in fieri nò è  
verè morbum  
lib. 8. de mor.  
cur. cap. pri.  
in fine.

Non quidem primus qui est simpliciter fiens: quoniam quicquid est in motu est in actu imperfecto; at

## DE MORBO.

*morbis fiens est in motu. quare erit in actu imperfe-  
cto; sed omne quod est in actu imperfecto non potest  
verè dici esse tale. Igitur morbus fiens, qui est in actu  
imperfecto, non erit verè morbus.*

*Confirmatur hæc ratio: quoniam quicquid est in  
motu est in via ad perfectionem; Morbus fiens est  
in motu. Ob id morbus fiens erit in via ad perfectio-  
nem; sed quod est in via ad perfectionem non est per-  
fectum, nec verè tale. Quapropter nec morbus fiens  
erit verus & perfectus morbus:*

*Neq; morbus fiens secundum quid, cuius pars iam  
generata est & pars est in generatione, potest sim-  
pliciter & verè dici morbus, nisi merito partis iam  
factæ, cuius gratia insunt ei omnes veri morbi condi-  
tiones, quæ supra positæ fuerunt. Nihilominus quo-  
niam placet Præceptori quod iste morbus fiens sit quo-  
dam Tertium distinctum à parte iam facta & à fu-  
tura fieri, & ut sic sit verus morbus, ob id contra  
hoc suum placitum instabo, probando hunc morbum,  
ut est in fieri & motu, non esse distinctum ab eo  
quod futurum est fieri de ipso: atq; sic verum mor-  
bum non esse.*

*Omne*

*Omne quod est in motu, ut inquit Philosophi, vel est in motu accepto pro forma fluente, hoc est pro re diminuta & imperfecta, quæ continue tendit in perfectionem, vel pro fluxu formæ, siue pro via quæ res in perfectionem tendit; sed morbus fiens, ut distinguitur à futuro fieri, est in motu secundum opinionem præceptoris. quare erit in motu accepto vel pro forma fluente, vel pro fluxu formæ; At neutrum dici potest, stante eius opinione. Non quidem accepto motu pro forma fluente: quoniam motus taliter acceptus est idem quod forma diminuta & imperfecta; quæ est in potentia ut perficiatur, & quæ successiue per partem post partem in perfectionem tendit; siquidem sit in potentia coniuncta actui, ut successiue perfectionem & intensionem suscipiat. Igitur morbus fiens, ut est in motu taliter accepto, erit morbus diminutus & imperfectus, existens in potentia actui coniuncta, ut successiue per partem post partem perficiatur & intendatur. & cum hic morbus hoc modo acceptus non sit aliud, quàm id quod futurum est fieri de ipso; quod quidem successiue est in potentia coniuncta actui, sequitur quod morbus fiens, ut*

Morbum qui est in fieri nō esse tertium qd distinctum à re facta & futuro fieri  
lib. 3. phi.  
in enant. 4. &  
lib. 5. in enaratione t. 9.

## DE MORBO

est in generatione , non erit distinctus ab eo quod futurum est fieri de ipso. Neq; accepto motu pro fluxu formæ , seu pro uia qua forma tendit in perfectionem: quoniam sequetur morbum fientem non esse morbum contra opinionem ; siquidem via in perfectionem sit alia à perfectione , in quam res ipsa tendit , & alia à re mota ; sed morbus fiens taliter acceptus est in via , qua tendit in perfectionem. Igitur morbus fiens erit aliud à perfectione , & essentia morbi. non igitur erit morbus.

Secundo omne quod intercidit inter actum perfectum & puram potentiam est secundum quid in actu & secundum quid in potentia , & nihil præter ista continet ; siquidem medium per participationem nihil includat præter ea , quibus participat secundum rei naturam ; sed morbus fiens , de quo fit sermo , intercidit inter morbum , qui actu totam suam perfectionem & intensiorem habet , & eum qui est in pura potentia. quapropter hic morbus partim erit in actu , & partim in potentia : in actu quidem merito eius quod factum est , & partim in potentia respectu eius quod futurum est fieri , & nihil præter hæc duo secus

duo secundum rem continebit. Non itaq; fiens erit Tertium quid distinctum à facto & futuro fieri, quatenus hæc duo ipsum integrant & constituunt.

Tertio omne quod est in potentia actui coniuncta est in motu; omne quod est futurum fieri de fiente est in potentia actui coniuncta. Igitur omne quod est futurum fieri de fiente erit in motu. quare fiens quod est in motu non erit distinctum ab eo quod futurum est fieri. Et ob id in fiente non erunt nisi factum & futurum fieri ipsum integrantia, & non aliud tertium ab eis distinctum, veluti præceptor imaginatur.

Quarto hac opinione data sequeretur Medicum debere considerare quod indivisibile est & momentaneum, & quod omnem eius considerationem subterfugit, contra Galeni sententiam. quandoquidem omnia quæ sunt & sunt de numero permanentium habeant partes correspondentes partibus temporis in quo sunt; sed morbus est de numero permanentium. quapropter quum hic erit fiens partes habebit correspondentes partibus temporis; sed de tempore non consideratur nisi pars præterita, & pars futura, atq; ipsum nunc, vel instans prædictas partes temporis simul

in lib. ar. med.  
cap. 8. & pri.  
de san. tuen.



## DE MORBO

*simul vniens. ob id etiam morbus fiens partes illis cor-  
 respondentes habebit ; partem nimirum factam, quæ  
 parti præteritæ temporis correspondebit, & partem  
 futuram fieri correspondentem futuro tempori, atq;  
 aliquod indiuisibile proportionatum ipsi nunc de ipso  
 tempore, quod aliud esse non potest, quam illud fiens,  
 quod opinio ponit distinctum à facto & futuro fieri  
 de fiente : quod cum sit indiuisibile, & illud Me-  
 dicus consideret, sequetur Medicum considerare  
 quod indiuisibile existit. Quia cum non detur pars  
 temporis, quæ dicatur præsens, & quæ habeat lati-  
 tudinem ; sed continuo fugiat & labatur, & in-  
 stans consideretur quod est indiuisibile, & successi-  
 ue illud generetur quod est in fieri, utiq; ut tempus  
 elabitur, sic semper res in actum deducitur, & sem-  
 per erit assignare partem iam genitam & factam  
 correspondentem tempori successive labenti. & cum  
 non possit assignari aliquod proportionatum ipsi nunc  
 nisi quodam indiuisibile & imaginarium, non ab re  
 sequetur Medicum illud considerare debere, quod  
 pro absurdo relinquitur.*

*Idem. edit. in  
 1671. p. 104  
 1672. p. 104*

Quinto quaecunq; ab inuicem differunt vel re aut ratione distinguuntur; sed morbus qui est in generatione differt ab eo quod iam factum est & quod est futurum fieri de ipso, veluti Praceptor asserit. quare vel re vel ratione distinguetur; sed neutrum dici potest. Nō quidem re: quoniam totum integrale secundum rem non est aliud, quā suae partes simul iunctae, ut sentiunt qui recte philosophantur; sed fiens, de quo fit sermo, est totum integrale constans ex facto & futuro fieri ut partibus ipsum integrantibus. quapropter re non erit seiunctum ab eis. Neq; etiam ratione: quoniam vel ratio fientis est quod sit in fieri & in successione ac motu: quae cum sit eadem eius quod futurum est fieri, non erit fiens diuersum ab eo quod futurum est fieri de fiente. Quod enim est in gignendo & alterando est in successione & motu, & futurum fieri de fiente est in gignendo & alterando, auctore Galeno, ob id quod est futurum fieri de fiente erit in successione & motu, vel eius ratio est, ut sit affectus praeter naturam primò ledens functiones corporis; siquidem fiat sermo de morbo fiente. quae ratio, quoniam est eadem cum eo quod factum est de ipso fiente,

lib. 8. de mor.  
cur. cap. 1. &  
lib. 13. cap. 2.

## DE MORBO

*fiens, sequitur quod morbus fiens non erit tertium distinctum à facto & futuro fieri simul unitis.*

*Postremo adduco rationem in confirmationem quòd morbus sit res permanens, & qui est in fieri non debeat dici morbus quoniam. Omnis affectus præter naturam, qui sola curatione remoueri debet, est verè & propriè morbus; siquidem curatio, quæ non est aliud quàm sanatio, sit ex Galeni sentetia præsentis in corpore vitiosi affectus in naturalem habitum mutatio, quam symptomatum amotio sequitur; sed omnis affectus permanens primò ledens functiones corporis est affectus præter naturam, qui sola curatione remoueri potest. quare omnis talis affectus erit verè & propriè morbus: factorum enim & permanentium, veluti asserebat Galenus, est propriè curatio. & ob id inferebat propriam & veram curatione esse Diariarum & Hecticarum febrium: Putridarum verò habere prophylacticè medicinæ partem sibi adiunctam: quoniam harum febrium putridarum semper est aliquid accensum & inflammatum, & aliquid in accendi & inflammari, & merito eius quod iam accensum est, eis conuenit curatio; sed merito*

lib. 9. de mor.  
cur. cap. 15.  
& lib. xi. ca. 12

lib. 2. aph. in  
enara. aph. 22.  
4. de mor. cur.  
cap. 3. & 4. &  
lib. 8. de mor.  
cur. ca. 1. & lib.  
x. cum pr. &  
lib. xi. cap. 2. &  
lib. 13. cap. 2.  
6. lib. xi. de  
mor. cur. cap. 2

sed merito eius quod est in accendi conuenit. Prophylactice, quæ causam admittit quæ febrem excitat, & ob id dicit Galenus quod curatio harum febrium Prophylacticen sibi adiunxit. Ex quibus inferendum est quod morbus fiens, veluti febris putrida, nō est verè morbus, nisi merito eius quod iam factum est & accensum, cuius gratia ei conuenit. Vèra & propria curatio; merito verò eius quod est in fieri & in accendi non morbus, sed pathos dici debet; siquidem illi conueniat eius definitio, quæ est, quemadmodum Galenus testatum reliquit, quod pathos est motus circa materiam ab efficiente procedens, cui cōuenit præcustodia: quæ vt asserebat Galenus improprie & abusive dicitur curatio, cum dixit. Est igitur & quæ præcustodia dicitur curatio quodammodo: quoniam, vt ille met scriptum reliquit, similis ratio est instantis dispositionis cauendæ, et eius quæ iam occupauit summouendæ.

Cæterum cum mihi contingeret, vt significarem Præceptorum meo quid de eius opinione sentirem in proposita difficultate, scripsi ingenue quid pro veritate sentiebam. Et in reprobando morbum fientem non

M

lib. de sympt.  
diff. cap. 1.  
Pathos quid.  
Affectum fientem eē pathos

præcustodia ē improprie curatio.

lib. 1. de diff. feb. cap. 4.

lib. 3. de san. tuen. circa medium & l. 4. ad prin.

## DE MORBO

esse verè morbum, adduxi hanc rationem vltimò dictam, quam ipse conatur euadere : quæ tamen in sua quæstione impressa ( siquidem sibi placuerit eam in uulgare ) fuit prætermissa.

Conatur itaq; euadere rationem ita respondendo, quòd verum est quòd omnis affectus præter naturā, qui sola curatione remoueri debet, est verè et propriè morbus, si intelligatur de morbo factò : quoniam hic est, qui sola curatione indiget vt remoueat; sed morbo fienti conuenit quidem curatio; verum non sola, sed vna cum prophylactice, cuius est quòd futurum est prohibere per remotionem causæ, quæ remotio causæ, pars artis curatricis nominatur ex Galeni sententia, vt legenti patet. Et hoc quidem quoniam ablatio causæ est curatio fientis, & cum hoc prohibitio futuri fieri ne fiat, vt voluit Galenus. Quapropter hæc curatio adiunctam habet Prophylacticē, quòd non tollit quin morbus fiens sit verè morbus.

Sed quoniam hæc Præceptoris responsio fundatur super hoc, quòd ablatio causæ sit simul & semel curatio, atq; præseruatio : curatio quidem, vt ipse inquit

lib. xi. de mor.  
cur. cap. 2. lib.  
13. cap. 2. & cla  
rius 2. sectioe  
aph. 22.

lib. 4. meth.  
cap. 3 & lib. 13  
cap. 2.

*inquit, fientis morbi; præservatio vero futuri fieri. Quod quia falsum esse existimo, ob id contra ipsum instabo.*

*Et primò quidem quoniam omnes affectus re, & ratione distincti distinctas quoq; secundum rem, & rationem medici functiones exposcunt: at secundum Præceptorem morbus fiens, & qui futurus est sunt affectus præter naturam re, & ratione distincti: siquidem velit morbum, ut fiens est, esse verum morbum, & functiones corporis ledere; qui verò futurus est, nequaquam. Igitur opus est etiam ut functiones Medici, quæ his accommodantur, sint re & ratione seiunctæ; sed remotio causæ est una solummodo Medici operatio. Igitur vni etiam affectui solummodo accommodabitur. Vel itaq; fienti morbo, vel alteri, qui futurus est fieri, & utri horum adhibebitur, relinquitur alterius morbi propriam salubrem causam desiderandam esse*

*Neq; vim habet, si diceret remotionem causæ subire rationem duarum operationum Medici, licet sit una secundum rem: nimirum curationis fientis, & præservationis futuri fieri. Quoniam dixi ego quòd*

*M ij*

*Ablat' onē causæ non esse curationē & præservationē simul sed duntaxat præservationem.*

## DE MORBO

sicut illi affectus sunt re distincti, veluti magnus corporis lapsus & mediocris re distinguuntur, quod hic secundum naturam: quoniam non extra latitudinem sanitatis; ille verò præter naturam: quoniam morbus est, Sic etiam operatio Medici, quæ debet magnū corporis lapsum abijcere, re distincta esse debet, & non solummodo ratione ab alia operatione Medici, quæ mediocre lapsum tollit, & à futuro fieri præseruat. Remotio itaq; causæ non poterit subire rationem duarum salubrium causarum affectuum contradistinctorum; sed vt vnica est medici operatio, sic etiam per se nisi vni affectui applicari poterit.

Tum etiam quoniam quot sunt indicationes curatiuæ alicuius morbi, tot etiam Medicus debet eligere causas salubris pro integra & perfectâ illius curatione; sed indicationes curatiuæ morbi fientis sunt in vniuersum duæ, vt Galeno placet, vna quæ eius quod factum est tollit, & altera eius quod futurum est fieri præcauet. quare duas etiam in vniuersum debet Medicus causas salubres eligere pro integra eius curatione. Estō enim inquit Galenus, si ita contingerit, in humoribus putrescentibus accendi febrem, qui hanc  
curare

in lib. art. med.  
di. cap. 89. &  
clarius lib. xi.  
de morb. cur.  
cap. x.

curare volet, putredinem inhibeat necesse est. & sic  
 due indicationes se exhibent, una à febre, & altera à  
 putredine. atq; à febre rursus due, una ut scilicet por-  
 tio febris, quæ iam accensa est percuretur, altera ut  
 quæ febris est in generatione inhibeatur. à putredine  
 quoq; due aliæ sumuntur, una ut quod putredinis  
 iam factum est sanetur, & altera quod in genera-  
 tione est adhuc prohibeatur. Porro quod in generatio-  
 ne est, id perspiratio impedita facit. Itaq; ab hac  
 quoq; due aliæ indicationes nascentur, Tum ut quod  
 retentum est & prohibitum traspirari vacuetur,  
 Tum quod retinendum est prohibeatur retineri. Sane  
 prohibebitur retineri obstructione sublata, à qua rur-  
 sus due sumuntur indicationes, una ut quod iam oc-  
 cupavit & obstruxit sanandum est, altera ut quic-  
 quid obstructionis futurum est propulsetur. Ex hoc  
 nimirum discursu & resolutiva methodo tradita à  
 Galeno evidens est duas solummodo esse curativas  
 indicationes morborum fientium, nempe facti, &  
 futuri fieri, & nullam tertiam indicationem dari,  
 quæ sit morbi fientis distincti à facto & futuro fieri  
 ipsum integrantibus; siquidem plures recensens affe-

ctus præter



## DE MORBO

Etus præter naturam, qui sunt causa febris putridæ, et declarans indicationes curatiuas eorum atq; ipsius febris, nullam talem indicationem tertiam ponat. Quapropter censendum est mentē Galeni fuisse in morbis fientibus duas solummodo inueniri curatiuas indicationes, atq; duas solummodo causarum salubrium differentias re & ratione differentium, una quarum inhibeat quod futurum est fieri ne fiat, & altera quæ tollat quod iam factum est. Ex quibus sequitur quod remotio causæ non erit curatio; sed duntaxat provisio ne fiat quod futurum est fieri.

Tertia ratio ad idem est, Illud quod Medicus in methodo curatiua principaliter intendit remouere est solummodo morbus; sed quod factum est principaliter intēdit Medicus in methodo curatiua remouere. Quare quod factum est erit solummodo morbus. Quapropter & huic solummodo conueniet curatio, & non ipsi fienti, Ut imaginatur Præceptor. Quæ ratio sumitur ex Galeno, cū dixit in auxiliorum inueniendorum ordine Vltimam esse eam indicationem, quæ sumitur ab eo quod ipsius febris est iam accensum: quamuis alia ratione sit prima, nempe ratione intentionis

tionis, ut expresse dixit. Quod cum ita sit, absurdū est utiq; dicere quòd remotio causæ sit eius morbi, qui est in fieri, curatio; siquidem hæc non sit primò intenta à Medico in curatione morbi fiensis, præter hoc quòd ille morbus fiens non detur, ut Præceptor opinatur. Confirmatur hæc ratio quòd indicatio curatiua sumitur ab eo quod præter naturam subest in corpore, ut auctor est Galenus, & supra monitum fuit; morbus fiens, ut alius est ab eo quod factum est, & quod futurum est fieri, non subest in corpore. quare nulla indicatio curatiua poterit ab eo sumi.

lib. xi. de mor.  
cur. cap. 2

lib. 4. de mor.  
cur. cap. 3. cir  
ca primum.

Quartò quod ordinatur in curationem morbi non est illius curatio; sed remotio causæ ordinatur in curationem morbi, ut ex Galeno liquet; siquidem velit omnia præcedentia remotionem eius, quod de febre est accensum, esse præparatoria ad illius curationem. quare remotio causæ non erit curatio morbi.

Quintò omnis intemperies per se tollitur cum ijs quæ alterant & in contrarium statum corpus permittant; sed morbus fiens, ut gratia sermonis, febris fiens est intemperies. Igitur per se curabitur cum ijs quæ alterant & in contrarium statum corpus permittant; sed

## DE MORBO

non est in di-  
z. qm. nro

in lib. ar. med.  
cap. 39. in fine

non est in di-  
z. qm. nro  
in lib. ar. med.  
cap. 38.

tant; sed remotio cause non est salubris causa corpus  
alterans, quinimo euacuans & ex corpore educens  
quodcumq; præter naturam in eo reperitur aptum ex-  
citare febrem. hæc itaq; non erit curatio morbi fien-  
tis. Ad quod animaduertens Galenus scriptum reli-  
quit manifestum esse quod earum, quæ intemperatu-  
ram efficiunt, causarum curatio sit per euacuationem;  
siquidem ipsæ intemperaturæ solâ alteratione sanantur.  
Idem comprobatur testimonio Galeni sic ad ver-  
bum scribentis. Hic verò prius distinguamus quæ  
omnes ferè Medici prætermittunt, alias quidem esse  
salubres causas eius temperaturæ, quæ iam facta est,  
alias autem illius quæ adhuc fit; sicut etiâ alias  
eius quæ futura est. Huius itaq; postremæ hæc quidē  
in præseruatiua artis parte ponuntur, hæc vero in sa-  
lubri; primæ autem inter omnes in curatiua tantum  
modo, sed eius quam mediam inter vtrinq; locau-  
mus in præseruatiua & curatiua: iam enim factam  
atq; existentem ægritudinem curare oportet; sed quæ  
nōdum quidem adest, at futura est, prohibendum est  
ne fiat, ab ea quæ in corpore est dispositione, & quæ  
sequuntur. Ex quibus verbis est evidens Galenum

velle pro

Velle pro curatione morbi fientis. Medicum debere morbum iam factum curare; futurum verò prohibere ne fiat; prohibebit autem remouendo eam dispositionem quæ est in corpore, quæ causa antecedens dicitur. Quapropter vult Galenus remotionem causæ esse præseruationem, & non curationem; & quod curatiua pars Medicinæ solummodo conueniat ei quod factum est de fiente; præseruatiua verò ei quod futurum est fieri.

Idem aperte voluit cum dixit. Itaq; hic quoq; Iuniores Medici de nominibus contendere se non intelligunt; & quæ sequuntur: quæ studio breuitatis libenter prætermitto. Ex quorum serie Verborum clarissime monstrat Galenus amotionem causæ esse præseruationem, & præseruationem per abusionem curationem dici, & ob id amotionem causæ abusiue & improprie curationem vocari. Quemadmodum etiam idem asseruit in hunc modum scribens. Ergo in Diarijs febribus simplex quidam est in corpore præter naturam affectus, vt potè causis, quæ primum eas excitarunt, iam ademptis. In quibus vero causa, quæ eas accendit, adhuc manet, in ijs nec

lib. 4. de mor.  
cur. cap. 3.

»

»

lib. x. de mor.  
cur. vt primū

»

»

»

»

»

»

»

»

»

## DE MORBO

affectus simplex, nec sanatio: siquidem quod febris  
 iam receptum est in corpore, id ex propria ipsius cu-  
 randi indicatione discutere oportet, quod adhuc est  
 futurum id propulsare, ac ne fiat vetare, vetabitur  
 si quæ id excitat causa prorsus sit summotæ. In qui-  
 bus verbis clarissime monstrat sicut etiam in prius ci-  
 tatis, morbum fientem esse affectum compositum &  
 non simplicem, atq; eius sanationem esse compositam.  
 & quomodo ille sit affectus compositus, eiusq; sana-  
 tio composita declarauit, insinuans eum morbum ex  
 facto & futuro fieri componi, & sanationem ex cu-  
 ratione eius quod iam factum est, & inhibitione  
 eius quod futurum est fieri ne fiat per remotionem  
 causæ quapropter vult remotionem causæ esse solum-  
 modo præuisionem, sicut remotionem eius quod fa-  
 ctum est esse curationem.

in lib. xi. de  
 mor. cur. cap. 2  
 & lib. 13. cap. 2

Quod etiam alibi voluisse sciunt, qui eum lectita-  
 runt: a cuius verborum assignatione supersedeo, ne  
 pluries idem repetere videar; qui tamen ea legere vo-  
 luerit cognoscet. Galenum voluisse veram & pro-  
 priè dictam curationem conuenire morbo iam facto  
 & permanenti: eam verò, quæ adiunctam Pro-  
 philacticæ

phylacticen habet conuenire morbo fienti eo quidem modo, quo prius dixi ex eiusdem sententia, vt scilicet ei quod factum est de morbo fiente cōueniat curatio; ei vero quod futurum est fieri præs(er)uatio per remotionem causæ: non quidem quòd remotio causæ sit simul curatio & præs(er)uatio; remotio verò eius quod factum est solummodo curatio, quo modo dicit Galenus esse mixtum genus, vt euidenter apparet ex verbis suis. Et ex his quæ hactenus dicta sunt, euidenter constat quòd euasio Præceptoris nulla est: quandoquidem morbo fienti sub ea ratione qua est in fieri & motu non conueniat curatio; sed præs(er)uatio solummodo, nisi hanc esse curationem dicere velimus, quod verum erit sumpto nomine curationis cōmuniter atq; improprie, pro remotione cuiuscunq; rei præternaturam, quo modo remotio causæ atq; symptomatis curatio dici poterit. Verum accepto nomine curationis in propria significatione vt videlicet remotionē morbi significat, quam Gal. deffiniuit esse præs(er)entis vitiosi affectus in corpore in naturalem habitum mutationē. Vt sic affectui præternaturam, qui ledit functiones corporis, solummodo conuenit: qui sanè alius nō est,

lib. 9. de mor.  
cur. cap. 15.

## DE MORBO

quàm qui permanet et in corpore subsistit, vel fuerit pars fientis, vel non. quapropter quum dixi quòd omnis affectus præternaturam, qui per solam curationem remoueri debet, est verè et propriè morbus, nulla est opus limitatione ad affectum & morbum permanentem; siquidem nulli alteri conveniat, quàm affectui permanenti, & ob id illud dictum absolute nulla addita limitatione & conditione erit semper verum. Quod etiam evidentissime potest hac ratione comprobari: quoniam omnis vera & propriè dicta curatio solummodo convenit ipsi morbo; at omni affectui præternaturam, qui per solam curationem remouetur, cōuenit vera & propriè dicta curatio ex Galeni sententia, quum dixit. Diariarum quidem febrium & hecticarum vera et propria curatio est; siquidem hæ febres per solam curationem remouentur: quæ quidem sola curatio est vera & propriè dicta curatio. ideoq; omnis affectus præternaturam, qui per solam curationem remouetur, erit solummodo morbus. & quoniam hic affectus, qui per solam curationem remouetur est permanens, morbus est huiusmodi affectus præternaturam, qui per solam curationem

tionem remoueri potest, ob id necessario sequitur quòd morbus erit res permanens & cōstans in corpore, vel fuerit pars fientis, vel non; sed simpliciter factus.

Et quum Præceptor citat loca ex Galeno in cōfirmationem suæ responsionis, quòd remotio causæ sit curatio, quæ conuenit morbo fienti vnà cum prophylactice. Dico bona eius pace, falsò talia ex Galeno excerpere: quoniam nullibi asseruit Galenus remotionem causæ esse simul curationem & præuisionē, nisi abutatur nomine curationis. Nam in curatiua methodo ne verbum habet de hoc; sed expresse vult remotionem causæ esse præuisionem. Et quum dixit remotionem causæ esse partem artis curatricem id communiter accepit.

Et ex his cum dixit remotionem causæ esse partem artis curatricem, id communiter accepit pro remotione cuiuscunq; rei præternaturam. In qua significatione dixit etiam curationem causarum efficientium morbos fieri per euacuationem, & curationem dici non solum ipsorum morborum; sed eorum etiam quæ morbos faciunt: vt in propatulo falsum sit illud quod dixit Præceptor in tertio suo insultu  
pro

lib. 4. cap. 3. &  
lib. 13. cap. 2

Curationē ēē  
esse ipsarū cau-  
sarū & quō.

in arte med.  
cap. 89. in fi-  
ne & 2. sect.  
aph. 22. lib. 2.  
de natura hu-  
mana co. t. 1.



## DE MORBO

pro reprobatione eorum quæ adduxi contra suam opinionem, quòd nemo tam crasse minerua est qui audeat proferre curationem conuenire ipsi causæ, cum Galenus id aperte dicat in locis citatis, & Præceptor met idem etiam dicere cogatur, cum velit remotionem causæ esse curationem; siquidem cuius est remotio eiusdem sit etiam curatio; & quoniam ipsius causæ est remotio, quare eiusdem etiam erit curatio. Intellexit tamen Galenus ubiq; cum dixit remotionem causæ esse curationem, quòd communiter & abusiue dicatur curatio; siquidem, ut ipse testatur, præcustodia quodammodo curatio dici possit.

lib. 1. de feb. d.  
cap. 4.

Prophylactice  
duplex.

x. de mor. cur.  
cap. 2.

Sed respondet Præceptor, quòd cum dixit Galenus præcustodiam quodammodo curationem dici, intellexit de prophylactice parte Medicinæ, in qua ex ipsa causa non sensibiliter gignitur morbus, sed futurus est; siquidem duplex sit prophylactica, una sub qua iam sensibiliter ex ipsa causa morbus gignitur, alia in qua est futurus ex Galeni sententia. De hac itaq; verificatur quòd est abusiue curatio: quoniam per remotionem causæ remouetur solummodo morbus qui futurus est; sed de altera non: quoniam ea est vera

est vera curatio; siquidem per remotionem causæ remouetur morbus qui fit, & præseruatur à futuro fieri: nam in ea est præuisio curationi adiuncta; in altera verò est sola prouisio.

Atq; simili responsione conatur euadere auctoritates adductas, quòd omnes concludunt ablationem causæ respectu eius quod futurum est fieri *abusuè* curationem vocari; propriè verò præseruationem: sed meritò eius affectus qui est in fieri esse veram & salubrem causam curatiuam. Satisfaciendo tamen primæ auctoritati dicit eam suæ opinioni plurimum fauere, quum velit Galenus eo in loco salubres causas morbi fientis in præseruatiua & curatiua artis parte locari, eo quòd remotio causæ, quia ab eo quod futurum est præseruat, in præseruatiua parte ponatur. Et quia eadem morbum qui est in fieri tollit, in curatiua locetur, atq; sic composita est, ut ipse inquit curatio morbi fientis ex curatione & præseruatione. Quod voluit Galenus, cum asserit alias quiddem esse causas salubres eius temperature, quæ iam facta est; alias autem illius, quæ adhuc fit, sicut etiam alias eius quæ futura est. Huius itaq; postre-

ex lib. 4. x. xi.  
& 13. de mor.  
cur.

ex lib. Ar. medic.  
cap. 88

## DE MORBO.

« *mae hæc quidem in præseruatiua artis parte conti-*  
 « *nentur; hæc verò scilicet duæ in salubri, factæ vide*  
 « *licet & fientis; primæ autem scilicet factæ inter om-*  
 « *nes in curatione tantummodo; sed eius quam mediâ*  
 « *inter vtranq; locauimus, scilicet fientis, in præseruati*  
 « *ua & curatiua.*

in Arte med.  
 cap. 39.

*Idem duplici ratione confirmat: prima quidem quod remotio causæ est causa salubris alicuius morbi, vel igitur facti, vel futuri vel fientis; sed non facti: quoniam non semper hic tollitur ad remotionem causæ, & ob id præcipit Galenus prius abscindendâ esse causam, deinde ad illam, quæ ab ea causa facta est, ægritudinem, accedendum; neq; futuri, cum talis nōdum actu sit. Igitur erit salubris causa morbi fientis.*

*Altera est eius ratio, quam dicit esse Galeni, quæ talis est. Quot sunt causæ salubres, tot sunt morbi eis correspondentes; & quia tres sunt causæ salubres. Quare tres etiam erunt morbi eis correspondentes, videlicet fiens, factus, & futurus. Causa salubris facti est eius remotio; futuri remotio causæ: fientis verò salubris causa est etiam abolitio causæ coniunctæ, quæ simul est curatio eius qui est fiens, & inhib. tio*

hibitio eius qui futurus est fieri.

Addit quoq; auctoritatem Galeni dicentis. Id, quo tangente afficimur, & quo separato statim cessat affectus, causam esse apud omnes homines in confesso est: sic enim ignem ustulationis, & gladium sectionis causam esse credimus, & quæ sequuntur. In quibus verbis vult Galenus remotionem causæ coniunctæ affectus fientis esse curationem, & salubrem causam illius, ut est in fieri; siquidem remoto igne cesset ustio, quæ est in fieri, & non quod ustum est: & remoto gladio cesset sectio, quæ est in fieri, & non quæ facta est. remotio itaq; causæ erit salubris causa curatiua morbi fientis, ut fiens est, & cum hoc etiã præseruatiua à futuro fieri, atq; sic mista ex curatione & præuisione.

Deinceps Præceptor me reprehendit, quòd dixerim omnes auctoritates adductas, quæ suæ opinioni favere videntur, quòd ablatio causæ sit curatio, verificari de curatione communiter sumpta: quoniam, inquit, contrarium huius fuit per me adductum ex Galeni sententia, cum asserit mistum genus componi ex vera curatione & prouisione. Igitur vera curatio

in .i. de loc.  
af. cap. 2.

„

„

„

lib. xi. de mor.  
cur.

## DE MORBO

prophylacticen sibi adiunxit, cuius gratia dicitur  
abusue curatio.

Ser. 2. tract. 1.  
su. 2. cap. 3.

Additq; causam meæ deceptionis esse, quod exi-  
stimem vna cū Nicolo Florentino remotionem cau-  
sæ esse curationem facti, & non fientis: quod tamen  
falsum est, cum multotiens post remotionem causæ  
remaneat affectus permanens, vt testatur Galenus,  
& nunquam is est in fieri.

lib. 1. de lec. af.  
cap. 2. & in ar.  
med cap. 88.

Præcustodias  
cōiter cū ratio  
nē dici & quō

Veruntamen istis per ordinem satisfaciendo Ad  
id, quod de Prophylactice primò inquit, respondeo  
quòd quia vtriusq; prophylactice munus est adimere  
causam, & amotio causæ est curatio communiter  
sumpta, ob id etiam vtraq; prophylactice quodam-  
modo curatiua pars medicinae erit. Quod etiam pro-  
batur: quoniā quod per participationem intercidit in-  
ter aliqua extrema, sapit quoquomodo naturā eorū;  
& quia prophylactice intercidit inter salubrem, &  
curatiuam artis partem teste Galeno: quoniam, vt  
salubris parua vitia discutit, & curatiua magna,  
sic etiam prophylactice parua vitia corrigit, si cura-  
ue comparetur: qua ratione pars artis salubris quo-  
dammodo dici poterit, & magna si ad salubrem re-  
feratur,

Prophylactice  
media inter sa-  
lubrem & cu-  
ratiuam.  
in lib. ad tras-  
sibulū cap. 30.

feratur, quo respectu curatiua quodammodo dicitur, sicut colores intermedij possunt dici esse quodammodo alterum extremum colorem, prout ad hunc, vel illum extremum colorem referuntur. Quare prophylactice erit quodammodo vtriusq; particeps, nempe salubris, & curatiue partis Medicinæ: Sed verè altera earum non erit.

Præterea Galenus loquens de ea prophylactice, in qua causa sensibiliter gignit morbum, dicit quòd qui exactè loqui voluerit, non curationem; sed præuisionem eam esse dicet. In quibus locis euidentissimè vult remotione causæ esse solummodo præuisionem, & non curationem, nisi vt præuisio curatio quodammodo dici potest: quoniam remotio cuiuscunq; rei præter naturam curatio communiter sumpta dici potest, & quoniam prophylactice adimit causam facientem morbum, quæ est res præter naturam, ob id pars artis curatrix dici poterit, vt Galenus. Vel etiã hac ratione quòd curatrici subseruiat, cuius est solvere morbum: qui, quoniam tolli non potest manente causa, à qua dependet, si causam habuerit, idcirco eam prius demere oportet, deinde ad agritudinem

lib. 4. de mor.  
cur. cap. 3. & in  
aliis supra ci-  
tatis.

lib. xi. de mor  
cur. cap. 2.

## DE MORBO

*factam deuenire, atq; sic remotio cause poterit curatio dici, eo quia curationi subseruit, & prophylactice pars artis curatrix dicetur, quod ei subministret in remouendo morbum.*

*Futurum fieri  
coniunctum  
actui est idem  
cū eo quod est  
in fieri & mo-  
tu.*

*Et cum dicit Præceptor quod hæc prophylactice est verè pars artis curatrix: quoniam in hac remotio cause non est sola prouisio; sed etiam curatio morbi, qui est in fieri. Dico, bona eius pace, quod euidenter decipitur: quoniam futurum fieri de fiente non differt ab eo quod est in fieri; siquidem quod successiue generatur, & in actum deducitur est id quod est in fieri & motu: sed quod est futurum fieri coniunctum actui successiue perficitur, & in actum deducitur. quare quod est futurum fieri coniunctum actui est id quod est in fieri & motu, atq; ob id remotio cause erit solummodo prouisio & non curatio: prouisio quidem, ne id quod est in fieri fiat, et in actum deducatur, vel ne quod futurum est fieri coniunctum actui ad actum perueniat, quod idem est. quare &c.*

*Et per hæc dicta detegitur falsitas sue responsionis ad auctoritates adductas ex Galeno; siquidem huic innitatur, quod remotio cause sit simul curatio,*

*& præ*

Et præservatio. Quod fundamentum cum sit falsum, non est mirum si responsio etiam sit falsa; sed asserit Galenum istud omnino velle, cum dixit. *Ac maximè quidem in soluendo morbo intelligitur curatio*; sed per abusionem mistum etiam genus, quod tum ex vera curatione, tum prouisione, quam prophylactice pars artis præstat, componitur, Et quæ sequuntur. In quibus quidem verbis, dicit Præceptor, Galenum velle remotionem causæ esse genus quodam compositum ex vera curatione respectu morbi fientis, Et prophylactice respectu futuri, ratione cuius dicitur abusiue curatio: quia verè curationi est admixta præseruatua.

lib. xi. de mor.  
cur. cap. 2.

Sed certè quilibet etiam modicè eruditus in doctrina Galeni potest facile deprehendere hæc omnia aliena esse ab eius mente, Et tantum quantum lucem à tenebris distare cernimus. Nam Galenus post illa verba per Præceptorem citata subdit immediate. *Ac Diariarum quidem febrium, & hecticarū vera & propria curatio. Quæ referuntur ad prius dicta, cum dixit. Atq; in soluendo morbo maximè intelligitur curatio. In quibus verbis voluit curationem*



## DE MORBO

tionem maximè conuenire præfenti affectui in corpore, qualis est febris hectica, & ephymera. Postea  
 cc superaddit. Earum Verò, quæ ex putrescentibus ex  
 cc citantur humoribus, vocata curatio prophylactica  
 cc quoq; sibi adiunxit: cuius officium est causam, quæ  
 morbum creat, adimere. Quæ verba ad prius dicta  
 referuntur, cum dixit. sed per abusionem etiam mi-  
 stum genus tum ex vera curatione, tum prouisione.  
 In quibus verbis accipit Galenus nomen curationis in  
 ea significatione, in qua prius accepit; sed id prius  
 accepit, vt morbo iam facto præfenti conuenit, si-  
 quidem dixerit Diarijs, & Hecticis propriè conue-  
 re. Quapropter etiam voluit nomen curationis in ea-  
 dem significatione conuenire febribus putridis, ea qui-  
 dem ratione, qua hæ febres sunt affectus permanen-  
 tes per partem iam factam earum & consistentem  
 in corpore; vt vero in fieri sunt & in motu, prophylactica  
 conuenire: cuius munus est per remotionem  
 cause prohibere ne id, quod est in fieri & motu ip-  
 sarum, fiat in actu perfectò. Et huius fidem facit  
 cc Galenus, cum inquit. Cuius officium est causam, quæ  
 cc morbum creat, adimere: quoniã istud relatiuũ (cuius)  
 non ad

non ad curationem voluit Galenus referri, sed ad prophylacticen; siquidem, ut inquit Grammatici, relatiuum debeat referri ad proximum antece-  
dens, & non ad remotum. Hoc quidem pacto intellexit Galenus, & voluit curationem putridarum esse mixtam & compositam ex curatione vera & propria, quæ est remotio affectus præsentis & in corpore permanentis, & prohibitione eius quod est in fieri, ne ad actum perueniat, per remotionem causæ. Ut omnino velit in earum curatione duas functiones Medici re, & ratione distinctas concurrere, nempe prohibitionem futuri fieri per remotionem causæ, & curationem eius quod iam factum est, quæ est eius remotio.

curatio mor-  
bi fietis qualis

Quod etiam clarissime voluit, cum loquens de curatione phlegmonis, & reliquorum affectuum fieri-  
tium sic scriptum reliquit. Nam quod eorum iam  
genitum est, id Medicinæ artis parti, quæ morbos  
curat, subiicitur: quod in generatione adhuc est, par-  
ti quæ futurum morbum præcauet. Atq; idcirco dixi-  
mus non simplicem; sed compositam esse totam de ijs  
ægritudinibus, quæ in generatione adhuc sunt, me-  
dentis

lib. 13. de mor.  
cur. cap. 2.

„  
„  
„  
„  
„  
„  
„

## DE MORBO

*cc* *dentis sollicitudinem. In quibus verbis Galenus eu-*  
*dentissime vult mistum illud genus esse compositum*  
*ex curatione facti, & inhibitione eius quod est in*  
*generatione ne fiat: quæ sunt duo officia Medici per*  
*se re, & ratione distincta. Non autem vult quod*  
*sit mistum ex curatione fientis, & prohibitione fu-*  
*turi, ut imaginatur Præceptor, sicut etiam nō vult*  
*morbum fientem esse compositum ex eo quod est in*  
*fieri, & ex eo quod est futurum fieri, ut ex duo-*  
*bus diuersis; sed sicut dicit hunc esse mixtum ex fa-*  
*cto, & futuro fieri, ut ex duobus quæ ipsum inte-*  
*grant, sic etiam apertè dicit huius curationem esse*  
*mistum genus ex vera curatione eius, quod factum*  
*est per huius remotionem, & inhibitione futuri fieri*  
*ne fiat per remotionem causæ. Quam sententiam*  
*Galenus ubiq; constanter profert, nec alicubi est le-*  
*gere apud eum quod voluerit remotionem causæ esse*  
*salubrem causam curatiuā morbi fientis; quod si istud*  
*voluisset, debuisset aliquando explicare, quod cum*  
*nullibi fecerit, ob id non immeritò sequitur istud*  
*nunquam illi in mentem venisse. Et ex dictis appa-*  
*ret veritas etiam eorum quæ dixi, & quàm iniuste*  
*me reprehen-*

me reprehendat Præceptor circa mentem Galeni, ut quilibet amator Veritatis facile perpendere potest: lib. 2 aphor. 22  
 quoniam dixi Galenum reprehendere recentiores in duobus. Primo quòd de nomine altercabantur: quoniam præservatio quoquomodo curatio dici potest, & sic etiam remotio causæ erit aliquo modo curatio. Secundo quòd indistinctè loquebantur: quoniam ablatio causæ interdum est sola prouisio, interdum est curationi admixta, & quia hoc mixtum genus proprio caret nomine, ideo Medici interdum dicunt præservare, interdum curare. Me reprehendit, inquam, quòd hæc mea interpretatio sit valde aliena à Veritate: quoniam, inquit, falsum est quòd ablatio causæ sit interdum sola prouisio: quoniam non dixisset Gal. mixtum genus esse compositum ex vera curatione, & prouisione, si interdum esset sola prouisio.

lib. xi. metho.  
cap. 2.

Sed certe Præceptor incautè & inaduertenter me reprehendit: quoniam dixi ego ex Galenomet ibidem, quòd ablatio causæ est interdum sola prouisio, sicut contingit in syncera prophylactice, interdum curationi adiuncta, sicut in non vera prophylactice: in qua causa sensibiliter gignit morbum, in qua primi

## DE MORBO

tus oportet remouere causam, ut prohibeatur ne fiat quod est in fieri & in generatione, postea remouere quod factum est. Et sic remotio causæ est interdum sola prouisio, interdum iuncta curationi. Non quod remotio causæ sit simul curatio, & prouisio; sed quod Medicus interdum solummodo præcauet, quod facit cum remouet causam; interdum præcauet, & curat, quod facit primò remouendo causam, & postea remouendo quod factum est, ut patet clarissime ex Galeno.

lib. art. med.  
cap. 88.

Neq; vim habet quod dicit Præceptor, quod Galenus pro tanto solummodo fecerit mentionem de prohibitione futuri fieri, & non de curatione fientis: quoniam ad inhibitionem futuri fieri per remotionem causæ necessario sequitur fientis curatio; quia prohibito futuro cessat fieri. Et ideo ponens modum curationis, & causam salubrem morbi fientis, quam appellat antecedentem, solummodo fecit mentionem de prohibitione futuri. Quod certè alienum est à mente Galeni; siquidem pro tanto Galenus subiecit curationem fientis: quoniam huius nullam voluit esse curationem, neq; aliquam functionem medici aliam à prohibi

prohibitione futuri fieri, sicut futurum fieri de fiente non est diuersum ab eo quod est in fieri. Et hac nimirum ratione motus Galenus fecit solummodo mentionem de prohibitione, & non de curatione. Huius signum est, quod Galenus in verbis paulo ante citatis dicit. Quod in generatione adhuc est, parti quæ futurum morbum præcauet. Vbi vult quod id, quod est in generatione & in fieri, subiiciatur parti Medicinæ, quæ prophylactice dicitur. non igitur curatiue subiicietur vt imaginatur Præceptor. Et quoniam vult Galenus, quod illud quod est in generatione & fieri requirat præcautionem ne fiat, & similiter quod est futurum fieri de fiente eandem præcautionem requirit, vt notum est. Igitur non ab re sequitur quod esse in fieri, & esse futurum fieri de fiente sunt idem: nam vtrunq; horum est in potentia adiuncta & actui, vt liquet. Et qui aliter sentit deuiat à veritate apud Galenum, sicut etiam iudicio meo non rectè sentit Præceptor, cum dicit Galenum appellare causam salubrem morbi fientis causam antecedentem; siquidem velit Galenus ibidem eam causam antecedentem esse causam morbi effectiuam, vel cō-

## DE MORBO

*seruatiuam, atq; sic esse causam insalubrem, & nō salubrem: quoniam nullus vnquam dixit causam effectiuam alicuius morbi esse salubrem causam; sed forte (vt verisimile est) hic error scribentium errore prouenit.*

*in lib. ar. med.  
cap. 33.*

*Et per ea quæ dicta sunt est euident, quod quæ dicit pro euasione auctoritatis Galeni nihil veri concludunt: quoniam remotio causæ est duntaxat salubris causa præseruatiua, & non curatiua; quoniam præseruat ne quod est in generatione fiat, & nihil aliud facit. Et pro tanto dixit Galenus causas salubres morbi fientis in curatiua artis parte, & præseruatiua locari: quoniam morbus fiens, de quo fit sermo, mediam naturam seruat inter morbum simpliciter factum, & simpliciter futurum fieri: quoniam habet aliquid facti, & aliquid in fieri; merito facti eius causa salubris ponitur in curatiua parte Medicinæ, & merito futuri fieri in præseruatiua. quare & c.*

*Neq; rectè interpretatur verba Galeni, cum inquit. Huius itaq; postremæ hæ quidem in præseruatiua artis parte continentur; hæ verò, scilicet duæ, in salubri,*

in salubri, factæ videlicet, & fientis. Ut velit omnino Galenus, secundum hanc Præceptoris expositionem, salubres causas futuri morbi in præseruatiua artis parte reponi; factæ verò, & fientis in salubri.

Quæ certe expositio adeo extranea videtur, & Præceptoris opinioni contradicens, ut mihi ipsi facile persuadeam, non ex eius sententia; sed incuria scribentium positam fuisse, cum sit euidenter falsum salubres causas morbi facti, atq; fientis in salubri artis parte locari, Galeno quidem asserente salubres causas morbi facti in curatiua solummodo poni; fientis verò in curatiua & præseruatiua, & non in salubri, ut Præceptor inquit. Verus tamen verborum Galeni sensus est, quod velit salubres causas præcauendi morbi in præseruatiua artis parte reponi, quæ de causa præseruatiuæ dictæ fuerunt; & hæ in salubri. Et hæ quidem, non factæ, & fientis, ut dicebat Præceptor; sed hæ, videlicet quæ præseruatiuæ sunt, in salubri ponuntur: quoniam dispositio, cui hæ causæ attribuuntur, intra sanitatis fines ponitur. Et ob id eius causæ salubres debent etiam in salubri artis parte contineri; primitus tamen in præseruatiua parte Medi-



## FIENTE

lib. 4. de san.  
tuen. non lon  
ge a pr.  
Prophylactice  
pars artis vbi  
tractetur.

re *Medicinae*: quoniam *præcustodia* instantis ma  
le dispositionis non exigua pars est artis, quæ sanita-  
tem tueri edocet, vt *Galenus* scriptum reliquit. Qua  
ratione *Galenus* egit in libris de *sanitate tuenda* de  
ea parte *Medicinæ*, quæ vera prophylactice dicitur:  
de altera verò, quæ non sincera est, egit in lib. de  
*morbis curandis*, quòd curatio morborum pendentium  
à causa fieri non possit, nisi prius amoveatur causa,  
à qua dependent. Hæ itaq; causæ salubres, quæ fu-  
turum morbum præuauent, in præseruatiua continen-  
tur; & quoniam præseruatiua est pars artis salubris,  
ob id hæ præseruatiuæ causæ in salubri etiam conti-  
nebuntur.

remotio causæ  
per acñspoteff  
esse curò mor-  
bi facti & quo

Ad primam verò rationem respondendo dico,  
quòd remotio causæ est salubris causa, non curatiua;  
sed præseruatiua per se: per accidens tamen potest  
etiam esse curatiua; sed non fientis, sed eius quod fa-  
ctum est de morbo fiente, & hoc quidem cum id  
quod factum est adeo est exiguum, & leuiter in-  
hæret, vt sola causæ remotio sufficiat pro eius cura-  
tione, quemadmodum *Galenus* monuit sic scribens.  
Affectus qui exigui sunt, separatis causis facien-  
tibus,

lib. i. de loc. af.  
cap. 2.

tibus illico finiuntur, natura videlicet ipsos sanante. Qua de causa dixit nonnullos, quibus oculi phlegmone tentari ceperant, sola purgatione per alium facta sanasse: quoniam natura roborata per remotionem causæ potest se sola citra aliud auxiliū Medici abjicere quicquid factū est, & corpori leuiter hæret de morbo; sed ubi affectus vehementiores fuerint, quos natura se sola superare nequit sine medicaminū auxilio, tunc causam prius abscindere oportet, deinceps ægritudinem iam factam sanare cum salubri causa alterante, & in contrarium statum corpus permutante. A qua sententia Auicenna etiam non dissentit.

22  
lib. 13. de mor.  
cur. cap. 5.

lib. 1. fen. 4.  
cap. 2.

Ad secundam rationem, quam dicit esse Galeni, dico falsum esse tot esse morbos quot sunt causæ salubres: quoniam ex numero salubrium causarum non debemus inquirere differentiis ipsorum morborum, sed potius econtra; siquidem ex essentia morbi cognita suboriantur indicationes curatiuæ, atq; salubrium causarum delectus, & ex eiusdem ignorantia ignorentur. Nec verum est quod Galenus ita argumentetur, ut inquit Præceptor; sed totum

contra

## DE MORBO. -

contrarium facit : nam illud , quod Præceptor accipit pro medio , Galenus infert pro conclusione , & econtra in hunc modum. Quot sunt differentie male temperaturæ tot etiam debent esse salubrium causarum differentie ; sed tres sunt differentie malæ temperaturæ , nimirum facta , futura fieri , atq; fiens. quare tres etiam erunt salubrium causarum differentie , quæ illis debent applicari. Hæc nimirum est ratio Galeni , ut patet consideranti eius verba , per quam concludit quod tres sunt causæ salubres : non tamen omnes curatiuæ , sed solummodo quæ est causa salubris morbi facti est curatiua ; futuri verò , & eius qui est in fieri salubres causæ sunt præseruatiuæ , veluti ex dictis constat. Nam morbus fiens , quia habet partem factam , ob id una eius salubris causa est curatiua. Et rursus quia habet partem , quæ est in fieri , idcirco altera eius salubris causa erit præseruatiua ; siquidem semper id verum sit , quod ex essentia morbi perspecta nascantur indicationes curatiuæ , & electio salubrium causarum.

Ad Galeni Auctoritatem dico , quod remotio ignis , vel gladij est causa salubris præseruatiua : quoniam

niam

niam prohibet ne comburatur quod erat in comburi ,  
 & ne secetur quod erat in secari : quoniam tollitur  
 actio ignis, quæ est combustio, & actio gladij, quæ est  
 sectio. Quare etiam passio combustibilis, & sectibi-  
 lis tollitur, & ob id prohibetur ne id, quod est in pati,  
 patiatur. & sic dico quòd in morbo fiente huiuscemo-  
 di causa est causa præseruatiua solummodo, & non  
 curatiua, vt luce meridiana clarius elucescit.

Quid consequenter dicendum sit de reprehensio-  
 ne meæ respõsionis ad auctõritates, quæ opinioni Præ-  
 ceptoris fauere videntur, apparet ex iam dictis : quo-  
 niam declaratum est qualis sit ea curatio, quæ debe-  
 tur morbo fiendi, & quomodo intelligat Galenus eam  
 esse mixtum genus ex vera propriaq; curatione, &  
 ex præuisione, vt superfluum sit in ijs amplius im-  
 morari.

Apparet etiam ex dictis quàm præter rationem  
 dicat causam meæ deceptionis esse, quòd existimem  
 vna cum Nicolo Florentino quòd remoto causæ sit  
 curatio facti, & non fientis. De quo certè multum  
 miratus sum, cum nunquàm istud mihi venerit in  
 mentem; neq; ipse, vel alter potuerit, nec possit ex

## DE MORBO

*meis dictis illud colligere, cum ubiq; semper dixerim remotionem causæ esse solummodo prouisionem, & nunquam curationem nec fientis, nec facti, nisi ex accidenti, cum videlicet affectus læuiter inhaeret, ut paulo ante dixi ex Galeni sententia.*

Sermone 2. tra-  
cta. primo sũ.  
2. cap. 3.

*Quod clarissime etiam voluit Nicolaus Florentinus, & quomodo velit eum trahere in eam opinione, me præterit certè, cum apertè videam ipsum in eo cap. ex propria sententia totum oppositum velle eius, quod Præceptor illi adscribit, ut quilibet facile deprehendet, qui totum illud cap. percurrere voluerit. Probato itaq; quòd morbus, qui est in fieri, non est verè morbus, reliquum est, ut satisfaciam rationibus Præceptoris, quibus oppositum comprobabat.*

Solutio ratio-  
num proban-  
tium morbũ  
quidem in 'fie-  
ri esse verũ  
morbum.

*Ad primam itaq; respondendo, dico morbum, qui est in fieri, non esse morbum, nec morbi causam; sed symptoma. Sed contra: quoniam vel erit actio læsa, vel qualitas mutata, aut exiens mutatum. Dico quòd symptoma est duplex, cõmune, & proprium: cõmune symptoma est quicquid præternaturam animanti accidit; proprium verò est quicquid necessariò consequitur morbum. Morbus qui est in fieri, est*  
sympto-

*symptoma non proprium: quoniam non consequitur morbum; sed commune: quoniam inter ea connumeratur, quæ necessario animanti præter naturam accidunt; siquidem sit pathos præter naturam, quod non est nisi motus circa materiam à causa efficiente morbum dependens.*

Morbus qui è  
in fieri est pa-  
thos & symp-  
toma genera-  
tim.

*Sed instat Preceptor, primò quòd morbus fiens non solummodo non sit symptoma generatim; sed nec speciatim: quoniam quicquid præter naturam animanti accidit, & non est morbus, nec causa morbi, necessario debet esse symptoma speciatim; sed morbus fiens non est morbus, nec causa morbi. Igitur erit symptoma speciatim, quod falsum est, ut patet discurrenti per omnes differentias symptomatis speciatim sumpti; neq; etiam est causa. Igitur erit morbus.*

*Secundò quòd non possit esse pathos, sic probat: quoniam pathos non est nisi quum sit, & quum nō sit non est; sed morbus fiens, cum non sit, est: quoniam habet ex sui natura, ut remota causa possit permanere. Igitur non erit pathos. Quod sanè voluit Galenus, cum dixit. Id quod adhuc sit, nec est nisi*

In lib. de sym-  
pto dif. cap. 3

33

## DE MORBO

22 *dum fit, actionem, aut pathos nominamus; quod*  
22 *verò per tempus aliquod permanere potest, sanita-*  
22 *tem, aut morbum.*

*Sed prima instantia soluitur, quoniam sufficienter per datam responsionem remouetur, quòd morbus fiens non sit symptoma speciatim dictum; siquidem dicatur in responsione, quòd est pathos præter naturam pendens à causa efficiente morbum: quoniam nullum symptoma speciatim dictum pendet immediate à causa morbi, sed à morbomet. quare excluditur in responsione data, quòd morbus fiens sit symptoma speciatim sumptum. Et ratio, quam adducit ad istud probandum, parum cogit: quoniam maior propositio si debet esse vera, oportet eam sic intelligere. Quicquid præter naturam accidit, & non est morbus, nec causa morbi, necessario consequitur morbum, est symptoma speciatim. Qua sic intellecta, minor propositio est postea falsa: quoniam sicut morbus, qui est in fieri, non est morbus, nec causa morbi, sic etiam non est aliquod necessario consequens morbum; sed bene consequitur causam morbi. Quapropter nulla erit illatio, ut patet.*

*dum fit*

Secunda etiam soluitur, negando quòd morbus, qui est in fieri, cum non sit, sit, & possit permanere remota causa, quoniam si permanet, non permanet, ut est in fieri, sed ut res permanens, quo modo conceditur quòd non est pathos; sed considerando eum, ut est in fieri, de quo est sermo, sic est uerum pathos secundum nomen, & secundum rationē, ut dictū est. Ad uerba Galeni, quæ uidentur sonare, quòd posse permanere sit de essentia morbi, super quæ fundat se Præceptor, dico quòd sensus eorū uerborum est, quòd intēdens Galenus ponere differentiā inter actionem, & passionē ex una parte; & morbū, ac sanitatē ex alia, dixit actionē, vel passionē nō esse, nisi quum sit: quandiu enim causa agit, tandiu est actio, uel passio, & quamprimum cessat ea agere, illico cessat actio, & passio; sed morbus non est huiusmodi, & similiter nequæ sanitas: quoniā possunt per tempus permanere, ut uelit omnino Gal. differentiam inter ea quatuor esse, quòd actio & passio momentaneam, et indiuisibilem habent permanentiam, sicut omnia successiua; sed morbus, & sanitas amplam habent permanentiam: quoniam possunt per temporis spaciū permanere,



## DE MORBO

*permanere, sicut reliqua entia permanentia. Non intelligit autem Galenus, quòd morbus pendeat à causa secundum essentiam, & ut pendet à causa, habeat ut possit etià permanere remota causa, quāvis hæc non remoueatur: quoniā Galenus accipit morbū ut est res permanens, & independens à causa; siquidem sub ea ratione accipit morbum in verbis citatis, sub qua prius acceperat in eodem cap. sed prius eum accepit pro re permanente: quoniam dixit ipsum esse affectum permanentem, & esse pathos non simpliciter; sed factum pathos. Quapropter etiam in eadem significatione debet in illis verbis accipere. Præterea qua ratione sanitas dicitur permanere, eadē & morbus, veluti ex verbis Galeni liquet; sed sanitas, ut est indepēdens à causa, dicitur permanere, siquidem omnibus sit euidens, sanitatem simpliciter in corpore permanere independentem à causa. Quare etiā morbus consimiliter permanebit. Et ob id dicendum est, quòd permanentia est de essentia morbi, permanētia quidem non momentanea; sed quæ ampla est citra dependentiam à causa: quam permanentiam morbus fiens habet ex parte eius quod factum est: quoniam*

*huius*

huius gratia non habet causam, sed solummodo ut est in fieri. Quare ut est in fieri non habebit eam permanentiam per tempus durantem, sed per instans duntaxat, ut omnia successiva habent, & sic non erit morbus, sed pathos. Veluti dealbatio, cuius aliquid est in facto esse, & aliquid in fieri, est affectus permanens & pathos: affectus quidem permanens ex parte eius, quod factum est & dealbatum; pathos vero, ex parte eius quod est in dealbari; quoniam sic pendet à causa dealbante: quod vero dealbatum est, sua natura permanet indepēdens à causa, adeo quod si causa dealbens perseveret in dealbando, illud, quod dealbatum est, eodem modo permanet, ac si nulla esset causa. sic dicendum præcise de morbo, qui est in fieri, quod ut est in fieri, pathos est: quoniam est motus circa materiā ab agente procedens: & quoniam secundum propriam essentiam, ut est fiens, dependet à causa, adeo ut sic non potest permanere remota causa, sicut dealbatio quatenus dealbatio permanere non potest remota causa, & breuiter nulla actio sine sua causa esse potest. Sed dicit Præceptor quod potest permanere quantum ad id quod factum est

## DE MORBO.

est, sed oportet considerare, quòd illud quod factum est actu permanet, & non potentia. Quòd si dicat Galenus quòd potest permanere. Apparet iam ex dictis qualis sit intellectus verborum Galeni: quoniã intelligit quòd potest permanere, sicut omnia entia permanentia dicuntur permanere, de quibus est verum dicere quòd nunc sunt, & paulo post etiã erunt; quoniam eorũ permanentia est in tempore, & non in instanti. Quapropter relinquitur quòd morbus fiens erit pathos, & non morbus, nisi meritò eius quod factum est. & de hoc Galenus adeò clare loquutus est,

„ quemadmodum etiam prius monui, quòd clarius nò  
 „ potuisset loqui, cum dixit. Et sanitas quidem, &  
 „ morbus, & quaecunque symptomatum, causarumq;  
 „ affectus, vel habitus sunt, ex permanentium con-  
 „ stantiumq; numero sunt: actiones autem omnes, al-  
 „ terationesq; in quacunque re fuerint, in ipso fieri essen-  
 „ tiam suam possident, & corpus secundum quodcun-  
 „ que movetur, secundum idem patitur, motusq; eius  
 „ pathos, siue passio est. Ex quibus clarissime constat  
 „ morbum, qui est in fieri, esse pathos: quoniam corpus  
 „ secundum ipsum movetur & patitur. quare & c.

Idem etiam

lib. 2. de mor.  
cur. cac. 3.

*Idem etiam conatur probare ex Galeno, quòd morbus dicatur, non ex eo quia permaneat, sed quia potest permanere; siquidem Galenus ita scribat. Si contigerit, ut ea corpora, quæ in se caliditatem admiserunt propter iram, longo eam tempore retinere natura apta sint, licet motus cordis sedetur; in hisce tamen remaneat calor præter naturam, inde hominem fabricitare necessarium est. Ex quibus verbis clare innuit, quòd caliditas in spiritibus & sanguine ex ira inducta, si hoc habuit, quòd cessante ira, quæ est eius causa, possit permanere, febris dicitur. Per hoc denotans talem caliditatem, cum est in dependentia ab ira, morbum esse, dummodo possit permanere eius ablata causa, & sic morbus dicitur non ex eo quòd sit permanens duntaxat; sed etiã ex eo quòd potest permanere.*

*Ex quibus apparet, dicit Præceptor, quantum à veritate deuiaverit Thomas de Garbo in expositione huius textus, innuens quòd dispositiones ledentes operationes nostri corporis sensibilibiter, quantuncunq; lederent, quæ continue sunt dependentes in conseruari à causis extrinsecis, vel primitius, & specialiter*

R

in lib. de feb.  
diff. cap. 3. &  
lib. 2. de crisi-  
bus cap. 13.

“

“

“

“

## DE MORBO

à causis ad libitum cuiuscunq; remouibilibus à corpore, non sunt dispositiones morbosæ. Quod voluit Galenus per hæc verba. Necesse est febrire hominem, quum sanguis & spiritus, quæ suscipiunt calorem ab ira, fuerint apta detinere calorem illum, & non aliter. Quod nititur nonnullis alijs rationibus astruere, asserens tandem quòd passio est dispositio existens in fieri, & in dependere continuè à causa, & quòd cum hæc dispositio permaneat in corpore, & à causa amplius non dependeat, tunc sit morbus. Et sic voluit quòd Galenus irrefragabiliter intelligat de causa primitiua, ita quod cum dicit Galenus, quòd passio est dispositio existens in fieri, & in dependere continuè à causa, intelligit de causa primitiua, & sic concludit quòd qualitas continuè à causa primitiua dependens, & non intra corpus, quantuncunq; ledat operationes sensibiliter, est passio, & non morbus, & sic caliditas ephemeræ, præsentè ira, vel alia causa extrinseca, non erit morbus, quod absurdum est. Huc inter recentiores Nicolaus Florentinus, & Franciscus Valeriola fauent, & hoc ne cogantur dicere febrem putridam à causa dependentem in fieri non esse

Ser. 1. tract. 2.  
cap. 12.  
in lib. de sym.  
differ. cap. 1.

non esse morbum. In quo quidem quantum à veritate deuenit, indicant verba dicta, quū non ex dependētia à causa dicatur pathos, seu sit primitua, seu sit corporalis: sed ex eo quod ablata eius causa non potest permanere. Quapropter cū caliditas in spiritibus, seu in sanguine possit ablata ira permanere, morbus dicitur, & verè febris Ephemera, & si præsens sit ira.

Sed quod dixi satisfaciendo auctoritati paulo antè citatæ, idem nunc dicendum esse reor pro verificatione præsentis auctoritatis: Quoniam vult Galenus, quod si caliditas propter iram contracta in spiritibus & sanguine fuerit adeo fixa, ut placata ira persistat adhuc, quod necessarium sit hominem inde febricitare, dummodo ea caliditas fuerit adeo vehemens, ut functiones corporis impedierit: quoniam tunc ea caliditas non pendet ab ira, esto etiam quod ira non fuerit sedata; sed sua natura permanet, & sicut sua natura permanet nō dependens ab ira, quāvis hæc perduret adhuc, sic etiam est apta permanere, ubi ira fuerit placata: quoniam quodcumque sua natura permanet, sicut nunc permanet, sic etiam dicitur esse aptum permanere: quoniam per instans

ex lib. de syn  
pto. diff. cap. 1.

## DE MORBO

non permanet ; sed per spacium temporis. Et sic caliditas præter naturam affixa sanguini & spiritibus ,  
ut permanet præsentē ira ( quantumvis ab ea non pendeat in esse : quoniam sua natura permanet ) sic etiam est apta permanere eadem absente , & iam sedata. Et ideo quod dicit Præceptor quod Galenus per ea verba denotat eam caliditatem , cum est in dependentia ab ira , morbum esse , aberrat : quoniam ea caliditas , cum ita inhæret sanguini & spiritibus , ut morbus sit non pendet amplius ab ira : quoniam tunc ex sui natura permanet , & est apta permanere. Et istud est quod vult Galenus cum dicit , quod  
„ si ita contingerit , ut ea corpora , quæ in se caliditatem  
„ admiserunt , longo eam tempore retinere natura apta  
„ sint , licet motus cordis sedetur , & quæ sequuntur .  
Hoc est , si ita cōtigerit quod ea caliditas præter naturam sit adeò affixa illis corporibus , ut apta sit dici permanere in illis , quamvis sedetur ira ; tamen necessarium est hominem corripī febre.

Quòdque huiusmodi caliditas febrilis , ut est morbus , non pendeat ab ira , est ex hoc evidens : quoniam hæc febris ab ira excitata est Ephemera , totum  
suum

*suum esse habens in facto esse. Quapropter à nulla causa dependebit. Et ideo sequitur quòd morbus, qui est in fieri, ut quidem est in fieri, non est morbus: quoniam non permanet, neq; potest permanere, cum semper pendeat à causa. Quòd si permanet ex parte facti, non tamen ut est permanens, pendet à causa: quoniam ex sui natura permanet, & est aptus permanere; sed ut est in fieri, semper pendet à causa, & tandiu est, quandiu causa agit, & cessante causa ipse etiam desinit esse, ut est in fieri. Et ideo concludendum ipsum, ut est in fieri, esse pathos; si quidem cuicunq; convenit definitio, eidem etiam definitum; & quoniam ratio pathos convenit morbo, qui est in fieri; siquidem sit motus circa materiam ab efficiente procedens, idcirco pathos vocabitur.*

*Et ex his apparet, quòd non rectè Preceptor carpit Thomam de Garbo, quòd dixerit passionem esse dispositionem, quæ est in fieri, & in dependere continuè à causa: quoniam, dicit Preceptor, non ex dependentia à causa dicitur pathos; sed ex eo quòd ablata eius causa non potest permanere.*

*Sed non rectè quidem reprehendit: quoniam*  
*Thomas*



## DE MORBO

pathos quid.  
in lib. de sym-  
pto. diff. cap. 1

*Thomas tetigit illud, quod est essenziale ipsius pathos, imitatus Galenum ita diffinientem pathos, quod est motus circa materiam ab efficiente procedens, vel quod est motus alterationis circa materiam, qui adhuc fit. Sed Præceptor omisso quod essenziale est, tetigit vnum, quod necessario consequitur essentiam ipsius pathos, nempe eius ablationem ablata causa: quoniam ex quo ipsum pathos secundum propriam essentiam est motus circa materiam à causa efficiente procedens, ad hanc necessario sequitur quod posita ea causa ponitur pathos, & remota remouetur. Qua propter Thomas non erat in hoc reprehendendus.*

Morb. an pos-  
sit esse cum de-  
pendentia a cau-  
sa primitiua

*Venit tamen reprehendendus in alio, in eo quidem quod, negat dispositionem sensibilibus ledentem dependentem in conseruari à causis primitiuis, vel ad libitum cuiuscunq; remouibilibus, non esse morbum: quoniam, vt paulo ante dicebā, cui conuenit definitio, eidem conuenit etiam nomen, rei cuius est definitio; at morbi definitio conuenit ei dispositioni, quæ in conseruari pendet ab illis causis, vt Thomas etiam fatetur. Quare erit morbus.*

*Sed instat contra hoc Thomas, primò quoniam*  
*Galenus*

*Galenus dicit in verbis citatis, quòd necesse est hominem febrire, cum sanguis & spiritus, quæ suscipiunt calorem ab ira, fuerint apta detinere calorem illum, & non aliter. Quapropter non vult quòd febris sit dependens ab ira, vel alia causa.*

*Tum etiam quoniam Galenus, ponens differentias febrium ex diuersitate materie, dixit nullam febrem constitui, nisi in aliqua prædictarum materierum, nimirum in spiritibus, humoribus, aut partibus solidis fuerit caliditas præter naturam accensa, & in facto esse. Quare non vult quòd pendeat ab aliqua causa primitiua.*

*in lib. de feb.  
diff. cap. 1.*

*Tum etiam quoniam si morbus ad sui constitutionem non requireret quòd homo, qui haberet manus ligatas, esset infirmus; siquidem sit sensibiliter impeditus in operationibus organicis ipsarum manuum, consequens tamen falsum, quamuis istud fuerit sibi concessum à quibusdam doctoribus, quorum nomen, dicit ipse, Deus à collegio doctorum totaliter exterminet. Et ideo concludit quòd aliud ad morbum requiritur, quàm quòd sit dispositio præter naturam sensibiliter ledens operationes corporis, & hoc quidem*

## DE MORBO

dem ut non sit dependens à causa primitiua. Quam limitationem ponit Thom. is propter febrem putridam, quæ non esset morbus, cum sit qualitas in membris continue dependens in fieri ab ipso humore; quia tamen non dependet à causa primitiua: quoniam sic esset passio, & non morbus; sed à causa antecedente, quæ non impedit quin sit morbus. ob id concedit aliquem affectum præter naturam esse morbum, quamuis pendeat à causa.

Sed sustinendo quod iam fuit determinatum, pro solutione rationum Thomæ scire oportet, quod morbus, qui ponitur pendere à causa pro sui conseruatione, est affectus iam factus, & permanens in corpore, neq; eget aliqua causa à qua pendeat pro sui permanentia: quoniam ex sui natura permanet, & eadem causa, quæ ipsum produxit, eum etiam conseruat: permanet tamen ab ea independens, quamuis hæc sit in corpore præsens, quæ si mirum sublata, nihilo secius permanet, quàm prius. Et hoc quidem generaliter dico de omni causa, tam primitiua, quàm antecedente. Quapropter satisfaciendo suis obiectis, dico quod febris, quæ genita fuit ab

fuit ab ira, postquam genita est, & obtinet rationem morbi, non pendet amplius ab ira quo ad essentiam; sed duntaxat quoad conseruationem. Quoadmodum etiam febris ex putredine humorum excitata non dependet amplius ab humorū putredine quantum ad sui essentiam & perfectionem; sed solummodo quantum ad conseruationem perfectionis iam adeptæ. Et ob id sequitur quod febris, quæ est morbus, est res permanens & subsistens in corpore independens à causa: quæ tamen conseruari potest ex præsentia causæ, cuius conseruatio erit pathos corporis febrientis. & ideo pro veritate definitionis morbi assignatæ à Galeno nulla erit opus conditione, aut limitatione, sed semper erit generaliter verum quod omnis affectus præter naturam, quamprimum læserit functiones corporis, erit morbus, vel sit causa præsens, vel non: quoniam satis est, quod sit quoad suam essentiam independens à causa, & veluti dicitur sit in facto esse & permanente, Et ita apparet veritas dictorum Galeni, &c.

Conseruatio  
morbi est pa-  
thos.

Ad id autem quod adducit Thomas tanquam quodam absurdum de homine habente manus liga-

homo habens  
manus ligatas  
de nominatur  
æger.

## DE MORBO

tas, videtur mihi necessario concedendum eum hominem egrotare; siquidem sibi conveniat definitio morbi: quoniam est sensibiliter lesus in operationibus manuum, egrotare morbo in positione, & colligantia: quoniam manus, quæ secundum naturam debent esse abiunctæ, sint insimul connexæ per ligaturam factam, perinde ac si à natura fuissent simul colligatæ, sola existente differentia quod si à natura & ab intrinseco facta fuisset ligatura eius, ligamentum connumeraretur inter res naturales: factæ vero ab extrinseco inter res extrinsecas. & ob id dicendum est quod ea ligatura est constitutio præter naturam ipsarum manuum, vel vicem gerit talis constitutionis, quæ primò ledit functiones corporis: quoniam ea ligatura non est causa efficiens, & primitiva, ut Thomas de Garbo existimat; sed est forma, vel subit rationem causæ formalis proximæ, & immediatæ constitutionis præter naturam manuum: quandoquidem causa efficiens primitiva fuerit ars, aut homo qui alterius manus colligavit. Sed reuertendo ad rationes Præceptoris, ad secundam rationem principalem, qua probat morbum qui est in fieri esse mor-

esse morbum, respondeo quòd Veritatem concludit de intemperie quæ iam facta est, & in corpore permanet, & non de ea quæ est in fieri: cuius quidem ratio est, prout etiam dicebam in confutatione eorum, quæ pro defensione suorum dictorum adducebat. Quoniam omnis constitutio præter naturam ledens functiones corporis est morbus; sed omnis intemperies, cuius pars iam facta est & permanet, est constitutio præter naturam ledens functiones corporis. Quare erit morbus. Ratio tenet à definitione ad definitum, & per oppositum: quoniam intemperies, quæ est in fieri & motu, non est constitutio corporis præter naturam ledens functiones corporis, ob id neq; erit morbus.

Sed contra hanc responfionem instat Preceptor, probando quòd intemperies etiam, quæ est in fieri & motu, sit constitutio præter naturam immediate ledens functiones corporis, & non solummodo ea quæ iam facta est, hac duplici ratione, quarum una est, quam in terminos ita reduxi. Omnis intemperies præter naturam, quæ sentitur ab ægrotante, est constitutio præter naturam immediate ledens operationes cor

## DE MORBO

poris; sed intemperies præter naturam, quæ est in fieri, sentitur ab egrotante: siquidem quæ iam facta est non sentiatur; Ut apparet de Hæctica, & auctore Galeno tandiu sentiamus, quandiu sumus in alteratione, ob id intemperies præter naturam quæ est in fieri erit constitutio præter naturam immediate ledens operationes corporis. Quapropter erit morbus. Quæ ratio est eadem cum septima ratione principali superius adducta.

in lib. de inæ-  
quali intem-  
perie cap. 6

Altera eius ratio est, quoniam ad intemperiem quæ est in fieri & motu sequuntur symptomata; siquidem scribat Galenus rigorem, dolorem, tremorē horripilationem, & alia id genus symptomata sequi ad intemperiem, quæ est in fieri: & quoniam symptomata non nisi ad morbum sequuntur, ob id intemperies quæ est in fieri erit morbus. Et fuit hæc ratio sexta in ordine ex superius adductis.

in lib. de inæ-  
quali intem-  
perie cap. 6.

Ad primam tamen respondendo, concedo quòd omnis intemperies præter naturam, quæ sentitur ab egrotante, est constitutio præter naturam primò ledens functiones corporis: quoniam nisi ad tantam magnitudinem peruenierit, ut vel à nobis cognosci, vel egrotan

agrotantis sensu percipi possit, nunquam iudicabitur esse morbus. Et quoniam omne quod sensu deprehendi potest, debet necessario subsistere, & esse in actu tale; siquidem sensus non nisi in id quod est actu ens feratur, ob id ea intemperies præter naturam erit in corpore actu subsistens. Et quum subdit quod intemperies præter naturam quæ est in fieri sentitur ab agrotante, dico quod si intelligatur de intemperie, quæ est simpliciter in fieri & generari, falsum est eius dictum: quoniam quod non est non potest sentiri. Si verò de ea quæ secundum quid dicitur esse in fieri, sic verum est: quoniam hæc intemperies, quæ hoc modo dicitur esse in fieri, secundum essentiam subsistit in corpore; sed dicitur esse in fieri, quoniam tendit ad suum complementum; siquidem nil possit augeri, & ad suum complementum peruenire, nisi prius extiterit secundum propriam essentiam. Quapropter morbus qui est in fieri, hoc est qui tendit ad suum complementum, erit res permanens, & subsistens in corpore secundum essentiam, & sic lædet functiones corporis, & non ratione qua dicitur esse in fieri. Et quod res ita se habeat, rationibus monstratur.



## DE MORBO

Morbū vt est  
in fieri non le-  
dere functio-  
nes corporis.

in lib. de in-  
quali intempe-  
rie cap. 6.

lib. 4. metaph.  
tex. 15.

*Primò quidem quoniam terminus ad quem mu-  
tationis non est neq; mutatio, neq; est in mutatione  
illius cuius dicitur terminus; sed functionis læsio est  
terminus ad quem mutationis constitutionis corporis  
præter naturam; siquidem auctore Galeno terminus  
mutationis cuiuscunq; particule sit functionis læsio.  
Quare hæc eadem functionis læsio non erit mutatio  
constitutionis præter naturam, neq; erit in mutatio-  
ne constitutionis præter naturam. Et ob id sequitur  
quòd constitutio præter naturam, quæ est in mutari  
& in fieri, non lædat functiones corporis.*

*Tum etiam quoniam terminus est eius quod in  
subiecto actu persistit; siquidem ex Aristotelis sen-  
tentia quod est in potentia sit indefinitum & inde-  
terminatum; sed functionum læsio est terminus ex  
dictis à Galeno. Quare hæc erit terminus eius quod  
actu in corpore persistit. Et quoniam ponitur termi-  
nus mutationis præter naturam constitutionis corpo-  
ris, ob id hæc constitutio corporis præter naturam  
erit actu in corpore subsistens. Quapropter constitu-  
tio præter naturam, vt est in fieri, non erit causa læsio-  
nis functionum corporis.*

*Amplius*


*Amplius illud, quod indicat constitutionem corporis esse iam mutatam & factam, non fit in tempore mutationis illius; sed lesio functionum indicat constitutionem corporis esse iam mutatam: quoniam est terminus mutationis illius, & signum quod sanitatis latitudo iam præterit, & suborta sit ea quæ est ægritudinis, prout etiam Galenus declaratum reliquit. Quare functionum lesio non fiet in tempore mutationis constitutionis corporis; sed cum iam facta est & mutata.*

in 2. de tempe-  
ram. cap. 4. in  
lib. art. med.  
cap. 8 & 1. de  
san. tuenda.

*Rursus omne quod est in motu, sumit denominationem à termino ad quem tendit, ex Aristotelis sententia; sed constitutio præter naturam, quæ est in fieri, est in motu. Quare sumet propriam denominationem à termino ad quem; sed terminus ad quem tendit est functionum lesio. Igitur ab hac functionum leſione propriam accipiet denominationem; est autem hæc ut denometur morbus. Idcirco constitutio, quæ iam peruenerit ad terminum motus, erit morbus, & impediens actiones corporis, & non quæ est in motu.*

lib. 5. physico-  
rum t. 4.

*Amplius actiones sunt eorum quæ existunt, ve-  
luti*



## DE MORBO

in prohemio  
metaphy.

*luti Aristoteli placet ; sed ledere functiones corporis est actio : quoniam est actio ipsius morbi , & constitutionis præter naturam . Quare ledere functiones corporis erit eius quod actu existit . Et quoniam ponitur quòd sit actio intemperiei , vel constitutionis præter naturam , ob id hæc actu in corpore existet , & hæc de prima ratione .*

Symptomatus  
quæ sunt mo-  
tus deprauati  
trifariam dicū-  
tur.

lib. 2 de symp.  
causis cap. 1.

*Ad secundam instantiam respondendo, dico quòd symptomata quæ sunt motus deprauati , qualia sunt horror , rigor , & tremor , quæ in ratione adducuntur , sunt , vt scribit Galenus , in triplici differentia , quedam sunt quæ ad morbum referuntur , aliqua ad naturam , & quedam alia ad vtrumq; . Quæ ad morbum referuntur eum necessario sequuntur , vt est affectus in corpore permanens , veluti conuulsio , & palpitatio , quæ neruorum tensionem , & malam corporis temperaturam consequuntur , quæ vero ad naturam referuntur , eam consequuntur vt est à causa morbi stimulata , sicut horror , & rigor , & alia id genus , quæ quoniam dependent à causa pun-  
gente , mordente , & continuum soluente , ob id dicuntur sequi affectum qui est in fieri , veluti solu-  
tionem*

tionem continui quæ est in fieri, vel intemperiem, quemadmodum etiam dolor eundem affectum in fieri sequitur, non tamen ob hoc dicendum est hunc affectum pendentem à causa, ut solutionem, aut intemperiem in fieri, esse morbum: siquidem Galenus non seiunxisset hæc symptomata ab illis, quæ sequuntur morbum: bene concedendum est eum esse parvos, & motum quendam inaequalem in corpore ab humore procedentem. Sed qua ratione verum sit generaliter, quod symptomata sequantur morbos, apparet ex Galeno, quum dixit. Symptomata quasi soboles à morbis originem trahunt, idq; vel plane à morbis, vel interuenientibus quibusdam symptomatis. Quapropter rigor, & horror, & alia id genus symptomata, quæ pendent à causa morbi, à causa quidem antecedente, ut ab humore sui quantitate, vel qualitate nocente, sequentur morbum: quoniam intercedente lesione functionis naturalis facultatis, nimirum attractricis, retentricis, alteratricis, aut expultricis, ducent originem ab affectu manente in corpore immutante actionem, vel actiones predictarum facultatum, quemadmodum ex dictis Galeni poterit

in lib. de sympt.  
pro. dif. cap. 6.  
& 7.  
Sympt. omnia  
sequi morbus  
permanentem  
& non qui est  
in fieri.

cc

cc

## DE MORBO

lib. 2. de febriū  
differen. cap.  
vltimo.

lib. 2. de causis  
sympt cap. 2.

lib. 2. ap. 10. co.  
aphor. 2...

quilibet facile deprehendere, dum causas circuituum in febribus recenset. Ceterum quod symptomata, quae simul ad naturam, & ad morbum referuntur, immediate sequantur morbum, apparet de tremore, qui simul ad utrumque refertur ex Galeni sententia, & primo sequitur vel intemperiem frigidam subsistentem, vel obstructionem alicuius meatus transitum virtutis impediens. Atque sic concludendum quod symptoma sequitur intemperiem, & morbum ut est permanens in corpore, & non ratione qua est in fieri; siquidem ratio superius adducta istius faciat fidem: quoniam omnis causa productiva alicuius effectus debet actu subsistere, alioquin non efficeret; & quia morbus est causa productiva suorum symptomatum, ob id debet in corpore subsistere. Non itaque ut est in fieri; sed ut est in facto esse erit causa suorum symptomatum.

Sed remanet instantia de dolore, qui cum sit symptoma, non videtur sequi affectum permanentem; sed eum qui est in fieri; siquidem sectio, vel ruptio dolorem inferat non posteaquam facta est; sed omnia huiusmodi dum fiunt inter dolorum causas repu-

*fas reputantur dicebat Galenus. Neq; potest quis con-  
fugere quòd remotè sequatur morbum; quoniam do-  
lor remotè sequitur causam soluentem continuum,  
quæ licet cum est intrinseca, possit esse affectus perma-  
nens, qualis est intemperies: tamen cum hæc ab ex-  
trinsèco venit, veluti est res contundens, pungens,  
incidens, vel alia huiusmodi, non poterit esse morbus,  
neq; dolor in aliquem morbum referri poterit, nisi  
concedatur affectum in fieri esse morbum.*

*Cui respondendo dico quòd dolor ex natura rei sem-  
per primò sequitur solutionem quæ est in fieri se-  
cundum veram Galeni opinionem ( quamvis non  
ignorem conciliatorem, & multos alios aliter senti-  
re ). hæc quidem unitatis solutio à causa ducit origi-  
nem, quæ corpus violenter, & affatim immutat  
vel calefaciendo, vel refrigerando, vel euidenter  
continuum soluendo: quæ enim calefaciunt, atq; re-  
frigerant primùm corpus alterant ad calidum, &  
frigidum, deinceps continuum soluunt: quoniam  
prima calidi, et frigidi operatio est corpus calefacere,  
ac refrigerare: secunda est particulas corporis abin-  
uicem separare, calidi quidem disgregando, funden-*

lib. 4. de simp-  
liciū med. fac.  
cap. 1. ad quem  
se remittit lib.  
12. de mor. cur.  
cap. 7.

## DE MORBO

do ac dissoluendo; frigidi verò contrahendo & condensando: nam utroq; modo particulae corporis ab invicem separantur, in quarum separatione suboritur dolor, & non cum separatae sunt. Et hoc modo liquet quòd dolor, ut est symptoma, refertur ad morbum: non primò tamen; sed intercedente unitatis solutione, quae est in fieri, ab intemperie inducta à re alterante; siquidem primò inducta sit intemperies calida, vel frigida, ad quam sequitur unitatis solutio, ex qua postea suboritur dolor: quoniam ea intemperies in corpore subsistens est morbus, ad què dolor refertur: ceterum si solutio continui pendeat à re euidenter solvente, veluti à re secante, incidente, contundente, rumpente & ab alijs id genus. Eodem etiam modo dolor inde nascens poterit in morbum referri: quoniam causa solutionis continui, quae est in fieri, licet sit extrinseca, & casualis: tamen, ut applicita est corpori, & eius unitatem soluit, supplet vicem alicuius affectus præter naturam consistentis in corpore, affectus nimirum in numero: quoniam est res superaddita corpori, quae non requiritur ad eius constitutionem, atq; inter eas connumerabitur

rabitur, quæ toto genere præter naturam sunt. Veluti  
 e. isis, qui hæret corpori, & ipsum vulnerat &  
 pungit, & quandiu hæret & vulnerat, morbum  
 in numero constituit, & solutionem facit, quæ do-  
 lorem parit. & sic vniuersaliter verificabitur,  
 quod dolor, & omne symptoma refertur in morbum  
 vel primò, vel alio intercedente.

Deueniendo ad tertiam rationem principalem:  
 quoniã Præceptor in prima sua defensione tres alias  
 rationes adducit idem confirmantes, quæ consimili  
 responsione possunt solui. ob id, ne tempus frustra la-  
 batur, eas adducam prius, & soluam.

Prima est. Quod per ablationem causæ aufertur,  
 dicitur & est morbus; id quod est in fieri, est id  
 quod per ablationem causæ aufertur. Igitur id quod  
 est in fieri, est morbus.

Secunda est. Id quod per ablationem causæ au-  
 fertur, est id quod est in fieri; morbus propriè &  
 verè est id quod per ablationem causæ aufertur. Igi-  
 tur morbus propriè & verè est id quod est in fieri.

Tertia est. Id cuius dicitur, & est causa, est in  
 fieri; morbus est id cuius dicitur & est causa. Igi-  
 tur mor-



## DE MORBO.

*cur morbus est id quod est in fieri.*

Respondendo ad rationem principalem, Dico quòd falsa est ea assumpta propositio, quòd id cuius est causa, sit Verè morbus. Ad probationem dico concedendo quòd illud quod Medicus principaliter considerat in curatione morbi est morbusmet; Sed nego postea quòd id cuius est causa medicus principaliter consideret: quoniam Medicus principaliter considerat ægritudinem factam, quam remouere intendit, cuius non est causa. Et quoniam eam remouere non potest, nisi prius causam auferat, per cuius ablationem prohibet ne fiat quod erat in fieri, ob id etiam considerat causam, & id cuius est causa, Ut ab ea sumit indicationem præseruatiuam solummodo, & non curatiuam, Ut ex Galeno liquet in locis supra citatis.

lib. 4. de mor.  
cur. cap. 3. &  
alibi vbi sup.

Sed contra inquit Præceptor: quoniam dicimus causam morbi, & cum non sit nisi fientis. Igitur fientis morbus erit Verè morbus.

Addo in confirmationem sui dicti. Quoniam omnes de Medicina benemeriti pertractant de causis morborum, & morborum quidem qui Verè morbi sunt

bi sunt, Et quoniam causæ sunt solummodo eorum morborum, qui sunt in fieri, ob id sequitur quod hi morbi, ut sunt in fieri, erunt vere morbi.

Secundo instat falsum esse quod à causa solummodo sumatur indicatio de præcustodia: quoniam ex Galeno remotio causæ est curatio, & præservatio, & alibi curatio post effectricis causæ cognitionem statim se exhibet. Igitur remotio causæ facit ad curationem.

lib. 4. de mor.  
cur. cap. 3.

Ad primum respondeo quod causa morbi bifariam considerari potest, vno modo in relatione ad finem intentum, qui est destruere functiones, & substantiam corporis per præsentiam affectus præternaturam, qui est morbus: Secundo modo in comparisonem ad eius actionem, quæ est generatio & productio illius affectus præternaturam. Primo modo accepta est causa veri & propriè dicti morbi; sed non secundo modo: quoniam sicut actio & generatio rei non est ea res cuius est actio & generatio; sed est via in eam, ut in finem per se intentum, & via in formam, & in finem est alia à fine, sic etiam causa hoc secundo modo accepta non erit causa veri morbi; sed

Causa morbi  
bifariam acci-  
pitur.  
Morbus que-  
modo dicatur  
habere causa.

## F I E N T E.

bi; sed efficientiæ & generationis, quæ est via in verum morbum, vel est causa morbi secundum fieri & generari, qui morbus non meretur nomen veri morbi nisi post completam eius causæ efficientis actionem. & ob id sequitur quod in toto eo tempore, in quo causa morbum efficit, nullus erit adhuc verus & perfectus morbus; sed imperfectus & diminutus, ut scienti patet. Et ex his respondetur ad rationem, quod cum dicimus causam morbi, si accipiaturs causa in ordine ad effectum, quem producere intendit, sic dicimus, & intelligunt omnes causam morbi esse causam veri morbi sub ratione finis intenti; sed si accipiaturs ea ratione qua efficit, sic abusive diciturs causa morbi: quoniã est causa generationis & productionis illius. In qua significatione accipit Præceptor suam propositionem, quod id cuius est causa, dicatur morbus, volens omnino morbum hoc modo pendentem à causa esse verum morbum, quod falsum est, & alienum à veritate.

causa refertur  
ad causatum  
quod est in fieri.

In hac eadem significatione conceditur quod causa referturs ad suum causatum quod est in fieri, & non ad id quod est in esse completo, nisi forte sub ratione finis:

tione finis: quoniam posita causa ponitur causatum quod est in fieri, & remota remouetur idem causatum; sed non id quod est in facto esse.

Sed contra hoc aduersarius obijceret: quoniam causa realis debet habere effectum realem: sed causa morbi est realis. quapropter etiam morbus debet esse effectus realis; sed ut est in fieri non est realis: quia non existit adhuc; sed bene ut factus est & permanens. Quare causa realis dicetur causa morbi facti & permanentis.

Cui dico, quod eo modo quo causa est realis, sic etiam morbus debet esse realis & quoniam causa est realis, quoniam est in continuo motu & actione; siquidem causa non dicatur causa, nisi quia efficit et mutat & quadiu efficit & mutat, tandiu causa dicatur, sic etiam morbus, ad quem causa habet relationem erit effectus realis ut est in continuo motu, hoc est in continua alteratione, siue in continuo fieri. Et sic verificabitur quod causa morbi dicitur causa morbi fientis; sed non veri morbi, nisi habita ratione finis intenti ab ea causa efficiente, sicut causa generans animal generat quidem verum & perfectum ani-

Causa realis  
quo dicatur  
habere effectum  
realem.

## DE MORBO

mal sub ratione finis: non tamen quandiu generat erit perfectum animal: sed erit in via. quare. &c.

Et sic apparet quid sit. dicendum ad instantiam Præceptoris, necnon ad confirmationem: quoniam qui sunt de medicina benemeriti, pertractant de causis verorum morborum, qui ab eisdem causis per se intenduntur: qui postquam effecti sunt, desinit motus earum: quoniam, habito fine, cessat omnis motus efficientis, sicut etiam de causis conseruantibus, que quoquo modo efficientes esse dicuntur, per tractarunt, ut harum finis est conseruare affectus iam in corpore permanentes.

Ad alteram instantiam ex supra dictis est euidentis responsio: quoniam falsum est quod remotio cause sit curatio, & præseruatio, accipiendo nomen curationis, ut est operatio per se secundum rem & rationem distinctam à præseruatione. Neque verum est quod Galenus istud dixerit alicubi. Et ideo Præceptor, bona eius venia, falso vel intelligit, vel citat Galenum. Quod si dixerit, curationem post effectricis cause cognitionem statim se exhibere, verum utique dixit: quoniam præceptum suum est, quod  
Metho-

*Methodus curatiua morborum pendentium à causa est, vt primum remoueaturs causa, per cuius remotionem inhibetur ne fiat quod erat in fieri: quæ remotio propriè prouidentia, vel præcustodia, aut præuisio vocatur; qua sublata oportet deinde quòd factum est remouere, cuius remotio dicitur propriè curatio. Adeo quòd secundum Galeni sententiam principium curationis horum morborum est remotio cause; non tamen hæc est curatio; sed ordinatur in curationem, & proinde separatur ab ea.*

lib. 4. metho.  
cap. 4. & alibi  
vt supra.

*Altera ratio Præceptoris adnexa tertie rationi principali tollitur, negando quòd illud quod per ablationem cause aufertur, dicatur & sit morbus: quoniam si ita esset, nõ dixisset Galenus prius abscindendam esse causam, & postea ægritudinem factam.*

in ar. med.  
cap. 89.

*Sed contra instat Preceptor, quoniam posita causa ponitur effectus, & remota remouetur. Igitur posita causa morbi ponetur morbus, & remota remouebitur. Igitur quòd per ablationem cause aufertur erit morbus.*

*Respondeo vt prius dixi, quòd posita causa ponitur fieri & generari illius rei, cuius dicitur causa; sed nõ*

## DE MORBO

ponitur ea res simpliciter in esse permanente, sed in motu & esse successiuo; quoniam hoc modo causa habet relationem ad suum causatum, & sic posita causa morbi ponitur morbus in fieri & motu; & remota remouetur pariter morbus, qui est in fieri & motu, qui non est aliud quàm pathos. & non qui est in esse permanente, nisi interdum ex accidenti, ut supra dixi, cum videlicet affectus præter naturam leuiter inhæserit corpori. Sed non licet inferre. Igitur morbus, qui est in fieri, est verè & propriè morbus: quoniam ut est in fieri & motu, debet dici pathos, & non morbus.

Ad secundam rationem eidem adnexam dico falsum esse, quòd morbus verè et propriè sit id, quod per ablationem causæ aufertur. Vel saltem dubium est, & petens id quod est in principio, nempe morbum ut est in motu esse uerè morbum.

Sed contra instat Præceptor, quoniam omnes fatentur morbum habere causam. Igitur ille erit verè morbus, qui per positionem suæ causæ ponitur, & per eius ablationem aufertur. Si igitur causa non potest esse morbi facti, quum per eius remotionem nō

remoue

remoueat. Erit igitur fientis in eo quod fiens est, aliter causa non diceretur causa morbi.

Apparet ex iam dictis quid sit respondendum: quoniam omnes fatentur morbum verum & proprium habere causam suae generationis, & non suae permanentiae: quoniam causa efficiens intendens verum morbum producere, incipit ipsum efficere, & quandiu efficit, tandiu morbus est in via ad suam perfectionem, ad quam tendit. Quare in toto isto tempore morbus non est verè morbus; sed est in via ad perfectionem, & posita ea causa, non ponitur nisi eius actio, quae est generatio & productio morbi, & remota consimili modo remouetur actio, quae est generatio morbi ut est in motu; sed quicquid factum est de morbo non tollitur per ablationem causae: quoniam ex se permanet independens à causa.

Tertia etiam ratio eidem annexa habet illud falsum, quod morbus sit id cuius dicitur, & est causa. Sed contra instat: quoniam dictum est ex Galeno, quod prius oportet abscindere causam morbi. Erit igitur id, cuius est causa, verè morbus. Et cum non sit causa nisi fientis. Igitur fiens ut fiens erit verè mor-

bis



## DE MORBO

*bus, aliter morbus non haberet causam.*

*Apparet etiam ex dictis solutio ad hanc instantiam: quoniam dictum est morbum habere causam suæ generationis, quam præcipit Galenus abscindendam esse, postea siquid permanens fuerit in corpore, pariter abscindendum esse iubet. Et sic stat falsitas illius propositionis dictæ: quoniam morbus non habet nisi causam suæ generationis, & ideo ut est in fieri & motu, non poterit dici verè morbus, sicut nulla res quæ est in motu potest dici verè talis, ut ad eum motum pertinet.*

*Deueniendo ad quartam rationem principalem, dico concedendo quòd omnis res similis protinus ab initio suæ generationis propriam obtinet naturam & essentiam: quoniam quod partes non habet, neq; figurationem ullam ex postulat, breuissimo quodam temporis spacio, vel etiam propemodum in instanti generationem sortitur; sed res similis partes non habet, neq; ullam figurationem. Quare breuissimo temporis spacio, aut prorsus in instanti generationem obtinebit, atq; sic propriam naturam & essentiam, ut Galenus scriptum reliquit. Verum est etiam, quòd*

*in lib. de generalibus morborum temporibus cap. 1. & 2*

*mor*

*morbis est res similis, & protinus ab initio propriam obtinet essentiam, & hoc quidem vel secundum rei naturam, cum videlicet adeo exiguus est, ut neq; à medico cognosci, neq; laborantium sensu percipi possit; siquidem tunc etiam morbus sit secundum rei veritatem: quoniam ex natura rei quamprimum homo remouetur à commodatione & à sanitate, statim cadit in incommodationem & morbum, & nihil intercidit: & etiam secundum iudicium sensus; siquidem quamprimum homo sensibiliter leditur in consuetis operationibus, iudicetur Aeger; non tamen verum est, quod quamprimum morbus sensibiliter leserit operationes, totam suam perfectionem & essentiam non obtineat: sed in processu eam magis acquirat. Et quod adducitur de animali, quod ab initio sui ortus totam essentiam animalis obtinet; in processu tamen pro suis munijs obeundis in dies maiorem perfectionem acquirat, & est semper animal toto eo tempore, quo augetur. Quare etiā morbus, licet maiorem perfectionem acquirat, semper tamen erit morbus toto eo tempore, quo eam perfectionem acquirat.*

*Respon*

## DE MORBO

Perfectio duplex.

Respondeo quòd perfectio est duplex, una essentialis, altera accidentalis. Perfectio essentialis est finis generationis rei, estq; forma et essentia illius, cuius dicitur perfectio, per quam res habet proprium esse, & existit. Accidentalìs autem est finis auctioris & magnitudinis rei ad perfectionem operationum illi convenientium, per quā res habet bene esse. Loquendo itaq; de prima perfectione, concedendum est hanc protinus ab initio generationis rei totam acquiri; sed de altera non nisi in processu: quoniam hæc non terminat essentiam rei; sed quantitatem & intensiorem. Quapropter per primā perfectionē animal est animal & morbus est morbus, non per secundā. Et ob id sequitur quòd morbus est morbus, eo quia est res permanens per essentialē suā perfectionē iam acquisitam, sicut etiam de animali dicendum est. Nec obijciat mihi aliquis quòd in his quæ sunt præter naturam, veluti in morbis dixerim, perfectionē inueniri: quoniam, ex Aristotelis sententia, licet interdum perfectionis nomen ad mala trasferre. ad quem modum dicere solemus aliquem esse perfectum calumniatorem, quòd nihil ille deficiat eorum, quæ bono calumnia-

Perfectio i his  
quæ sunt præter  
naturā quo  
modo reperiatur.  
lib. 5. metha.  
phy. 1. 11.

lumiatori inesse debent. Ideoq; morbum perfectum esse dicimus cū ad eam intensiōem et vehementiam peruenierit vt nihil naturæ suæ deficiat pro destructione substantiæ corporis.

Sed contra instaret aduersarius: quoniā morbus cum augetur est morbus per id quod acquisitum est, hoc est per essentialē perfectionem iam acquisitam. quare cum erit in motu, & in augmento, erit etiam morbus.

Dico concedendo quòd morbus cum augetur & intenditur est morbus: quoniam perfectio accidentalis præsupponit perfectionem essentialē: quoniam nullum accidens potest aduenire nisi enti permanenti & actu existenti, vt accidens accidenti accidere potest. si itaq; morbus augetur vel intenditur, necessario præexistit in corpore. & sic concedo quòd morbus cum est in motu auctiōis, est morbus, & res permanens in corpore propter essentialē perfectionem iam adeptam. Non tamen quòd morbus, qui est fiens & in motu, vt fiens est quoddam tertium distinctū ab eo quod est iam factum & permanens, & ab eo quod est in fieri, sit verè morbus, vt vult Prece-

## DE MORBO.

ptor, sicut non est possibile quòd illud quod est acci-  
dentale, efficiatur essenziale. Et ideo considerando  
morbum ut est in motu auctoris, & ut distingui-  
tur à semetipso ut permanens est, & ab eo quod est  
in fieri de ipso, nunquam poterit Præceptor, nec ali-  
quis alter concedere morbum hoc modo considera-  
tum esse verè morbum. Sed bene erit verè morbus,  
si consideretur ut habet partem factam & perma-  
nentem, & eam perfectionem essenziale, per quam  
est ledens functiones corporis: quoniam omne quòd  
habet partem factam, & partem futuram fieri,  
non est actu tale nisi per partem factam; sed mor-  
bus pendens à causa habet partem factam, & par-  
tem futuram fieri. Quare morbus pendens à causa  
non erit actu talis, nec verè morbus nisi per partem  
factam.

Sed dicit præceptor falsissimum esse quòd omne quod  
habet partem futuram fieri, non possit dici esse actu  
tale nisi per partem factam: quoniam quod est in  
motu & successione, dicitur esse tale per successio-  
nem & motum: dicimus enim tempus esse in actu,  
& si nulla sit eius pars facta, sicuti & dolorem, &  
actionem

actionem, quæ dum fiunt sunt, & dum non fiunt nō sunt: sed tamen sunt in actu successiuo. Sic dicendū de morbo fiente ultra factum futurum fieri habere esse successiuum, à quo non parua sumitur indicatio.

Sed credo Præceptorem multo magis à Veritate recedere, quàm ego recedam in mea ratione adducta: quoniam concedunt omnes Peripatetici entia esse in duplici discrimine, quædā permanentia, & alia successiua, & Permanentia ea dici, quæ habent completum esse extra animam citra omnem dependentiam ab alio, esseq; entia quæ digito monstrari possunt. Successiua verò nullum verum esse extra animam habere; sed omne eorum esse completum. & Verum pendet ab anima. Quæ in duplici etiā ponuntur discrimine; alia esse simpliciter successiua, veluti tempus, & omnis motus, quæ entia non sunt. nisi cum sunt, & cum non sunt non sunt, & nullum perfectum esse habent extra animam, sed omne eorum esse pendet ab anima; alia esse successiua secundum quid, quæ possunt etiā dici secundum quid permanentia, & sunt entia; quæ ex sui natura permanen-

Entia vel permanentia vel successiua.

Permanentia.

Successiua.

Entia successiua vel simpliciter vel secundum quid

## DE MORBO

ria sunt: tamen quia sunt in fieri & motu, ob id dicuntur esse successiva: quia sunt in motu & esse successivo. Et hæc entia cum sunt in motu, & habent aliquid sui factum, dicuntur habere propriam naturam merito eius quod factum est: quoniam ex sui natura sunt permanentia; quia tamen sunt in motu, dicuntur esse successiva, vel existere in esse successivo. De quorum entium numero existit morbus fiens: qui cum sit ex sui natura de numero constantium & permanentium, si aliquid illius fuerit factum, utiq; totam & propriam eius essentiam habebit ex parte eius quod factum & permanens fuerit. Veluti gratia sermonis, si caliditas sit de numero permanentium, & sit in fieri & motu, & eius aliquid sit factum, utiq; hæc caliditas iam inducta totam essentiam & naturam caliditatis obtinebit; ut autem est in motu & successione nequaquam: quoniam cum ex sui natura sit ens permanens & in esse permanenti suam obtineat essentiam, sicut reliqua permanentia, non poterit unquam ratione eius quod est in fieri eam obtinere. Quoniam quod alicui inest sub una dispositione, nunquam it-

lud idem

lud idem poterit eidem inesse sub alia dispositione ; sed natura entis permanentis, veluti caliditatis, inest ipsi caliditati sub esse permanente & facto : & ideo eadem natura non poterit eidem caliditati inesse sub esse successiuo.

Et ex his apparet, quod verissima est & non falsissima mea propositio, quod omne quod habet partem factam, & partem futuram fieri, non potest dici esse actu tale nisi per partem factam. Et quod est in motu, et successione, si fuerit de numero permanentium non potest dici esse actu tale per ipsam successionem & motum ; sed solummodo per partem factam. Et quod entia successiua simpliciter, sicut tempus & motus, nullum verum esse dicuntur habere extra animam, vt credit Præceptor. Et sic sequitur quod morbus fiens habens partem factam, & partem quæ est in fieri & motu, non est vere morbus nisi per partem factam ; per esse verò successiuum, hoc est per partem quæ est in fieri, nihil essenziale acquirit morbus ; sed solummodo accidentale, vt dictum est prius.

Præter hoc etiam quod hallucinatur Præceptor,  
cum exi-



## DE MORBO

cum existimat in morbo fiente prater factum & futurum fieri dari successuum distinctum à futuro fieri ipsius ; quandoquidem quod est in potentia coniuncta actui est in fieri & successione , & quod est futurum fieri de fiente est in potentia coniuncta actui. Quapropter quod est futurum fieri de fiente erit in fieri & successione, et ob id futurum fieri de fiente, & esse in successione erunt idē , de quo etiam fuit prius dictum.

Ad quintam rationem , quam vult Preceptor esse adamantinam, facilis est responsio, si dicamus bifariam posse intelligi Morbum qui est in fieri habere tempora nempe vel de morbo qui est simpliciter in fieri , quo intellectu falsum est eum habere tempora : quoniam quod non est non potest subijci temporibus ; at morbus simpliciter fiens non existit. quare neque temporibus, neque ulli motui aut accidente poterit subijci , ut accidens accidenti intelligitur subijci , vel de eo qui est secundum quid in fieri , qui per partem iam factam & productam in esse dicitur affectus permanens , de quo quidem verificatur quod habet tempora. at non per se primo & secundum intrinsecam rationem mor -

nem morbi; sed ex accidenti & secundario, ut videlicet à causa efficiente dependet: quoniam morborum tempora per se sunt motiones causæ efficientis, morborum tempora sunt per se motiones causæ morbificæ, & quoniam quatuor sunt motionum differentie. Ob id quatuor etiam dicuntur esse morborum tempora. Vbi enim motio quædam, quæ prius non erat nobis in esse, incipit, atq; ita diuexat, ut sensibiliber homo in suis functionibus sit impeditus, Initium morbi dicimus esse; si ulterius motio procedat, crementum; si crementum consistat summus morbi impetus, cum motio imbecillior redditur atq; decrescit, remissio nominatur, veluti Galenus adnotauit. Ex accidenti tamen dicuntur esse motiones morborum: quoniam non horum essentiam, sed materiam in qua consistunt consequuntur, dum hæc motioni causæ efficientis subijcitur, quæ quoniam ex accidenti variat essentiam morbi, siquidem ex varia mutatione materiæ, contingat constitutionem corporis magis aut minus præter naturam affici, & eiusdem functiones etiam variè ledi, ob id etiam nō nisi ex accidenti illæ motiones inerunt ipsi morbo, de

in lib. de qua-  
tuor tempori-  
bus morb.in.1

## DE MORBO

luti manifestum est si ad animal transferatur sermo ex Galeni sententia : quoniam quamprimum Animal obtinet propriam naturam , statim subijcitur auctiori , statui , & diminutioni ; quæ sunt illi mutationes accidentales per se consequentes & variante , materiam , sed non formam ; siquidem ex necessitate materiae hæ , & similes aliæ mutationes eueniant.

Quid sit respondendum ad sextam , quam etiam Præceptor existimat esse adamantinam , euident est exijs , quæ prius dicta fuere pro responsione ad secundam rationem principalem , in remouendo secundam instantiam contra eandem factam . Quapropter eò recurrendum est

Pro responsione ad septimam & ultimam rationem negandum est quòd morbus , qui est in fieri & motu , sit affectus præter naturam ledens functiones corporis , accipiendo hunc morbum pro parte quæ est in fieri , & non pro parte facta & permanente : quoniã si hoc modo acciperet vt esset verè morbus , veluti pluries dictum fuit ; sed illo modo non , quemadmodum intelligit Præceptor morbum fientem , vt fient est

est, seclusa parte facta, esse verè morbum, & esse affectum præter naturam ledentem functiones corporis, & non rectè quidem: quoniam affectus positus in definitione morbi est mutatio stabilis, siue res constans & permanens per mutationem præter naturam acquisita; sed morbus qui est in fieri & motu non est talis affectus constans & permanens, quæadmodum Præceptor etiam concedit. Quapropter non erit verè morbus. Sed contra hoc instat: quoniam affectus non solum denotat nobis id quod permanens est, & à causa independens; sed etiam id quod à causa dependet ex Galeno in hunc modum scribente. Non solum putare oportet huiusmodi humorem esse causam doloris; verum partem quoq; in qua continebatur, illo tempore affectam, quo ob humoris præsentiam dolore cruciabatur. Tum ex Cicerone, qui affectionem diffiniens, dixit quòd est animi, & corporis ex tempore aliqua de causa mutatio, ut sunt gaudium, letitia, misericordia, cupiditas, mætus, molestia, & alia quæ modò affectus, modò perurbationes dicuntur à latinis. Affectus itaq; poterit verè de morbo à causa dependente dici: quod à multis negatur.

libr.1. de loc.  
aff. cap.2.

“

“

“

“

Affectus quid  
ex Cicer. sentia

## DE MORBO

Respondeo ad primam instantiam, quòd Galenus ibidem accepit nomen affectus in propria significatione, ut idem est quod pathos dependens à causa: in qua significatione partes affici dicimus, cum motum substinent præter naturam; sed in hac significatione non accipitur in definitione morbi, sed quatenus alterationem, aut mutationem permanentem significat, postquam alterans, aut mouens causa ab omni mutatione quieuerit.

Sed contra inquit Præceptor: quoniam hæc merè voluntaria potius videntur, quàm ratione, vel auctoritate dicta, propterea quòd cum morbus in fieri sit affectus, propriè sequitur quòd sit morbus.

Sed an mea dicta voluntaria sint, vel ratione, & auctoritate corroborata, potest quicumq; facile deprehendere ex ijs, quæ habentur in quæstione Præceptoris impressa, & an loca citauerim, ex quibus excerpti omnia per me adducta, quæ etiam supra in hac mea quæstione adduxi, cum definitionem morbi explicarem. Deprehendet quoq; affectum propriè acceptum non poni in definitione morbi, & morbum in fieri seiunctum à parte facta non esse morbum, ut pluries dictum fuit. Sed

*Sed ad alteram instantiam accedamus, & licet præter institutum medici esse videatur, velle Ciceronem Eloquentiæ patrem ut aduocatum querere in hac quæstione, nihilominus ut ostendam Præceptum etiam non habere ex eius dictis quod ipse credit, dicam quid sentit Cicero.*

*Voluit nimirum affectionem esse animi & corporis ex tpore aliqua de causa cõmutationem, & cum morbus sit affectio, sequitur ex Ciceronis sententia morbum esse huiuscemodi mutationem, quæ à causa dependet. Quod sanè concedendum est: quoniam morbus pendens à causa non est verè morbus; sed est pathos: pathos autem est mutatio & alteratio. quare etiam morbus taliter acceptus erit mutatio. Diffiniuitq; Cicero affectionem propriè acceptam; quæ tamen à Galeno non accipitur in ratione morbi: quoniam hæc est res permanens; quam verò definiuit Cicero est res successiua. Veruntamen si vellemus etiam Ciceronem intelligere in suis verbis de affectione pro re permanente, sensus suorum verborum erit talis, quod affectio est animi & corporis ex tempore aliqua de causa cõmutatio, hoc est sequens ad cõmutato*

*lib.1. de inuentione reth. cap. de confirmat. & lib.2. eiusdē in calce.*

*Morbum añi esse affectum permanentem ex Cicer. finis*

## DE MORBO

intemperantia  
quid.  
lib. 4. Thuse.  
q. post princ.

nem factam, siquidem facta mutatione præter naturam in corpore suboriatur affectio, quæ est morbus corporis, & est res permanens, sicut etiam facta mutatione animi præter naturam, hoc est facta à tota mente, & à recta ratione defectione: quæ non est aliud quàm intemperantia, nascatur perturbatio, & morbus animi. Sicut euidenter voluit Cicero, qui postquam declarauit intemperantiam esse fontem et causam omnium perturbationum, quibusdam interpositis subdit. Intelligatur igitur perturbationem iactantibus se opinionibus inconstanter & turbide in motu esse semper: quum autem hic feruor concitatioq; animi inueterauerit, & tanquam in Venis, medullisq; insederit, tum existit & morbus & agrotatio. Hæc Cicero. Ex quibus verbis habetur perturbationem non esse morbum; sed pathos, veluti etiam antea dixerat, & affectum qui est in fieri, & à causa dependens, non esse morbum; sed sonummodo cum inueterauerit, & corpori insederit: cuius oppositum credit Præceptor ex Ciceronis sententia.

Sed instat primò: quoniam Cicero concedit morbum pendentem à causa, esse affectum; quod sanè  
Præceptor

*Præceptor intendat habere ex Cicerone, ut ex dictis apparet. igitur & c.*

*Secundo quoniam chymericum est, & voluntarium dicere quod affectio est mutatio, hoc est sequitur ad mutationem. Quod clarissimè habetur ex Galeno asserente mutationem animi, dum est in fieri, esse affectum, & non solum cum facta est perturbatio. & cum ex Galeno istud habeatur (inquit Præceptor) cui fides maior adhibenda est in hoc, quàm Ciceroni? nō est ut de Cicerone longus habeatur sermo.*

in lib. de affe.  
animi agnitio  
ne & curatioe

*Sed ex ante dictis tollitur prima instantia: quoniam conceditur morbum pendentem à causa esse affectum in ea significatione, & etiam pathos; sed non ut rem permanentem significat, quo modo definitur morbus à Galeno, quod est affectus præter naturam. Et ob id nihil habet Præceptor: quoniam sicut constanter negatur morbum pendentem à causa, seclusa eius parte facta, esse verè morbum, sic etiam constanter negatur affectum diffinientem morbum non esse mutationem permanentem.*

*Secunda etiam tollitur: quoniam quemadmodum Aristoteles dixit generationem esse formam, hoc est ad ge-*

lib. 2. physico  
2. 14.



## DE MORBO

*ad generationem sequi formam, sic etiam in simili potest intelligi, quod affectio est mutatio, hoc est ad mutationem subsequitur affectio. Quapropter, si quod dixi chymericum est, etiam dictum Aristotelis erit chymericum.*

*Et quod citat ex Galeno, concedo Galenum in ea significatione accipere nomen affectus aliquando, ut semper concessi; siquidem dixerim apud Galenum varie accipi nomen affectus: non tamen concedo Galenum dissentire à Cicerone, & non velle morbum animi esse affectum permanentem. Quod sanè clarissimè voluit, quum de mente Platonis in Sophy sta declaravit quid sit sanitas animi, & quid morbus, & dixit sanitatem & morbum animi similitudinem habere cum sanitate & morbo corporis: quoniam ut istius sanitas est æquabilitas & symmetria calidi, frigidi, sicci, & humidii, & morbus ametria & inequabilitas eorundem, sic etiam sanitas animi est æquabilitas simplicium partium animæ, ex quibus integratur, & morbus est discrepantia & dissensio, siue, dicit Galenus, discordia, ac seditio earundem partium animæ*

lib. v. de Hip.  
& Plat. decre.

*anima. Quocirca sicut sanitas & morbus corporis sunt affectus permanentes, sic etiam de animi sanitate & morbo dicendum est; siquidem æqualitas, aut inæqualitas plurium rerum insimul sit res stabilis & permanens. Ad quod fortè animaduertens Præceptor, & videns Ciceronem id velle, quod dixi ex verbis citatis, eum deserit, quem prius pro aduocato accersierat, & Galeno vult adherere, ac si aliter sentiat.*

*Falsa est itaq; ea propositio rationis principalis ad ductæ, quòd morbus qui est in fieri & motu sit affectus præter naturam, qui diffinit morbum. Sed hanc probat Præceptor: quoniam lesio sensibilis non accidit sine alteratione, quoniam tandiu sentimus, quandiu sumus in alteratione ex Galeno. Igitur morbus fiens erit affectus ledens functiones corporis. Que pro batio potest taliter reduci ad formam syllogisticam. Omnis affectus sensibiliter ledens est cum alteratione & motu; Morbus est affectus sensibiliter ledens. Igitur morbus erit cum alteratione & motu. Et quoniam morbus qui est in alteratione & motu est fiens. Igitur hic morbus fiens erit affectus præter naturam*  
*Ledens*

*in lib. de inæ  
quali intempe  
rie cap. 6.*

## DE MORBO

*Ledens operationes, & sic erit verè morbus.*

Morbus quo  
dicatur esse in  
motu.

*Cui respondendo dico, quòd verum est quòd omnis affectus sensibiliter ledens est cum alteratione & motu subiecti & corporis, in quo ille fundatur; sed non quòd sit cum alteratione sui: quoniam ille affectus non est in alterari & in fieri; sed est iam factus vel simpliciter, vt hectica; vel secundum quid, vt affectus pendens à causa, & est alteratio iam quiescens, & permanens in corpore. Et hoc modo etiam conceditur quòd morbus est cum alteratione & motu: quoniam si debet ledere functiones corporis, & producere reliqua sua symptomata, est necessarium vt alteret & mutet corpus. Et quoniam non potest alterare corpus, nisi in eo permaneat & consistat, ob id debet morbus subsistere in corpore, & debet etiam esse in motu actiuo, & non passiuo.*

lib.1. de loc.  
affec.

*Confirmabatur testimonio Aristotelis in problematibus quòd morbus est in motu, & sanitas in quiete, & testimonio Galeni quòd morbus est motus præter naturam.*

*Ad quam confirmationem dicendum est ad Aristotelem & Galenum simul, quòd si morbus consideretur*

consideretur *ut est in fieri secundum quid*, sic dicendum est ipsum esse motum, hoc est esse rem, quæ per motum acquiritur; siquidem causa morbi continuo alterans & immutans corpus deducat ad actum quod erat in potentia fieri, & efficiat morbum. Et sic verificabitur quod morbus est motus, hoc est, est res per motum acquisita; sed si consideretur *ut est in facto esse*, tunc dico illud verificari, quod morbus est motus, hoc est, est efficiens motum & alterationem: quoniam cum morbus alteret & immutet corpus in quo est, adeo quod hectica etiam depascit & alterat corpus eam habens, neque sit ulla differentia, nisi accidentalis, quod unus morbus magis, aut minus altero immutet; & omne alterans & immutans sit causa efficiens motum & alterationem, utique morbus erit motus, hoc est, erit causans & efficiens motum: quoniam est causa alterationis corporis, & omnium suorum symptomatum; &, prout dictum est, est in motu activo, & non passivo. Et qualitercunque consideretur semper sequitur quod sit consistens in corpore: quoniam cum est in fieri secundum quid, habet partem factam per motum acquisitam. Et cū

Morbus quomodo dicatur esse motum prout naturam

## DE MORBO.

*est in facto esse, est alterans corpus. Igitur omni modo morbus erit permanens in corpore.*

*Sed instat Præceptor cōtra Vtrumq; intellectum. Et contra primum quidem: quoniam, dato eo intellectu, sequeretur Aristotelem, & eius expositores delirasse: quoniam ad eum sequeretur, quòd si morbus est motus, idest est res per motum acquisita, quòd motus esset quies, quod est absurdum.*

*Sequeretur etiam quòd sanitas esset motus, & non quies, ut dicit Aristoteles: quoniam sanitas est res, quæ etiam per motum acquiritur & alterationem, sicut morbus.*

*Præterea sequeretur etiam quòd sanitas efficeret sanitatem, sicut morbus morbum: quoniam cum Aristoteles quærat cur à nonnullis morbis agrotant qui appropinquant; à sanitate verò nemo sanetur. Et respondendo dicunt, quia morbus motio est; sanitas autem quies, ut velit esse aliquem morbum contagiosum, qui inficiat qui appropinquant; quoniam sit in motu, & alteratione. Sequitur quòd si morbus est motus, hoc est res acquisita per motum, & sanitas etià hoc modo sit motus, quòd sicut morbus morbum causat,*

ut innuit

*Vt innuit Aristoteles, sic etiam sanitas sanitatem causabit, quod absurdum est.*

*Contra secundum intellectum sic instat: quoniam Aristoteles ibi non de causa; sed de morbo, & non ut morbus ipse persistit, & est in facto esse; sed ut est in fieri & motu loquitur.*

*Præterea dicere quod Aristoteles accipiat morbum pro causa, est maxime à veritate alienum: quoniam nullus est, qui asserat causam ledere operationem, cū id sit munus morbi, & per eam definiatur. Et similiter ipse est causa symptomatum, quæ sequuntur ut umbra corpus. Quare neq; dicendum quod ut sic non sit in motu passiuo, sed actiuo; morbus enim est, qui suo motu alterat egrotantem, & lædit eius operationes, & non eius causa. Et licet corpus secundū partē sit semper in alterato esse; non est tamen, quin morbus ut est in fieri & alterari, ratione ipsius fieri non alteret corpus, & operationes lædat.*

*Sed remouendo has instantias est dicendū ad primam contra primum intellectum negādo quod sequatur ad Aristotelem motū esse quietem; sed bene sequitur quod res acquisita per motum sit res quiescens*

## DE MORBO

Sanitas quo-  
modo possit  
dici motus se-  
cundum natu-  
ram.

Et permanens. Et hoc quidem nunquam faciet Ari-  
stotelem, aut eius expositores delirare; Veluti etiam  
si concedatur sanitatem introductam à medico esse  
motum, hoc est, esse acquisitam per motum.

Sed contra, quoniam ut sic non differret sanitas à  
morbo; quoniam ambo erunt motus. Respondeo quòd  
quàm maxime differunt: quoniam sanitas est motus  
secundum naturam, hoc est res acquisita per motum  
naturalem; morbus verò est motus præter naturam,  
hoc est, res acquisita per motum præter naturam.

Sanitas quo-  
modo sanita-  
tem efficiat.

Ad secundam instantiam contra eundem primum  
intellectum adductam Respondeo, quòd sanitatem  
efficere, sanitatem potest bifariam intelligi, vel quòd  
sanitas in proprio subiecto possit causare sanitatem,  
vel in alieno; si in proprio, ut sic concedendum est ut  
quodam quàm maxime verissimum & necessariū.  
Quoniam sanitas, quæ per alterationem proprii sub-  
iecti nascitur, oritur non solum ab extrinseco, hoc est  
à medico eam inducente sed etiā ab intrinseco: quoniā  
à sanitate præexistente; & verius ab hac, quàm à  
medico, siquidem necessarium sit, quòd si debet pri-  
stina sanitas recuperari, quòd præsent in corpore se-  
minaria

*minaria sanitatis, à quibus ea restituatur; quoniam nunquam potest tota sanitas ab extrinseco de nouo restitui, neq; medicus de nouo totam facit sanitatem, sed solummodo remouet quaecunq; eius instaurationem impedire possunt.*

*Neq; obstat quòd Aristoteles dixerit sanitatem non esse factiuam causam, sed id cuius gratia: quoniam per factiuam causam intellexit eam, quæ est vnde principium motus, quæ est remota & extrinseca causa sanitatis, & non illud quàm medicus: merito cuius sanitas dicitur finis & id cuius gratia; sed causa intrinseca est dispositio met corporis secundum naturam: quæ ab intrinseco peruenit ad suum complementum & pristinam perfectionem, postquam medicus vt causa extrinseca remouerit quaecunq; erant illi impedimento, ne suam perfectionem recuperare posset. Si vero intelligatur, quòd sanitas in alieno subiecto possit sanitatem efficere, hoc sane modo absurdum & inconueniens est. In quo intellectu dixit Aristoteles sanitatem esse quietem: quoniam ita appropriatur corpori cuius est, & illi insidet, estq; ei ita cõnata, vt nulli alteri appropriaretur, neque de*

lib.1. de gene-  
& c. responsio  
ne. c. 55.



## DE MORBO

Vno in aliud corpus migra re possit. Sed morbus quoniam est res præter naturam, & aliena corpori cuius est, non est mirum si in Vno corpore subsistens possit esse causa affectionis alterius corporis mediante aere prius mutato, & præcipue si fuerit contagiosus, ut dicit Præceptor Aristotelem velle. Quod si etiam intelligat de omni morbo, ut postea dicit Præceptor in Vltima sua defensione eum intelligere, idem erit dicendum: quoniam semper erit morbus forma accidentalis, & extranea huic corpori in quo est, & ob id potest aliud corpus inficere: quoniam à corpore iam infecto & ægotante possunt decidi putridi effluxus aerē inquinantes, qui ad propinquū corpus peruenientes illud inficient, & à suo naturali statu permutabunt. Et quoniam nihil potest ab aliquo corpore decidere, nisi prius in eo constiterit, ob id sequitur quod ipse morbus erit permanens, & in eo corpore consistens, à quo illi effluxus putridi decidunt.

Et ex iā dictis apparet Veritas dicti Aristotelis, quod morbus est motio; sanitas autem quies: quoniam morbus, cum sit forma accidentalis, hoc est præter materiam potest esse in motu, ut aliud corpus inficiat;  
sanitas

sanitas autem quies: quoniam cum hæc sit forma naturalis & intrinseca corpori cuius est, non potest esse in motu, ut aliud corpus sanet: quoniam non est alterius corporis propria. Et pro veritate dicendum est, quod sicut morbus ab Aristotele dicitur motio; sic etiam sanitas debet dici motio: quoniam contraria debent sub eodem genere poni; & quoniam morbus & sanitas sunt opposita. Ob id debent sub eodem genere reponi. Quare si morbus ponitur sub genere motus, etiam sanitas sub eodem locabitur: nam & ipsa est formæ fluxilis. Quod si Aristoteles dixerit eam esse quietem, intellexit, prout dictum est, & loquutus fuit per comparisonem ad ipsum morbum.

Sed contra instat Preceptor respondendo, & primò quod licet verum sit, quod si ab aliquo aliquid effluat, quod illud debeat in motu & alteratione persistere; non tamen est verum quod debeat consistere: quoniam cum sanitas persistat, causaret sanitatem, contra Aristotelis mentem, et experientiam. Ratione igitur motus & alterationis morbus inficit, & non quia consistat.

Secundo, & fuit ratio quã adduxit in secunda  
sua

## DE MORBO

*sua defensione. Omnis morbus cōtagiosus & qui inficit, est verè & propriè morbus; omnis morbus cōtagiosus & infectiuus est in fieri & motu. Igitur morbus qui est in fieri & motu, est verè & propriè morbus. Non itaq; ut consistit.*

*Tertiò in satisfaciendo ei rationi, quòd sanitas etiam debet esse in motu, dicit quòd verum est quòd opposita debent poni sub eodem genere remoto; sed non proximo. Quapropter sanitas & morbus locabūtur sub eodem genere remoto, & non proximo. Et sic ponuntur sub genere qualitatis, ut sub genere remoto; morbus tamen reponetur sub motu tamquam sub genere suo proximo, & sanitas sub quiete. Quibus satisfaciendo respondeo ad Primam, quòd consequentia tenet à tertio adiacente ad secundum, nulla apposita dictione distrahente, aut diminuenste significatum termini, cui apponitur, veluti Aristoteles declaratum reliquit; siquidem rectè valeat. Socrates est homo. Igitur Socrates est. Non tamen Socrates est homo mortuus. Igitur Socrates est. Quoniam illa dictio, mortuus, distrahit hominem, cui apponitur, à suo vero significato. Neq; etiam valet, Socrates est homo albus secundum*

lib. 2 de interpretatione.

cundum dentes. Igitur Socrates est homo albus : quoniam illa dictio, secundum dentes diminuit significationem albi, cui additur ; si tamen dixerò homo est in motu. Igitur homo est. Optime valet consequentia : quoniam motus non distrahit, neque diminuit existentiam hominis. Sic etiam in proposito hac consequentia valebit. Morbus existit in motu & alteratione. Igitur morbus existit : quoniam est de numero permanentium. & cum Præceptor probat falsitatem consequentiae : quoniam tunc sanitas efficeret sanitatem ; quoniam sanitas existit, quid sit ad hoc dicendum, apparet ex iam dictis : quoniam sanitas in proprio subiecto potest sanitatem efficere ; sed non in alieno.

Ad secundum respondendo nego quod morbus contagiosus & infectivus sit in fieri & motu : quoniam hic morbus, ut inficit, non est in fieri ; sed in facto esse, & est iam consistens in corpore, à quo illi putridi effluxus decidunt. Sed instat Præceptor quod illud est dictum Aristotelis : quoniam asserit Aristoteles idcirco morbum inficere, quoniam motus est. Ex eo igitur quia est in motu & alterari inficit : nam si alio modo inficeret, non differret à sanitate. Sed est

## DE MORBO

euidens ex iam dictis, quòd Aristoteles intellexit morbum esse motionem & alterationem corporis in quo consistit, & alterius etiam proximi quod inficit, interueniente aere prius infecto a vaporibus defluxis: siquidem morbus quicumq; in intemperie consistens semper alteret, mutet & depascat, corpus patientis: quamuis hæc alteratio in aliquo sit adeò parua, ut prorsus non sentiatur, ut in patente Hecticam. in alio vero sit magna, veluti recte adnotauit Conciliator, quem Præceptor sectatur. Et hoc quidem verum est, inquit ille, quietata omni causa morbi, & sic morbus, ut est à causa indepēdens, est motus & alteratio corporis. Non igitur ut est in fieri.

diff. 73.

Et ex his apparet quòd quæ adducit Præceptor contra secundum intellectum nullius sunt momenti: quoniam concedunt omnes quòd morbus sit causa mutationis qualitatum corporis, & omnium suorum symptomatum etiam, & quòd etiam continuo imminuet corpus, remota omni morbifica causa, propter inequalitatem intemperiei: cuius gratia aliæ partes corporis agunt, & aliæ patiuntur, ut Galenus asserruit. Qua de causa etiam magna ex parte febres

febres hecticae ex ardentibus fiunt, ut ille met etiam scriptum reliquit. Quumq; velit etiam morbum ex morbo nasci, quid mirum erit si morbus rationem cause obtinebit? Non ab re igitur dicendum est tunc morbum esse in motu activo & non passivo.

Præterea ex sola terminorum significatione apparet falsitas illius propositionis: quoniam ex cōmuni Grammaticorum sententia nomina terminata in *vus*, vel in *vum* significant actionem: terminata vero in *bilis*, vel in *bile* passionem. Morbus itaq; infectivus & contagiosus actionem, & non passionem significabit. Erit itaq; in *movere* & in *alterare* corpus, & non in *moveri* & *alterari*; atq; sic neq; in *fieri*. Quapropter falsa erit ea propositio assumpta.

Ad tertiam instantiam respondendo, dico quod contraria debent poni sub eodem genere non solum remoto; sed etiam proximo, & hoc quidem quando genus proximum fuerit nominatum. Quapropter etiā sanitas & morbus sub eodem genere proximo locabuntur; quod sanè voluit & intellexit Galenus, cum hæc literis mandavit. Hoc enim vel quis deprehendat, non oportere in altero sanitatem, in altero

In de inequali, intemperie cap. 6.

primo de feb. diff. cap. 8.

Sanitas & morbus sub eodē genere proximo ponuntur

lib. 1. de mor. cur. cap. 7.

## DE MORBO

“ morbum: sed in vno omnium genere ambo constitui;  
 “ siquidem contraria sunt quæ in eodem genere pluri-  
 “ mum inter se dissident, veluti candidum & nigrum:  
 “ etenim vnum horum est genus color. Ideo si cōtraria  
 “ sunt inter se sanitas & ægritudo, in quorumcunq;  
 “ genere eorum quæ naturaliter se habent statuetur sa-  
 “ nitas, in ipsius innaturali habitu ponetur morbus.  
 “ Quare si sanitas actio est secundum naturam, omni  
 “ no morbus actio præter naturam fuerit: sin autem  
 “ affectio quæpiam, aut constitutio naturaliter se ha-  
 “ bens sanitas est, & morbus affectio, constitutione  
 “ præter naturam necessario fuerit, & quæ sequuntur.

Cōstitutio ge-  
 nus proximu  
 sanitatis &  
 morbi.

Ex his sanè verbis evidens est Galenum loqui de  
 genere proximo; siquidem dicat colorem esse genus  
 candidi & nigri, & certe non nisi proximum.  
 Et consimiliter actionem, vel cōstitutionem esse ge-  
 nus sanitatis & ægritudinis, & quidem proximum  
 non remotum.

Præterea Galenus in libro de morborum diffe-  
 rentijs, volens definire quid sit morbus, venatus est  
 genus ipsius et dixit id necessario esse vel actionē vel  
 constitutionem, & reprobavit actionem esse nō posse,  
conclus

conclufitq; effe constitutionem. Quam poſtea diuidens in naturalem & præternaturalem, dixit conſtitutionem naturalem effe ſanitatẽ; præternaturalem verò effe morbum, ſicq; voluit conſtitutionem effe proximum genus ſanitatis & morbi.

Præterea præcipit vbiq; Galenus, quòd cū medicus intendit conſeruare, vel recuperare ſanitatẽ perditam, agat in conſtitutionem corporis, quã conſeruet ſi fuerit naturalis: quoniam ſic ſanitatẽ conſeruabit, vel eam reſtaurabit: quoniam eo modo ſanitatẽ priſtinam recuperabit; nunquam tamen dixit quod agat in quietem, aut in motum: quod tamen debuiffet dicere ſi motus morbi, quies autem ſanitatis fuiſſet genus; ſiquidem debeat ſemper Medicus agere in id, in quo ſanitas & morbus fundatur.

Motum - non eſſe genus morbi, Nec quietem ſanitatis.

Præterea ponere morbum in genere motus, & ſanitatẽ in genere quietis eſt quam maxime abſurdum: nulla enim, inquit Galenus, eſt maior dementia, quàm ponere morbum in vno genere, & ſanitatẽ in altero.

lib. 1. de mor. cur. caps 7.

Præterea prædicamentorum coordinationes ſunt impermixtæ ex Ariſtotelis ſententia, & quæ in vna coordina

lib. 1. poſter. analyticorum



## DE MORBO

coordinatione ponuntur, non debent poni in altera. Quapropter si morbus ponitur in genere motus, nō poterit utiq; poni in genere qualitatis: quoniam motus non ponitur in coordinatione prædicamenti qualitatis; nō enim qualitas prædicatur de motu, sicut bene de morbo prædicatur, ut omnes concedunt. Et ob id sequitur quod in quo horum statuetur morbus, nō poterit in altero poni: si namq; ponitur in genere motus non poterit consequenter poni sub qualitate, vel si ponatur sub qualitate, non ponetur postea sub motu, ut vult Præceptor.

Præterea omnis definitio & pars definitionis debet omni contento sub definito convenire; sed motus est pars definitionis morbi: est enim eius propinquum genus, ut vult Præceptor. Quare debet convenire omni morbo; sed consequens est falsum: quoniam morbis, qui ad suum complementum pervenerunt, non convenit: quoniam hi non sunt in fieri & alterari; sed in facto esse & completo.

Huic obiectioni respondet, negādo quod consequens sit falsum; quinimmo motus convenit omni morbo: quoniam in quolibet corpore patiēte morbum sit alteratio,

ratio & motus, & si in aliquo subiecto parua fiat alteratio, vt in hectica, ita vt non percipiatur à patiente; in alijs tamen morbis alteratur subiectum nō parum. Et ob id dixit Galenus morbum esse motum præter naturam.

lib. 1. de loc. aff. cap. 2.

Sed non aduertit Præceptor (bona eius pace dixerim) ipsum equiuocare de motu: quoniam nostra contentio semper fuit, an morbus qui est in motu, hoc est in fieri & generari, seclusa omni parte facta, sit vere morbus. Ille concedit esse verum morbum, quod ego constanter nego: sed in responsione huius obiectio nis aliter videtur accipere motum, & quæstionē propositam. Et non quidem quod morbus in fieri & alterari sit morbus; sed morbus qui est in motu, hoc est in facere, siue in mouere & alterare corpus, sit vere morbus. Quod sane concedo, sicut semper concessi: quoniam morbus taliter acceptus est vere affectus consistens in corpore & permanens: quemadmodum omne mouēs & alterans necessario actu existit, alioquin non moueret neq; alteraret.

non est in  
corpus

Et ad Galenum dicentem morbum esse motum præter naturam, vt inquit Præceptor, Dico quemadmodum

## DE MORBO

in lib. de sym.  
pto. diff. cap. 1.

lib. 1. de loc.  
aff. cap. 3.

lib. 2. de mor.  
cur. cap. 3.

modum etiam prius dixi, quod morbus non est motus præter naturam simpliciter; sed est quidam motus. Dixit nempe Galenus quod morbus non est simpliciter mutatio, sed mutatio quædam: quoniam est mutatio permanens per se primo operationes corporis ledens. & alibi dixit quod ubi ad permanentem dispositionem alteratio peruenit, sitque dispositio scilicet præter naturam, morbus appellatur. Et postquam alibi dixit morbum esse ex permanentium constantiumque numero, nonnullis interpositis subdit. Ergo nec is qui morbum esse motum præter naturam dixit, intellexit quid diceret. Ex quibus apparet quod morbus relatus ad subiectum est motus præter naturam: quoniam cum sit alteratio permanens, & alteratio permanens non sit nisi res per alterationem acquisita in corpore. Utiq; morbus hoc modo acceptus erit motus præter naturam, hoc est res per motum præter naturam acquisita, veluti prius dixi Aristotelem intellexisse: sed acceptus secundum propriam essentiam, nunquam poterit dici motus præter naturam, & qui ita dicit non intelligit quid dicat, veluti asserit Galen.

Præterea quod dicit Præceptor de sanitate, quod  
huius

huius genus proximū est quies, videtur multū ambiguum. Primò quoniam genus debet esse positivum; sed quies est quodam privativū: quoniam est privatio motus.

Tum secundo quoniam cum sanitas & morbus sint contraria, & ponantur sub alio & alio genere proximo, ut placet Præceptorī, rationabile est quod ponantur sub generibus propinquis, quæ sint contraria; sed motus motui magis contrariatur, quam quies motui, ut Aristoteli placet. Quapropter sanitas potius locabitur sub motu, veluti sub genere proximo, quam sub quiete. Et hæc aduersus præceptorem nunc faciant satis.

lib. 6, de phys.  
auditu in fine

Hactenus pro significatione terminorum, quemadmodum in proposita difficultate de causa continente, vel coniuncta morbi fuit institutum, multum vagati sumus, & non quidem præter rationem, quemadmodum ex dictis euidenter apparet. Reliquum modò est, ut ad secundum, hoc est ad determinationem propositæ difficultatis condescendam. In cuius quidem determinatione tres inuenio modos dicendi, duos quidem extremos, & vnum medium, quos

Tres opinio-  
nes de causa  
continente.

## DE MORBO

omnes recensebo.

Prima opinio  
extrema Gal.

Primus modus dicendi est, qui tenet quòd nulla detur causa continens in morbis; sed morbi ipsi sint causameter continens respectu lesionis functionū. Qui modus dicendi Galeno adscribitur, & sequacibus propter nonnullas Galeni auctoritates, & rationes ex uarijs locis excerptas, quas per ordinem subscribam.

Prima habetur ex libello proprio de causis contentiuis, referente Leoniceno primo Auctore apud latinos, qui opinionem Galeni de hoc aperuerit; siquidē libellus ille ab omnibus fere desideretur: in quo, ut ille inquit, Galenus abnegat dari huiusmodi causas contentiuas in morbis. Et hac præcipue ratione motus: quoniam omnis affectus permanens absq; causa consistere potest; siquidem quia iam factus est, ideo ex sui natura permanet, & nullius ope indiget ut permanere possit; sed morbi sunt affectus iam facti & permanentes. igitur morbi absq; causa, & ex sui natura consistere possunt. Quare nulla dabitur causa contentiua morborum.

Secunda ex libro de causis morborum, in quo libro ex professo considerās singulas morborum causas  
ne verbum

ne verbum habuit de causa contentiua; sed duntaxat de primitiuis, & antecedentibus causis meminit; in hunc modum scribens. Redeamus igitur ad id quod propositum fuit à nobis: nempe ut singulorum simplicium morborum causas tum præcedentes, tum procatharticas, id est euidentes; neq; enim fuit absurdum dilucidioris doctrinæ gratia eas huiusmodi nominibus distinguere. Eas igitur quæ in animali ipso consistunt, siue affectus sint, siue motiones præternaturam, causas nominant morbum præcedentes; quæ vero extrinsecus adueniunt, si vehementer alterant immutantq; corpora, eas interim procatharticas, interim procatharticas causas appellant.

Quod rursus in hunc modum repetit. Atq; ut summam, dicam omnes huiusmodi morborum cause aut extrinsecus irruunt, aut ex ipso corpore oriuntur; extrinsecus quidem adueniunt, quæ vulnerare, aut collidere possunt: à corpore prodeunt immoderati & incompofiti motus animalis, & humores quidam deprauati, qui erodendi vim habent. Idem voluit primo de morbis curandis, postquam declarauit quæ nobis insunt præternaturam circa quæ versatur Ars

Cap. 2. in fine.

In calce libri de morb. caus.

Cap. 8.

## DE MORBO

medendi, esse morbum, symptomata, & causas morificas. Has postea diuidens sic literis mandauit.

“ Atq; harum quæ quidem in ipso animalis corpore  
 “ consistunt, internas nominet; quæ extrinsecus exter-  
 “ nas, nisi malit (ut nunc vulgus Medicorū insuevit)  
 “ illas antecedentes, has primitiuas vocare. In quibus  
 “ quidem verbis nihil de causa coniuncta dixit.

Cap. 28.

In libro quoq; artis medicinalis declarans metho-  
 dum & causas curatiuas morbi fientis nihil de causa  
 coniuncta meminit; sed duntaxat de antecedente: cu-  
 ius verba sunt. Eius autem quæ adhuc sit quod qui-  
 dem factum est curare opus est: quod autem futurū  
 prohibere ne fiat; prohibebitur autē sublata ea dispo-  
 sitione, quam sequi natura apta est; talis vero dis-  
 positio causa antecedens appellatur.

In enar. t. 4.

In quarto etiam regiminis acutorū duarum solum  
 modo causarum meminit, videlicet præcedentium,  
 & præincipientium; coniunctarum vero ne verbum  
 habuit. Sed præstat eius verba referre, quæ ita legun-  
 “ tur. Enimvero eorum quæ dicta sunt, quedam incen-  
 “ dentium passionem significatiua sunt; quedam vero  
 “ assident: generantium vero has alia quidem præce-  
 dentia;

dētia ; alia verò præincipiētia à medicis vocata sunt.

In quarto quoq; de valetudine inquirens causas spontinarum lassitudinum, primitiuarum, & antecedentium causarum meminit ; coniunctarum silentiū habuit. Sic autem eius verba scripta leguntur. Causa verò vnde ea nascitur affectus lassitudinis est. Porro huius rursus ipsius causa bifariam scinditur : huius enim intra ipsum animalis corpus continetur, & vocatur præcedens causa, aut omnino non inest, & vocatur præincipiens causa.

Idem clare voluit in secundo libro de natura hominis sic scribens. Etenim verum est quosdam morbos generari ex repletionē, vel à repletionē; at falsum est morbi continentem causam esse repletionem. Et paucis interpositis subdit. Curatio igitur dicitur etiam eorum quæ morbos efficiunt, nedum ipsorū iam generatorum morborum ; si quis vero nomine horum proprio utatur, morborum præcedentes causas id genus dicet, quemadmodum Atheneus. A quibus autem rursus hæ ipse præcedentes fiunt, originemue trahunt præinceptiuas & præincipientes nominabit.

Idem Galenum voluisse rationibus comprobatur.

Et

“

Post libri præcipium.

“

“

“

“

“

In enar. r.

”

”

”

”

”

“

”

”

”



## DE MORBO

*Et primò quidem ratione ducente ad impossibile: quoniam si Galenus voluisset dari huiuscemodi causam contentiuam in morbis, maxime voluisset eam esse qua posita ponitur affectus, & remota remouetur; sed consequens est falsum; siquidem voluit Galenus eam causam dici Antecedentem, & non continentem. Quod liquet de multitudine, lentitia, & crassitie humorum obstruentiũ; quibus positis ponitur obstructio, & remotis remouetur; auctis, & imminutis augeatur quoq; , vel imminuitur obstructio; quemadmodum Galenus declaratum reliquit Vndecimo de morbis curandis.*

Cap. 13.

*Liquet etiam de putredine, quam Auicenna & sectatores appellant causam continentem; Galenus verò id nomen abhorrens præcedentem appellat Vndecimo de morbis curandis, dicens putredinem esse quãdam antecedentem causam ipsius febris. Igitur negauit omnino Galenus dari causam contentiuam morborum, accepto semper nomine morbi prout in terminorum significatione fuit prius declaratum.*

Cap. 9. in fine

*Secundò omnis morbus vel est factus, vel fiens, vel futurus fieri ex libro artis medicinalis; sed nullius horum*

Cap. 28.

horum datur causa contentiua. Non quidem facti, ut liquet : quoniam factorum & permanentium non est causa. Neque futuri fieri ; sed huius est duntaxat causa antecedens, vel causa in potentia, quæ factura est morbum, atq; sic neq; fientis erit huiusce modi causa ; siquidem fiens habeat partem factam, & partem futuram fieri. Huius gratia datur causa antecedens, vel etiam coniuncta ; sed non morbi, sed pathos, quoniam quod est in fieri est in pati & alterari ; illius vero nulla assignatur causa. Quapropter morborum nulla erit causa contentiua.

Tertiò omne mouens antecedit rem motam à qua etiam separatur ; sed efficiens est quodāmodo mouens : est enim vnde principiū motus. Igitur antecedit rem cuius est causa ; quemadmodum Aristoteli placet. Quapropter causa efficiens erit antecedens, & nō coniuncta morbi in propria significatione accepti.

Quartò habitu præse in materia cessat omnis motus efficientis causæ ex Aristotelis sententia ; sed morbus est habitus præsens in corpore. Igitur cessauit omnis motus causæ efficientis. nulla itaq; dabitur causa ipsius morbi coniuncta. Et hæc pro primo dicendi modo.

lib. 12. metaph  
t. c. 16.  
lib. 1 de Gene.  
& corruptio-  
ne t. 55.

## DE MORBO.

secunda opi-  
nio extrema  
Auic. & sequa-  
cium.

2. fen. 1. doct.  
2. fu. prima ca-  
pite. 1. & 1. can-  
ticorum cap. 2  
de causis can-  
tico. 175.

In enaratione  
cantic. 176.

Ioannitius  
Cap. 40.

*Alter extremus modus dicendi est Auicennae ascriptus, & suis sectatoribus, quod in morbis datur huiusmodi causa coniuncta. Quam sententiam posuit Auicenna in plerisque locis diuidendo causas in primitiuas antecedentes, & coniunctas. & describendo causam coniunctam dixit eam esse causam corporalem, ex qua dispositio corporalis provenit aduentu primo, id est absque medio: cuius exempla ponens dixit. Veluti putredo febris, & humor qui ad foramen descendit oppilationis, & oppilatio cecitatis. Alias vero causas, ex quibus non immediate; sed remote provenit dispositio praeter naturam, dixit esse causas antecedentes. Quam etiam sententiam approbat Auerroes veluti putredo, dicit Auerroes, respectu caloris extranei causa dicetur coniuncta.*

*Hic sane modus dicendi non solummodo apud Arabes habetur; verum etiam apud Graecos. Siquidem Ioannitius in sua Isagoge de causis morborum pertractans sic ad verbum inquit. Modi occasionum infirmitatem faciendum tres sunt: nam aliae sunt quae vocantur Primitivae, quae exterius accidunt corpori, ut calor & frigus. Sunt & accidentia quae admo-  
uentur*

uentur intrinsecus in corpore, vt repletio & inani-  
tio. Sunt & alia quæ vocantur coniunctæ, quæ dñ  
adsunt adest infirmitas, & abeuntibus his infirmi-  
tas abest, vt putredo in febris.

Auctor definitionum medicarum eiusdem quoq;  
fuit sententiæ in hunc modum scribens. Causa est quæ  
aliquid generat in corpore, quamuis ipsa sit corporis  
expers. Causarum alia est procatartica, idest euident:  
alia synectica, idest coniuncta, siue continens: alia  
præcedens, siue interna. Procatartica est, quæ dum  
aduersam valetudinem creauit, separatur; vt canis  
mordens, scorpio pungens. Causa coniuncta est, quæ  
cum præsens est, eius quoq; affectus adest; cum verò  
desinit, etiam affectus euanesceat, vt lapis in vesica,  
vnguis in oculo. Præcedens causa est, quæ à Proca-  
tartica præparatur, & adiuuatur. Vel coniuncta  
est, quæ aucta augetur, & qua sublata aufertur  
affectus.

Idem etiam voluit Auctor introductorij Me-  
dicinæ ita scribens. Causarum verò morbos continen-  
tium notitia non minus desideratur, vt affectuum  
origines, quibus resistere conuenit, intelligamus: tum

Auctor differ.  
med.

Auctor intro-  
duc. med.  
cap. 8. post pri-  
cipium.

## DE MORBO

ipſos affectus, eorumq; ſtatus à veteribus appellatos  
cognoſcamus.

Et paucis interpoſitis ſubdit. Rationalibus cauſæ,  
licet ipſi nihilominus tum affectus, tum concurſus in-  
quirant; totum autem cauſis attribunt; quarum nō-  
nullæ evidentes, aliæ continententes, quedam coadiu-  
uantes, reliquæ concauſæ, reliquæ præcedentes dicū-  
tur. Evidentes, quæ grecis procathartica dicuntur, ſunt  
quæ dum aduerſam valetudinem crearunt, ſeparan-  
tur: Vt frigus, laſitudo calor, cruditas. Continentes  
coherentesq; cum præſentes ſunt, & morbi quoq; eo-  
rum adſunt; cum tolluntur, morbi etiam diſcedunt;  
Vt ſpina, & telum.

Quinimmo Galenus met. in pleriq; locis eandem  
cauſam aſſerere videtur; & primo quidem in libro  
de ſectis, ubi reprehendit Methodicos, qui in mor-  
borum curatione contentiuas cauſas, & quaſcunq;  
alias deſpiciebant, dicens. Simili ratione ijdē Me-  
thodici de obſcuris cauſis, & continentibus vocatis  
loquuntur; eas namq; ſuperuacuas eſſe dicuntur.

cap. x. Idem voluit in libro contra Iulianum, ubi eum re  
reprehendens, qui quamuis recte fuerit uſus nomine  
continentis,

continentis causa: quo pacto tamen ab Antecedentibus differret, non intellexit. Clarissime ostendit continentem causam ponendam esse.

Atq; ibidem quibusdam interpositis reprehendit Asclepiadem negantem dari causam contentiuam, eiusq; rationem dissoluit, qua probabat Plenitudinē coniunctam causam dici non posse, distinguendo varia Plenitudinis significata, Vbi sic ad verbum scribit. Ostensum à nobis est commentarijs his, in quibus symptomatum causas enarrauimus: atq; Vbi tumores præter naturam tractauimus, conuulsione interdum, tremoremq; , ac in vniuersum phlegmonem, & herysipelas, idq; quod à recentioribus Medicis edema vocatur, aliosq; præterea affectus plenitudinis inuiti hypotesi, tum si plenitudinem euacuet quis, ad naturalem quamprimum statum redire mebrum. In quibus verbis clarissime apparet Galenum ponere in morbis plenitudinem esse causam continentem: qua posita, ponuntur, & remota remouentur morbi, atque symptomata, vt tumores præter naturam, & conuulsio, atq; tremor.

Quod voluit etiam Hypocrates, cum dixit.

2. sec. apho. 22

## DE MORBO

- Quicunq; morbi ex repletione fiunt, curat euacuatio.  
 Voluit inquam repletionem esse causam coniunctam  
 morborum, qua posita ponantur, & remota remo-  
 ueantur. Sicut etiā dixit secundo de natura humana.
- Galenus etiam non in morbis solūmodo; sed etiam  
 in cunctis alijs rebus concedit dari causam continentē,  
 sic dicens. Non pulsibus modo; sed in alijs cunctis  
 vnum quod primum & præcipuum est, quod quidē  
 continens appellant: cuius quidem inde appellatio de  
 ducta est, quod illorum essentiam contineat, quæ est  
 generationis causa.
- Veluti etiam cum dicit. Tensionem tunice rhago-  
 idis esse continentem causam dilatationis pupillæ. Et  
 cum ponit causam continentem stuporis esse obstru-  
 ctionem, vel compressionem, aut constitutionem,  
 vel refrigerationem in nervis factam.
- Atq; de horrore, & rigore loquens concedit ho-  
 rum continentem causam esse rodentium excremen-  
 torum confertim actorum citatiore motum, & alias  
 multas quas ibi explicat. Quemadmodum de tremo-  
 re habens sermonem dixit causam habere, vt ita  
 decem, continentem, virium imbecillitatem.

Et

*Ex Hypocrate declarante quæ obseruanda sunt à Medico in recta curatione morborum, inquit Galenus in sua cōmentatione quòd ostensum est alibi quas anteincipientes causas vocant, & quæ antegressas, & quæ continentes. Quo loco apparet causas continentes considerandas esse à Medico in curatione morborum.*

in 6. de mor.  
vulg. sec. 3. t. 20

*Eandem continentem causam Galenus admittit, quum loquens de screatione inquit. Ceterum ea ipsa materia, si admodum tenuis & aquosa est, vix screeatur, vt quæ in pulmone circumfluitet: hæc enim prima causa eductionis, quam etiam adhaerentem, vel continuam nominant.*

lib. 1. de prognost. co. t. 43

*Eandem etiam expresse concedit in hunc modum scribens. Verba autem faciemus non solum contra Methodicos; sed etiam contra eos rationalium, qui non cognita ipsius actionis prima causa, quam continentem etiam nominare sunt soliti, methodo quadam ac ratione constitui posse artem putant.*

2. de morbis cur. cap. 4.

*Expressis etiam verbis eandem ponere videtur, cum loquens de generatione spumæ inquit. Fieret etiam quando in ipso ventriculo vnam habens, vt quispiam*

in 7. sec. aph.

30.



## DE MORBO

„ quisspiam diceret, causam contentiuam, quocunq; ex-  
 „ cernatur, aut fiat; Antecedentes autem plures. Est  
 „ autē huius pituitæ causa contentiua flatuosus spiritus.

1. de loc. aff.  
 cap. 2.

Et quoniam conuincta causa ea est, qua posita po-  
 nitur affectus, & remota remouetur, vt supra fuit  
 dictum, idcirco visus est Galenus clam eam conce-  
 dere, licet nō nominauerit, cum dixit. Id, quo tangēte  
 nos afficimur, & separato quiescit passio, causam esse  
 omnes homines confitentur.

2. aphor. 22.  
 & in lib. de  
 optima secta  
 cap. 23.

Quod etiam voluit, cum ad verbum ita scriptum  
 reliquit. Sed nunc de his, qui adhuc sunt, morbis, ser-  
 mo à nobis habetur. Liquet igitur quòd vnà cum cau-  
 sis ipsos facientibus destruuntur.

lib. 6. cap. 35.

Dioscorides etiam eandem continentem causam  
 concedit, quum ita scribit. Quoniam autem causarū  
 differentijs gaudent, alijs continentes, alias vero præ-  
 incipientes vocantes, dicendum ipsis est alter vtro ista-  
 rum modorū procatharticam scilicet præincipietemue-  
 dici causam, quod effectum præcedit, quodq; cor-  
 poris compagem præoccupat. Continentem vero quòd  
 præsentibus passionibus adest; & ipsa remotaq; ea,  
 remouetur quæ cum ipsa veniunt.

Pb. 1. in prohe-  
 mio

Cornelius

*Cornelius etiam celsus eandem ponit ex sententia rationalium medicorū, quorum princeps est Hypocrates dicens. Igitur hi, qui rationalem medicinā profitentur, hæc necessaria esse proponunt abditarum, & morbos continentium causarū notitiā, deinde euentium.*

*Ex Aristotele quoq; eadem comprobatur, cum ponit discrimen inter causas efficientes, quæ actu operantur & efficiunt, & quæ potentia, dicens. Differunt autem intantum, quòd operantia quidem actuue efficientia, & singularia simul sunt, & non sunt, tum ipsa tum ea quorum causæ. Ut hic medēs cum hoc qui sanatur; & hic ædificator cum hoc ædificio, quodue ædificatur. Quæ autem secundum potestatem non semper; corrumpuntur enim non simul domus & ædificator.*

*Quemadmodum cum vult causam ad causatum correlative dici, eamq; veram causam esse, qua posita ponatur, & ablata tollatur; siquidem correlative eorum natura sit, ut posita se ponant, & perempta se perimant.*

*Quam etiam hac ratione confirmare possumus: quoniam doloris ut symptomaticæ causæ continens asse-*

*gnatur*

lib. 5. metaph.  
te. 3. & 2. phy.  
te. 37.

In lib. prædicamentorū c.  
ad aliquid.

## DE MORBO

Tertia & media opinioni dicendi.

gnatur intemperies, aut solutio continui; sed dolor potest rationem morbi quoque subire cum functionibus officit & vires prosterint, actionem medici & curationem ad se reuocans. Igitur dolor ut morbus eandem causam continentem obtinebit, quam prius, cum symptoma erat, obtinebat. quocirca morbi agnabitur causa continēs. Hæc sunt quæ huic ex modo dincendi modo facere videntur. Medius autem dicendi modus & bipartitus, vnus est Ioānis Philippi Ingrassiæ Siculi, quod quorūdam morborum assignāda est causa coniuncta, quorundam non: nam morborum qui in intemperie positi sunt, atque eorum qui in natura ponuntur, nulla coniuncta continensue causa determinanda est, horum inquam, ut iam facti sunt & geniti: quoniam si ut in fieri sunt considerentur, remota omni eorum parte facta, utique causa assignabitur coniuncta; sed non eorum ut morbi, sed ut passionēs sunt & alterationes corporis. Eorum autem morborum qui in natura compositionis constituuntur, excepto morbo in numero, veram continentē causam differentiari licet. Veluti magnitudinis quidem in tumore præter naturam, quæ si tanta fuerit, veluti dicebat

dicebat Galenus, ut functiones impediatur, morbus  
censeri debet; alioquin symptoma sicut etiam dolor.  
Cuius quidem magnitudinis causa humoris copia non-  
nunquam esse potest, ut testatur Galenus: qua posita,  
vel phlegmonis, vel alterius tumoris magnitudo po-  
nitur; & ea humorum redundantia crescente,  
magnitudo etiam increfcit; & imminuta, dimini-  
tur; & demum eadem ablata, aufertur. Igitur  
morbi in magnitudine causa coniuncta, continensue  
assignanda erit, veluti Galenus sentire videtur.  
Morbi etiam in situ causa continens assignanda est,  
veluti crassus, gypseusue humor quispiam, vel porus  
effatus dignus articulis interpositus, post locatum os  
huc vel illuc impellens, positum vitiat: quo aucto,  
vel imminuto, aut ablato, augetur, imminuitur, &  
tollitur vitium in situ. Quapropter erit eius causa  
continens.

Figura etiam vitiatæ causa coniuncta assignanda  
est vel luxatio, vel fracturarum partium inepta con-  
iunctio, ut alterum morbum alterius statuamus esse  
causam; siquidem inepta partium coniunctio sit de-  
pravatus situs illarum: quoniam ea posita ponitur vitium

In li. de mor.  
differentiis ca  
pi. 12.

cc

1. de mor. cāis  
cap. 9.

In lib. cōtra  
Iulian. cap. 9  
circa finem.

quod si in li.  
de mor. cāis  
cap. 12. et  
in li. de mor.  
cāis cap. 9.

## DE MORBO.

*in figura, aucta augetur, & remota remouetur. Quod si figura concinna reddita membrum adhuc nō recte moueri possit, non ob id negandum eam luxa-  
tionem, aut ineptam coniunctionem non fuisse con-  
iunctam causam; sed ob aliquod ligamentorum vi-  
tium id euenire existimandum erit.*

*Superficie i quoq; vitiatæ causa continens asigna-  
bitur siccitas, vel humiditas; siccitas quidem aspe-  
ritatis; humiditas autem lenitatis eiusdem: quoniam  
his positis & demptis, ponitur & demitur superficie i  
vitium. Cavitatum quoq; et meatuum cause coniun-  
ctæ sunt vel coalitio, quæ est præternaturalis unio,  
vel caruncula, siue quoduis aliud tuberculum, aut  
scirrhus, ut Galenus inquit, nec non phlegmone, aut  
abscessus in ipsis instrumentorum corporibus oborta;  
vel crassi & visci di humores, aut callus aliquis, aut  
grumi, quodcunq; deniq; cavitatis medio interpositū  
obstructionem produxerit. Item quoduis extrinsecus  
incidens & comprimens, nec minus constringens  
frigidity, aut siccitas in seipsa eidem cavitati cir-  
cūstantia corpora residere cogens, hæc quidem omnia  
coniunctæ cause nominari possunt, ut euidens est:  
quoniam*

In li. de mor.  
differentiis &  
de causis vtro-  
bique cap. 7.

quoniam positus ponitur affectus, ut exempli gratia obstructio, & remotis remouetur.

In omnibus dictis affectibus statuenda est, inquit hic eximius vir, causa coniuncta vel continens: quoniam esse suum non absolutum: sed in fieri & generari possidet, & à causa dependent nedum in fieri: sed etiam in esse & conseruari.

Morbi verò in numero, & reliqui in ipsa intemperie, & natura cōmuni constituti: quoniam suum esse absolutum habent, adeo ut remota causa remanere pro aliquo temporis interuallo possint. Idcirco continentes causas neuiquam habere dicuntur.

Alter medius dicendi modus est Iulij delphini, qui conuenit cum modo dicto in hoc, quod omnes morbi, qui ita pendent à causa, ut in ea habet suum esse, & sine ea non possunt firmari, tales inquam morbi habent causam coniunctam vel continentem, qualescunq; fuerint vel in complexione, vel in compositione. Et quod Galenus admittat hanc coniunctā causam in huiusmodi morbis factis pendentibus à causa, ostendit multifariam, & primo ex libro de morborum differentiis, ubi postquam recensuit diffe-

rentias ægritudinum in numero in partibus similari-  
bus, dicit deinceps quòd eorum quæ superabundant,  
aliqua sunt ægritudines ipsæ, vt unguis in oculo: alia  
sunt ægritudinum causæ, vt germina quæ meatus in-  
terferant; ista enim faciunt aliam affectionem, quæ  
obstructio est. Ita etiam lapis in vesica est morbi ca-  
usa. Præterea apoplexia est obstructio; humor autem  
hanc obstructionem faciens, cum non sit morbus, est  
necessariò causa morbi, præterea humor faciens in-  
temperiem est eius causa. Illi etiam morbi dicuntur  
habere causam continentem: quorum causa remota a  
ipsi etiam remouentur. Quod annotauit Galenus cū  
dixit morbos alios remanere ablatis causis; alios vero  
ita à causis dependere, vt illis ablatis vna auferan-  
tur, vt suffusio à materia proueniente à cerebro non  
tollitur ablata intemperie cerebri: at ea, quæ fit ex va-  
poribus eleuatis à ventriculo, tollitur sublata ventri-  
culi indispositione. Præterea humor causans intem-  
periem, à qua nascitur stupor dentium, est causa con-  
iuncta illius intemperiei, quo ablato ea cessat. Igitur  
plurium morborum assignabitur causa coniuncta.

lib. i. de loc. af.  
cap. 2.

Cōfutatio ter-  
tii mediū mo-  
di dicendi.

Sed arbitror vtrunq; medium dicendi modum à  
veritate

Veritate non parum distare. Et primò quantum ad id, in quo ambo conueniunt, quòd aliqui morbi habent suum esse completum, qui nō dependeant à causa; alij autem non, veluti sunt morbi pendentes à causa quoad esse & conseruari, à Veritate distant: quoniā quod per se alicui inest, id equaliter conuenit omni contento sub eo; sed habere esse absolutum per se inest ipsi morbo. Igitur habere esse absolutum, hoc est essentialē perfectionem obtinere, & in esse permanenti existere equaliter conueniet omni morbo. Esse enim de numero constantium & permanentium est vna conditionum, quæ ex Galeni sententia ad essentialē morbi necessariò requiritur. & quicūq; morbus habet permanentiam in corpore, dicitur habere perfectionem essentialē, per quam est verè morbus: quamuis ita absolutus non sit, vt incremento careat, sed perpetuo increseat ad absolutionem, & accidentalē perfectionem perueniens.

Tum etiam quoniam quod est factum & permanens est independens à causa; siquidem facti non sit causa, sed solius fientis; sed omnis morbus est affectus permanens & factus. Igitur omnis morbus  
erit

lib. de sympt.  
differētis c. i.  
& s. meth. ca.  
p. 3.



## DE MORBO

erit independens à causa.

Tum etiam quoniam nullum pendens à causa in esse & conseruari est permanens ; sed affectus in cōpositione iam dicti pendent à causa in esse & conseruari. Igitur huiuscemodi affectus non sunt permanentes. Quare neq; morbi ; siquidem morbus sit affectus permanens . Vel igitur Galenus non rectè definiuit morbum esse affectum permanentem ; Vel illi affectus in compositione non erunt morbi : quorum Vtrunq; est falsum.

Huic obiectioni conatur satisfacere Ingrassias, inquit quòd cum Galenus definiuit morbum per esse affectum permanentem & constantem , eum sic definiuit, vt eum distingueret à passione contra sententiam Methodicorum : quoniam passio est solius alterationis motus , cuius nihil remanet , nullaq; pars facta demonstrari vnquam potest ; sed morbus est affectus constans , qui scilicet factus demonstrari potest , adeò vt functionibus incōmodet , siue cum adiuncta sibi causa , siue absq; illa permaneat , satis superq; est quòd factus sit & permanens, factaq; pars & a Medico & ab ipsomet aegrotante sentiat.

Quæ

Quæ responsio licet vera sit quantum ad id, quòd morbus & passio differrunt, quòd ille est affectus permanens, passio autem nequaquam: tamen à veritate distat, cum credit morbum dici affectum permanentem, vel adiunctam causam habeat, vel non: quoniam, ut dictum est, ex sui natura permanens est independens à causa, aliter non esset permanens: sed morbus est ex propria natura permanens. Igitur erit etiam independens à causa. Quapropter licet eadem causa sit in corpore quæ genuit morbum, quæ modo ad incrementum & accidentalem absolutionem eundem perducit. Id tamen constanter verum est, quòd morbus permanens & habens perfectionem essentialem non amplius pendet à causa, vel ea adhuc sit in corpore, vel non; sed duntaxat ab ea pendet quantum ad perfectionem quæ est secundum accidens, quæ per acquisitionem maioris quantitatis, siue vehementiæ & intensiõis morbi acquiritur. Quod etiam euentissimè ex ipsomet Ingrassia apparet, asserente vnam & primam conditionum morbi esse, quòd per se consistant. non itaq; causæ, aut alterius adiumento indigebit vt permaneant. Tum etiam quoniam sequetur

non morbus  
sed passio  
est accidentalis  
absolutio  
et incrementum

retur

## DE MORBO

retur quòd idem affectus respectu eiusdem esset factus & non factus, & fiens & non fiens: esset factus, quoniam consistens & permanens: non factus autem, quoniam habens causam, sine qua stare nō potest. Per quod morbi in compositione differunt à morbis in intemperie, ut Ingrassias inquit: quoniam isti sine causa stare possunt cum geniti sunt; morbi verò in compositione non possunt sine causa stare cum facti sunt. Et sic morbus factus esset factus & non factus, ut evidens est; quod cum sit absurdum, absurda quoque est responsio data. Esset etiam fiens: quoniam pendens à causa; non fiens autem: quoniam iam genitus est & factus,

Causa coniuncta datur in genere cause formalis in omni genere morbi.

Sed causa erroris, ut opinor, horum doctissimorum virorum fuit, quòd non distinxerunt inter causam formalem, & causam efficientem; siquidem omnes morbi in compositione iam enarrati per Ioannē Ingrassiam, alij etiam, quos in medium affert Iulius Delphinus, habeant proximam causam formalem, per quam propriam obtinent essentiam, & in determinata reponuntur specie. Quinimo non modo hi morbi in compositione; sed reliqui omnes, vel fuerint

in

in intemperie, vel in natura cōmuni huiuscemodi causam formalem habent, quæ est tota eorum essentia & quiditas. Efficientem verò causam nullus habet: quoniam sunt iam permanentes & facti, atq; permanent sine alicuius efficientis causæ ope. Quod autem habeant proximam formalem causam inde constat, quod nihil constituitur in esse nisi per proximam formam introductam à causâ efficiente in determinatâ materia, atq; sic morbi quicunq; fuerint vel in intemperie, vel in compositione, aut in natura cōmuni formam habent essentialem, per quam sunt tales, vel tales: nam sicut ametria partium componentium est proxima forma morbi in genere, vel verius morbusmet; sic etiam hæc, vel illa ametria erit proxima forma huius, vel illius morbi, quæ non verius explicari potest, quàm per formam danter illi esse, quæ sane in ipsa intemperie est exuperans aliqua qualitas, ut caliditas, frigiditas, vel alia huiuscemodi; vel cum præsentia materiæ, vel sine. In cōpositione verò magnitudo imminuta, vel aucta, & pars aliqua subtracta, vel superaddita, aut à suo situ mutata. In natura cōmuni diuisio continui: quâ primum enim

## DE MORBO

hæc introducta sunt, protinus vitiosa componentium  
 proportio, & constitutio præter naturam facta est.  
 atq; sic morbus est & dicitur factus. Et ob id sequi-  
 tur quod materia contenta in aliqua parte est essen-  
 tialis forma tumoris & magnitudinis præter naturam:  
 quæ quandiu existit est constitutio præter naturam,  
 quæ tumor præter naturam, & morbus nominatur  
 si leserit functiones corporis, et quamprimum recedit  
 redit constitutio in suum naturalem statum. Et hoc  
 quidem intelligendo de tumore præter naturam iam  
 facto & absoluto: quoniam si de eo quod est in  
 fieri, de quo Galeni dictum verificatur, & Ingras-  
 sias intelligere videtur, sermo fieret, utiq; copia hu-  
 moris fluentis ad locum affectum, & cum in tumo-  
 rem eleuans causa erit continens vel coniuncta in ge-  
 nere cause efficientis, instrumentarie tamen: qua posi-  
 ta, ponitur tumor qui est in generatione, & sublata  
 tollitur.

Callus etiam & humor gypseus vel constituant  
 morbum in situ, quod post locatum os, à sua sede di-  
 moueant, vel etiam in figura, cavitare, atq; nume-  
 ro, ut Galenus velle videtur, quod facta luxatione  
 figuram

lib. de mor.d.  
 cap.7. & 8. &  
 in lib. de cau-  
 sis mor. cap.7.

figuram vitiosam reddant; vel articulamentum, ut inquit, repleant, et conuenientē numerum partium excendant, semper erunt causa efficiens continens dictorum affectuum quatenus sunt in generatione; quatenus verò sunt permanentes & iam geniti, erunt essentialis forma per quam proprium obtinent esse; siquidem posito poro in cauo ossis coniunctura, ponitur constitutio præter naturam ipsius, & remoto eadem restituitur in suum naturalem statum.

Eodem modo dicendum est de causis vitiatæ figuræ, & superficiei: quòd nimirum horum affectuum ut sunt in fieri assignantur causæ continentes; ut autem facti sunt & permanentes dantur formæ, per quas constituuntur in esse.

Neq; iudico quosdam recte sentire contra Ingrassiam, asserentes figuram vitiatam, atq; situm vitiatum morbum minime esse; sed symptomata consequentia constitutionem præter naturam: ut vitiatæ figura, luxationem; necnon asperitatem, ac lenitatem superficiei non morbos, sed symptomata esse consequentia intemperiem partium similarium siccæ & humidæ.

## DE MORBO

Figuram par-  
tis vitiatam  
morbum esse,  
& non sympt.  
veluti etiam  
positionem vi-  
tiam.

cap. 7.

Figuram par-  
tis vitiatam  
morbum esse,  
& non sympt.  
veluti etiam  
positionem vi-  
tiam.

Superficiē vi-  
tiam mor-  
bus esse & nō  
symptoma.

Quorum certē dicta non parum aliena sunt à ve-  
ritate: quandoquidem Galenus ex professo in libro de  
morborum differentiis ponat vitiatam figuram partis  
ledere eius functionem, & ob id morbum esse. Quod  
etiam illi in suis commentariis non negant. Nam Val-  
gi, Vari, & Planci cruribus deterius incedunt; in-  
quit Galenus; quod conueniens horum figura vitiatam  
sit, sic & male opus suum aggrediuntur crura pro-  
pter vitium in figura. Nec non vitiatam superficiem  
morbum esse, atq; functionem ledere indubitanter  
asseruit: nam asperitas Gutturis inspirationem atq;  
expirationem, vel etiam Vocem impedit: & Ven-  
triculi, atq; intestinorum Leuitates eorum functiones  
etiam impediunt, & alia id genus. Non ab re itaq;  
inter morbos debent cōnumerari, quemadmodum il-  
limet etiam affirmant. & quo auspicio nunc aliter  
sentiant contra Ingrassiam, me præterit certe,  
nisi studio contradicendi ducti id asseruerint.

Sed apparet euidentis contradictio in dictis eorum:  
siquidem primò inquiunt situm vitiatum non esse  
morbum, sed symptoma, & non explicant cuius  
constitutionis præter naturam sit symptoma. Postea

cum

cum declarant cuiusnam affectus, & constitutionis præter naturam vitiatam figura sit symptoma, dicunt eum affectum esse luxationem, & non aduertunt quod coguntur consequenter concedere vitiatum situm morbum esse: quoniam si luxatio non est aliud, quam dimotio ossis à sua sede, ideoq; vitiatum situm ossis, utiq; vitiatum situm morbus erit; siquidem luxatio, quæ morbus est (illis attestantibus) sit idem quod situm præter naturam ipsius ossis.

Aberrant etiam, cum inquiunt ne per somnium quidem Galeno in mentem venisse, vitiatam figuram ledere actionem & morbum esse; sed potius affectum præter naturam, qui figuram ipsam naturalem vitiat: quoniam si affectus præter naturam, qui figuram naturalem vitiat, morbus est secundum eos, utiq; sequetur causam morbi esse morbum: quandoquidem quod naturalem corporis structuram perturbat, non morbus, sed causa morbi sit. Et quia affectus ille præter naturam naturalem corporis structuram vitiat; siquidem naturalis figura, quem ille affectus præter naturam vitiat, sub naturali structura corporis comprehendatur, ob id non morbus erit; sed causa morbi.

Neg;



## DE MORBO

lib. 3. de mor.  
cur. cap. x.

Vitia in ma-  
gnitudine &  
figura esse  
morbos & nō  
symptomata.

lib. .i. de vfu  
partium cap. 9

in lib. de mor.  
diff. cap. 4.

*Neq; obest quod ex Galeno producant, figuram  
et magnitudinem ex eorum numero esse, quæ affecti-  
bus corporis Unde actio nascitur necessario accidunt  
& ob id vitia in magnitudine & figura esse sympto-  
mata, & non morbos. Quoniam si ita esset, non ne-  
Galenus in libro de morborum differentiis non morbo-  
rum differentias; sed symptomatum declarasset? si-  
quidem vitia in formatione, magnitudine, conexione  
& positione omnia essent symptomata: quod, eodem  
auctore, conformatio, magnitudo, positio, & con-  
nexio necessario accidant constitutioni organorum &  
totius corporis? & ideo non ob hoc quia hæc accidunt  
affectui corporis, debemus cōcedere vitia in illis na-  
turi symptomata, esse & non morbos: quādoquidem  
ex illis differentia morborum, & non symptomatum  
nascentur, sed potius intellectum dicti Galeni inqui-  
rere, ut veritas appareat. Et ideo dicamus, quod quia  
constitutio partium organicarum, & totius corporis  
necessario expostulat partium, ex quibus cōstituitur,  
conformationem, magnitudinem, numerum, & po-  
sitionem, ut functiones obire possit, quemadmodum  
Galenus approbavit; siquidem omne quod existit  
necessario*

necessariò sit vel vnum, aut plura; magnum, vel paruum; hoc, vel alio modo conformatum; in hoc, aut alio loco situm; necnon seorsum existens, aut cum alio colligatum. Et quoniam accidit quòd talem habeat conformationem, tantam magnitudinem, tot numero partes, & certam quandam positionem, ut probe certas quasdam functiones efficere possit, ob id ea dicuntur necessariò accidere constitutionis; quemadmodum omnia componentia dicuntur necessariò accidere composito: quia nullum reperitur compositum, quod necessariò non integretur ex partibus componentibus; accidentale tamen est, quòd ex tot, & tantis, atq; taliter dispositis partibus integratum sit: quoniam non per se primò hæc ita determinata ei insunt: sed secundo & comparata ad certam & propriam eius operationem. Atq; sic etiam in affectu & constitutione præter naturam intelligendum est: quoniam Vlcus, de cuius differentiis loquebatur Galenus, necessariò est figuratum aliqua figura, & necessariò subiicitur alicui magnitudini & tempori; accidit tamen sermonis gratia quòd sit obliquum, & non rectum; magnum, & non paruum; inæquale, & non

tertio de mor.  
cur. cap. x.

## DE MORBO

& non aequale ; & recens , & non inueteratum : quoniam hac ita determinata non primò ei insunt secundum naturam vlceris ; sed secundariò , vt nimirum ab hac , vel illa causa fuerit productum , quæ licet dicantur necessariò ei accidere : non sunt tamen symptomata ; sed vlceris differentia. Veluti etiam constitutio vitiosa necessariò vitium habet vel in formatione , aut in magnitudine , vel in numero , aut positione : ex accidenti tamen est exempli gratia quod vitium habeat in formatione , & non in magnitudine , vel in hac aut illa natura & non in reliquis ; quæ vitia constituunt non symptomata , sed differentias constitutionis præter naturam , & tot quot sunt ea quæ eandem secundum naturam componunt ; siquidem , auctore Galeno , vitiorum genera eadem sint his quæ virtutem perficiunt , nisi quis nomen symptomatis in latiori significatione acceperit , pro omni eo quod præter naturam accidit . In qua quidem significatione nõ ab re omnes morbi possunt symptomata dici , quemadmodum Galenus asseruit , ideoq; figura vitiosa , veluti etiam vitiatu situs , atq; magnitudo læsa symptomata erunt ; generaliter accepto nomine symptomatis ,

in lib. artis  
med. cap. 8.

non de vitio  
in cap. 2.

in lib. de sym  
pto. dif. cap. 2.

*matris, sed non propriè; quoniam hæc vitia non sequuntur necessariò affectum præter naturam, veluti natura symptomatis propriè sumpti est eum sequi, ut umbra corpus sequitur; sed constitutioni secundum naturam accidunt necessariò.*

*Quod asserunt deinceps Asperitatem & lenitatem esse symptomata & non morbos, quòd intemperies partium similarium sequantur; asperitas quidem siccam, lenitas humidam, longe à veritate recedunt. Primò quoniam frustra Galenus numerasset ea vitia inter morbos sub mala conformatione comprehensos, si morbi nò essent. Tum etiam frustra causas morbificas eorùdem assignasset. Tum etiam quoniam quæcunq; vitia immediatè ledunt functiones partium corporis, & sunt de numero permanèntium, sunt morbi; at vitia in formatione, qualia sunt asperitas & lenitas præter naturam, primò ledunt functiones partium corporis; siquidem, authore Galeno, asperitas tracheæ vocem perturbat primò, & ventriculi ac intestinorum lenitas retentionē cibi, ob id morbi erunt. Nec obest quòd nascantur ex intemperie: quoniam, ut asseruit Galenus, contingit morbum ex morbo*

In li. de mor.  
diff. cap. 7.

In lib. de cās.  
morb. cap. 7.

Lib de morb.  
diff. cap. 7.

## DE CAUSA

nasci. Si itaq; asperitas & lenitas non impedirent primò functionem ullam, utiq; symptomatis rationem possent obtinere: sed cum functionem ledant, & sint de numero permanentium, non ab re morbi erunt, quamuis ex intemperie nascantur. Neq; huic reclamation Galenus, ut consideranti apparet.

In arte medic.  
cap. 68.

Eodem etiam fundamento saluamus meatuum & cavitatum obstructions, atq; dilataciones immodicas causam continētem formalem obtinere constituentem eos affectus de numero permanentium, & in genere morborum in formatione, qua nimirum posita, quacunq; ea fuerit, alter morbus eorum ponitur, & remota remouetur, istud natura formæ semper exigente. Quòd si doctissimi illi viri aduertissent, leuiter euasissent hanc, sicut & reliquas rationes Ingrassiæ, & non dixissent dilatatam cavitatem esse symptoma plenitudinis, & non posse esse morbum, cum expresse dixerit Galenus. Cavitatum morbi siue obstruantur, siue immodicè pateāt, omnes ad conformationis genus reducuntur. Immodica itaq; tensio, & dilatio, à quacunq; causa acciderit, morbus erit, & non symptoma. Et plenitudo, hoc

Vitiatā cavitatem morbi esse & nō sympt.

In li. de mor. diff. cap. 7. “

est

est humor replens erit vna causarū illius, & quidem efficiens dum est in fieri; forma vero cū est iā genita.

Et quia veritati omnia consentiunt, & fiunt aperta, ob id hac eadem via tolluntur etiam quæ in medium adducit Iulius Delphinus: quoniam illi morbi si considerentur vt sunt in fieri, sic habent causam efficientem proximam; quæ coniuncta vocatur: si vero vt sunt facti & absoluti, sic causam efficientem non habent; sed duntaxat formalem proximā, & coniunctam. Sicut si obstructio sit in fieri, & pendeat à tuberculo, vel lapide, aut humore, hæc omnia subeunt rationem causæ efficientis coniunctæ; sin vero facta sit, subeunt rationem causæ formalis proximæ, per quam constitutio habet esse præter naturam; si quidem hæc sint iam fixa & impacta in ipso meatu, et sint forma constitutionis meatus præter naturam. Eodem modo de Apoplexia dicendum est, necnon de intemperie cum præsentia materie, & de ea quæ est causa stuporis dentium.

Ad locum vero adductum ex primo de locis affectis clara est responsio: quoniam distinguere oportet an affectus leuiter inhæreat, vel altius figatur in

## DE CAUSA

corpore : quoniam si leuiter inhæserit, tollitur vna cū  
ablatione causæ. Quod sanè ex accidente euenit, eo sci-  
licet quòd leuiter figatur: quoniam si per se, tunc sem-  
per ad remotionem causæ morbus etiā remoueretur,  
quod falsum existit. Non igitur ex eo quòd pendeat  
à causa, tollitur vna cum causa; sed quia leuiter  
inhæret.

Causa forma-  
lis proxi. mor-  
bo. considera-  
tur in lib. de  
morb. differ.

Morbos enar-  
ratos a Gal. in  
lib. de morb.  
diff. non esse

Et sic generaliter verificabitur quòd nullius mor-  
bi debet assignari causa coniuncta efficiens; sed bene  
formalis. De qua proxima causa formali loquutus  
fuit Galenus in libro de morborum differentijs : in  
quo quidem libro cum sua intentio esset omnes morbo-  
rum differentias & species explicare, non potuit eas  
aptius explicare, quàm per formam dantem esse con-  
stitutioni præter naturam. Sicut per excedentem calidi-  
tatem, frigiditatem, humiditatem, aut siccitatem  
enumerauit species morborum partium similarium:  
quoniam illæ qualitates sunt forma proxima consti-  
tutionis præter naturam earum; quæ cōstitutio præter  
naturam non potest rectius declarari, quàm per qua-  
litem, vt per formam dantem illi esse. Ob id Ga-  
lenus dixit excedentem caliditatem, vel frigiditatem,

aut

## CONTINENTE.

III

aut humiditatem, & siccitatem esse morbos partium  
 similarium. Sicut etiam dixit magnitudinem auctā  
 & imminutam, & partem additam vel subtra-  
 ctam, & reliqua id genus esse morbos instrumenta-  
 riarum partium. Quoniam secundum veritatem ex-  
 cedens caliditas non est morbus: quoniam non sibi  
 conuenit definitio morbi; siquidem non sit constitutio  
 præter naturam partium similarium; quia non est  
 vitiosa proportio eorum, quæ componunt partes simi-  
 lares, sed bene est forma dans esse illi constitutioni  
 præter naturam, & vitiosæ proportioni componentium  
 partium similarium. Et quod dictum est de exce-  
 dente caliditate, consimili modo dicendum est de re-  
 liquis. Quæ determinatione stante, detegitur aliorum  
 error, bona eorum venia dictum sit. & primò quidē  
 asserentium humorem in aliquo meatu impactum,  
 & lapidem meatum vesicæ occupantem esse morbum,  
 & obstructionemmet, atq; immodicam qualitatem  
 ut excedentem caliditatem esse morbum. In quibus  
 certe aberrant Tum primò: quoniam morbus est con-  
 stitutio præter naturam; atqui nec humor, nec qua-  
 litas excedens est constitutio præter naturā, siquidē  
 constitutio

vere morbos,  
 sed formas pro-  
 ximas consti-  
 tutis pter na-  
 turam indicā-  
 tes veros mor-  
 bos.

Lapidē in ve-  
 fica & humo-  
 rem obstruen-  
 tem atque ex-  
 cedentem qua-  
 litatem nō es-  
 se morbos.



## DE CAUSA

*constitutio dicatur esse ipsius corporis, & non alterius à corpore. Quare nec erit morbus.*

*Tum etiam quoniā morbus est passio viuentis; at nec humor, nec qualitas viuunt. Quare nec morbi poterunt dici.*

*Tum quia morbus nedum esset in genere qualitatū, sed etiam substantiæ; siquidem humores & lapis substantia sint, quod absurdum est dictū.*

*Has rationes conantur illi euadere contra Valeriolam. Et primam quidem quòd licet morbus sit constitutio corporis, & non humorum; quia tamen humores & lapis in aliquam corporis partem confluentes eius actionem ledunt. Ob id morbi rectissime, ut sunt, dicuntur.*

*Secundam etiam conatur euadere, quòd licet morbus sit passio viuentis; & humores, nec lapis vitiat: tamen non licet propterea inferre eos non esse morbos: quoniam tantundem est, ac si quis intelligat. Morbus est constitutio præter naturam corporis, & non qualitatis. Igitur qualitas, verbi gratia, immodicus calor non est morbus. non valet: quoniā licet qualitas non ægrotet; quia tamen vitiat actionē, ob id est morbus.*

*Sed*

*Sed valdè perplexi sunt in his euasionibus, vt vi prædictarum rationum cogantur contradictoria concedere, nimirum humorem impactum esse morbum, & non esse; esse quidem quoniam aliquam actionem corporis ledit: non esse autem quòd non sit corporis constitutio quædam præter naturam, neq; affectio viuentis corporis; siquidem humores non viuant, nec animati sint: quamuis non vereantur turpiter concedere eos humores impactos, & lapidem vesicæ, & reliqua id genus esse affectum & constitutionem ex Galeni sententia.*

*Quòd si tamen aduertissent humorem impactum, atq; qualitatem excedentem, & alia id genus formas esse constitutionis præter naturam corporis, & in causa quòd hæc constitutio ledat actiones corporis, non vsq; adeo illis rationibus inuoluti fuissent, vt non facile ab eis exolui potuissent. Neq; etiã reprehēdissent alios asserentes lapidem vesicæ & renum, & intestinorum lumbricos & ascarides non morbos; sed morborum causas esse. Nec huic Galenum refragaris siquidem Galenus per ea intellexerit morbos, hæc est constituciones præter naturam iã factas ex præsentia*

eorum,

In li. de mor.  
dif. ca. 8. & 14.  
de morb. cur.  
cap. 13.

## DE CAUSA

eorum, quæ rationem formæ subeunt dictarum constitutionum præter naturā, quæ si fientes fuerint, tunc quæ dicta sunt obtinebunt rationem causæ efficientis coniunctæ. Ideoq; si lapis in vesica contentus iam atterat et desquamat, erit utiq; causa continens solutionis unitatis quæ est in fieri, non eius quæ facta est: ille nihilominus constituens morbum in numero, vel etiam in meatu, erit forma constitutionis præter naturam; siquidem contingat morbum ex morbo nasci, et unum morbum alterius respectu efficientis causæ rationem subire. Quapropter lapis in vesica cōtentus eius cōtractionē impediens morbum in numero constituit delapsus in eius ceruicem ex urina excretionem obledens morbum in meatu efficit. Isdem vesicam desquamans non morbum sed causa morbi existit, nimirum solutionis continui quæ est in generatione, & dum morbum in numero, aut in meatu cōstituit, forma existit constitutionis præter naturam ipsius vesicæ eiusdem operationis impediens, veluti pluries dictum fuit.

Morbum solummodo in genere, qualitatis reponi.

Sed multo minus tertiam rationem euadunt, dñs concedunt morbum non semper reponi in genere qualitatis;

litatis; sed interdum in genere substantiæ. Hac quidē ratione moti, quod quicquid naturalem corporis temperaturam, & structuram immutare, ac destruere potest, est affectus præter naturam positus à Galeno in ratione morbi; siquidem Aristoteles aliter quàm Galenus acceperit nomen affectus, nimirum pro qualitate quæ facile à subiecto amoliri potest: Galenus verò pro eo quod post absolutam alterationem, transmutationemq; permanet in corpore, turbans eius constitutionem.

In li. de mor.  
diff. cap. 8. &  
14. de morb.  
cur. cap. 18.

Sed substantia & qualitas possunt naturalem corporis temperaturam, & structuram immutare, ac destruere; veluti immodicus calor, qui qualitas est, naturalem temperaturam euertit, & lapis vesicæ structuram turbat, & suffusio hoc est humor glaciei modo inter corneam & cristallinum cōcretus, & Pterygion oculi etiam structuram immutant, quæ certe nemo tam stupidus est, qui ea qualitates esse dixerit. Igitur qualitas, & substantia immutantes naturalem temperaturam, & structuram corporis erunt affectus præter naturam, et ob id erunt morbi. Quapropter morbus, cū sit is affectus præter naturā,

## DE CAUSA

erit interdum qualitas, & interdum substantia.

Sed non aduertunt ipsos cadere in Scyllam, dum volūt euitare Charibdim, veluti dicitur in prouerbio Ut enim saluent humorem in meatu impactum, & lapidem vesicæ, suffusionem, atq; pterygion in oculo, & alia id genus vitia esse morbos, non verentur concedere morbum interdum poni in genere substantiæ, propterea quòd omnia prædicta substantiæ sunt, quo concesso sequuntur absurda ad eorum opinionem.

Cap. de oppo-  
sitis.  
1. de mor. cur.  
cap. 7.

Et primò quòd si morbus fuerit substantia, nihil ei contrariabitur; siquidem substantiæ nihil sit contrarium. Et ex hoc sequitur perperam dixisse Aristotelem & Galenum sanitatē & morbū esse cōtraria.

1. de mor. cur.  
cap. 7.

Secundò quòd sanitas, quæ morbo contraria est, reponeretur etiam in genere substantiæ; quoniam, auctore Galeno, nulla maior dementia est, quàm ponere sanitatem in vno genere, & in altero morbum.

Tertiò quòd terminus ad quē ipsius motus esset substantia, & non accidens, contra omnium philosophorum sententiam, volentium per solam generationem acquiri formam substantialem; per motum verò accidentalem.

Non

Non aduertunt etiam, quòd dum concedunt immodicum calorem esse verum morbum, quòd cadūt in hoc absurdum, quòd ad primam speciem qualitatis esset per se alteratio contra determinationem Aristotelis. Deducitur tamen illatio: quoniam ad excedentem caliditatem est per se alteratio; & excedens caliditas est per se morbus, vt placet illis. Quare ad morbum erit per se alteratio, quod falsum & absurdum; siquidem morbus sit dispositio, ad quam per se non est alteratio.

7. phys. t. 15.

Non aduertunt etiam in ratione adducta se confundere morbi causam cum morbo: quoniā quicquid turbat structuram, & naturalem temperaturam corporis, non potest esse structuramet, nec temperatura corporis; siquidem causa sit semper diuersa à causato; sed humor impactus, lapis in vesica, immodicus calor, & alia id genus turbant, vt inquiūt illi, & destruunt temperaturam, & constitutionem corporis. Quapropter non poterunt esse constitutionemet corporis. Non itaq; morbi erunt; siquidem morbus sit constitutio præter naturam corporis, sed erunt morborum cause.

## DE CAUSA

*Amplius si Galenus ita accepisset nomē affectus, ut illi dicunt, certe non morbi, sed causæ morbi definitionem assignasset. Quod erit evidens, si loco affectus præter naturam posuerimus eius definitionem, quam illi assignant; nempe quod affectus præter naturam est omne id, quod nativam partium temperaturam, ac structuram turbat, & demolitur, tunc erit integra definitio talis. Morbus est omne id quod naturalem corporis temperaturam, & structuram demolitur. Sed quis nescit istud esse proprium munus causæ, & non morbi? quoniam causa demolitur quidem naturalem structuram corporis, & eam efficit præter naturam; sed non morbus: quoniam hic est ipsamet constitutio corporis iam turbata, demolita, & præter naturam facta. Quapropter multo satius est reponere morbum duntaxat in genere qualitatis, quàm in varijs generibus, & asserere dispositionem, affectum, & constitutionem eandem rem significare tam apud Aristotelem, quàm apud Galenum, nimirum qualitatem permanentem in corpore cōmunem ad eam, quæ facile potest amoueri à corpore, & ad eam, quæ cum difficultate amouibilis sit; siquidem dispositionis*

## CONTINENTE.

115

*dispositionis nomen, ex Aristot. sententia, ad ambas dictas qualitates commune sit, ad habitum scilicet, et dispositionem propriè dictam, quæ qualitas permanens in corpore resultat ex partibus simul rectè commixtis, ordinatis, atq; dispositis, cum ea fuerit secundum naturam; Veluti ex eisdem male cõmixtis & constitutis, si eadem fuerit præter naturam. Veruntamen quoniam ea, quæ constitutionem, siue eam qualitatem præter naturam efficiunt, varia sunt, in varijsq; ponuntur generibus, nimirum in genere substantiæ, quantitatis, & qualitatis, vel situs. ob id etiam morbus ex accidenti poterit in varijs poni generibus: quoniam si humor & lapis reddunt constitutionem præter naturam, reponetur in genere substantiæ: quoniam humor & lapis sunt substantiæ, & si magnitudo aucta, vel imminuta, aut numerus partium, vel situs earum vitient constitutionem, reponetur in genere quantitatis & situs, prout id quod perturbat in hoc, vel illo reponitur genere. Quenadmodum in genere qualitatis, si qualitas fuerit demoliens naturalem temperaturam corporis: nunquam tamen perse & secundum propriam essentiam sub  
alio*

Dispositionis  
nomen idem  
significare a-  
pud Arist. &  
Gal.



## DE CAUSA

alio genere constituetur morbus, quàm sub genere qualitatis.

*Sed contra obijcerent Aduersarij: quoniam sic semper morbus deberet tolli cum alterantibus; siquidem sit qualitas, & qualitas per ea quæ alterant remoueat.*

Cõstitutio cor-  
poris quãuis  
sit qualitas nõ  
tamen semp  
cũ his quæ al-  
terant muta-  
ri potest.

lib. 7. phy. c. 15

*Nisi esset quòd non omnes qualitates per ea quæ alterant tolli possunt: quoniam quedam reperitur qualitas, quæ ex mixtione qualitatum primarum trahit originem, qualis est constitutio partium similarium, quæ ubi fuerit præter naturam, poterit per contraria alterantia curari; sed non primò: quoniam demonstratum est ab Aristotele, quòd qualitates de prima specie qualitatis non per se alterantur; sed intercedente alteratione facta in qualitatibus primis sensibilibus; veluti densato, aut rarefacto, vel calefacto, aut frigefacto corpore tolluntur. Alia est qualitas reperta in corpore, quæ est constitutio partium instrumentarum comprehensa etiam sub prima differentia qualitatis, quæ ex certa quadam conformatione, magnitudine, numero, & positione partium similarium resultat, quæ ubi fuerit reddita præter naturam, poterit*

poterit interdum per ea quæ alterant in naturalem statum reduci, non tamen primò; sed facta prius alteratione in qualitatibus primis. Veluti si præ nimia humiditate laxa fuerint & emollita ligamenta alicuius partis instrumentaria, vel præ siccitate nimium tensa, ut hac de causa vitiata sit constitutio illius partis, utiq; per contraria alterantia sanabitur ea constitutio. Quemadmodum etiam si conformatio fuerit lesa propter humorem crassum, vel viscidum in aliquo meatu impactum, cuius gratia constitutio partis turbata sit. Ex accidente etiam curabitur cum alterantibus; siquidem non nisi virtute primarum qualitatum quod crassum est attenuari, & viscidum detergi possit. sed interdum nullo modo per alterantia tollitur; quod quidem euenit, quando propter vitium in magnitudine, vel numero, aut situ partium fuerit impedita constitutio partis instrumentaria: quoniam tunc per operationem manu factam restituitur constitutio deperdita, Quòd si cum medicamentis restitueretur; utiq; alteratio per primas qualitates facta etiam concureret ad talem restitutionem faciendam.

Et ex his apparet, quòd licet morbus sit qualitas,  
non

Morbus quā-  
uis sit quali-

## DE CAUSA

tas nō semper  
tamen cum al  
terantibus cu  
rari potest.

Obstructionē  
nō esse humo  
rem impactū  
sed qualitātē.

non tamen necessarium est quod per alterantia semper tollatur, quemadmodum credunt illi viri, dum conantur tueri obstructionem esse humorem impactum, & non esse qualitatem.

Ad quod etiam astruendum adducunt hanc alteram rationem, quæ est, quod obstructio impedit distributionem; at qualitas non impedit distributionem. Quapropter obstructio non erit qualitas. Quæ soluitur negando quod qualitas non impediat distributionem: quoniam quamvis nulla qualitas prima sit quæ impediat, de qua fortè intelligunt illi, nihilominus qualitas præter naturam, quæ est constitutio meatus facta præter naturam per præsentiam humoris impacti, est ea quæ distributionem impedit: quoniam ad quem modum constitutio secundum naturam meatus ponitur distributionis causa, sic etiam eadem præter naturam erit causa impediæ distributionis. & ideo humor ille impactus non impedit distributionem; sed erit constitutio meatus præter naturam ex præsentia illius humoris facta, veluti per præsentiam formæ res existit, & obtinet propriam essentiã.

Sed non parū etiã iudicio meo, distant à veritate  
in eo

in eo quod ipsi producunt contra quendam innominatum authorem, & contra *Motisianum*, asserentes, ex *Aristotelis* sententia, morbum in genere qualitatis reponi. At isti inquit non in genere qualitatis; sed eorum quæ ad aliquid referuntur, reponendum esse, veluti etiã sanitas. Quod esse ex *Galenus* sententia conantur monstrare. Quoniam, inquit, affectus ad actionem refertur; siquidem dicat *Galenus* affectum una cum actione consistere, nec posse unquam aut probam actionem esse sine corporis naturali affectu, aut vitiosam, nisi ubi corpus præter naturam affectum & lesum sit. Quapropter, ut relata sint, & inter se conferantur, siue alterum ad alterum referatur, quemadmodum pater ad filium, est necesse. Ut enim pater & filius mutuo referuntur sic præcise affectus & actio; sed morbus & sanitas sunt affectus. ob id erunt ex genere eorum quæ sunt ad aliquid.

Quod etiam testimonio *Aristotelis* confirmare contendit, definientis relata esse quæcunque hoc ipsum quod sunt aliorum esse oportet; siquidem, posito relatorum, alterum quoque sit: & vicissim, uno sublato,

lib. 1. de mor.  
cur. cap. 8

nec illud cum quo cōferebatur esse possit, & ob id colligunt quòd morbus, & vitiosa actio vicissim referuntur, & vitiosa actio est terminus ad quem relationis, veluti morbositas relatio existit.

Sanitatem & morbum non posse in genere eorum quæ sūt ad aliquid reponi.

Sed falsa est ista opinio. & primò quidem ex communi omnium sententia: quoniam ea dicuntur poni per se in aliquo vno genere, quæ primò illud significant, & in quo eorum essentia saluatur; at sanitas & morbus ex prima eorum significatione qualitatē significant; siquidem qualitas definiatur quòd ea sit, secundum quam quales esse dicimur, & sanitas atq; morbus eam qualitatem primò significant, à qua denominamur sani, aut morbofi, siue ab ægritudine ægri. ob id sanitas & morbus per se in genere qualitatis reponentur. Non enim relationem per se significare possunt: quoniam per se horum esse non est ad aliud referri; non enim sanitas per se ad aliud refertur, sed primò rem absolutam significat, veluti etiā morbus, quemadmodum ipsimet concedunt, dum examinant dicta Ioannis Philippi ingraſſiæ; concedunt scilicet morbum habere esse absolutum. nō itaq; respectuum habebit. Quapropter neq; in genere relationis

lationis collocabitur primò.

*Tum etiam quoniã nulla substantia per se ponitur in eorum genere, quæ ad aliud referuntur, ex Aristotelis sententia primam relatorum definitionem corrigentis; sed morbus, etsi non omnis, saltem aliquis secundum istos est substantia. Igitur per se non poterit reponi in genere relatorũ. Siquidem ea duntaxat per se in eo genere ponantur, quorum esse est, vt ad aliud referatur; sed esse ipsius substantiæ non est tale: nam esse lapidis non est ad aliud referri, neq; humoris alicui cauo affixi, nec alterius id genus. Ex accidente tamen sanitas & morbus poterunt in genere relatorũ collocari, ea quidem ratione qua affectus sunt, vel dispositio, quæ ex accidente ponitur in eodem genere relationis; quoniam ea omnia dicuntur per accidens poni in eo genere, quæ ex prima eorum significatione absolutum important, & non respectum; qualia sunt ea relata quæ secundum dici nominantur: ea vero quæ secundum esse relata dicuntur, per se in eo genere collocantur: quoniam prima horum significatio est comparata ad aliud; illorum autem non, veluti dominus & seruus, pater filius, duplum dimidium,*

Affectus vel dispositio per accidens ponitur in genere eorum quæ ad aliquid.

Et alia id genus ad aliud per se referuntur: quia non intelligitur dominus per se, nisi quia habet seruum, nec seruus nisi quia habet dominum, nec pater sine filio, nec filius sine patre. Sed scientia, virtus, sanitas, aegritudo, Et alia id genus, quia ex principali significato qualitatem significant, Et non relationem: quoniam absolutum significatum semper est prius respectivo in his, quæ per dici relata existunt, ob id per se locabuntur in genere qualitatis, Et non relationis. Veluti etiam caput, manus, lapis, humor, Et omnes substantiæ: quoniam significant primò rem absolutam, quæ est substantia, quapropter per se in genere substantiæ erunt reposita, Et secundum accidens in genere ad aliquid.

Affectus quomodo ad actionem referatur.

Ad ea verò quæ obijciunt, respondeo quòd dato eis quòd affectus ad actionem referatur; negatur tamen quòd ex primaria ratione ad eā referatur: quoniam id distaxat veritatem habet, ubi affectus subit rationem cause agentis: quoniam causa agens simul existit cum sua actione, Et quia affectus est causa agens, ob id dixit Galenus eum cum actione unà consistere. Ex prima autem sua ratione qualitatem significat,

significat, qua corpus denominatur affectum, siue dispositum, aut constitutum. Neq; simile est de patre & filio, & affectu & actione: quoniam pater & filius sunt per se relata; affectus autem & actio secundum accidens.

Definitio etiam relatorum ex Aristotele producta veritatem habet solummodo in relatis secundum essentiam, non secundum nomen, siue (ut inquirunt) secundum dici: quoniam eorum, posito vno, per se ponitur alterum, & remoto remouetur; ut liquet de patre & filio, sed non istorum; siquidem, posito affectu, non per se ponitur actio, nec ablato, aufertur, sed secundum accidens: eo quod ad positionem, vel sublationem affectus ponitur, vel aufertur causa agens. Cum itaq; affectus non per se ponatur in genere relatorum, quare neq; morbus neq; sanitas in eodem poterunt per se primo reponi, & ob id etiam non sequitur quod morbus per se referatur ad vitiosam actionem tanquam ad terminum ad quem relationis, veluti ex iam dictis euidenter apparet. Præter quod, ex Galeni sententia, vitiosa actio est terminus ad quem motus præter naturam. Igitur non poterit esse terminus

in lib de inequal. intemperie cap. 5.



## DE CAUSA

lib. 5. phisico.

*terminus ad quem relationis; siquidem relatio non sit motus, Veluti Aristoteles declaratum reliquit.*

*Sequitur etiam eosdem non rectè sentire, quando contra nonnullos volunt euadere, quòd si morbus est substantia, quòd etiam sanitas deberet esse substantia, quòd contraria in eodem genere debeant poni. Inquiunt concedendo morbum & sanitatem esse contraria, ideoq; hoc nomine idem vtriusq; esse genus, nempe affectum, & non substantiam. Et quia affectus in genere relationis ponitur, quare sanitas & morbus in eodem genere collocabuntur. Quoniã non aduertunt (pace eorum dixerim) rationem nō euadere; siquidem velint lapidem in vesica, humorem cauo infixum, pterygion in oculo, & alia id genus esse per se substantias, quæ cum ab eisdem per se affectus, ideoq; morbi esse statuuntur, non ab re sequitur affectum præter naturam, morbumq; esse per se substantiam, et propterea etiam sanitatem per se in substantia reponi.*

*Præterea qua ratione affectus ponitur in genere relationis, eadem sanitas atq; morbus; sed ille ex accidente, & nō primaria, sed secundaria ratione, ut  
rationem*

*rationem efficientis causæ subit, veluti præactum est, ob eandem etiam rationem sanitas & morbus in eo genere locabuntur. Non itaq; affectus, ideoq; relatio, ut illi inquirunt, poterit esse verum genus sanitatis & morbi.*

*Apparet etiam ex dictis quàm hallucinetur Ioānes Argentereus vir sane doctus, sed in Galenum nimium mordicus, cum asserit exceedentem caliditatē, & alia id genus iam dicta esse remotā causam morbi, proximam verò esse vitiatam, & iniustam componentium proportionem; siquidem, hac posita, ut ille inquit, ponatur statim morbus, et remota, remoueat morbus & constitutio præter naturam; posita autem caliditate, non statim ponitur morbus, nec remota, remouetur; sed ponitur primò vitiatà proportio, & hac posita, ponitur vitiatà constitutio corporis, quæ est morbusmet. Nam primò, ut inquit, cibus calidior est causa exceedentis caloris in corpore, & caloris excessus est causa vitiatæ proportionis, & vitiatà proportio est causa vitiatæ compositionis, quæ est morbus. Et sic caliditas duplici, ut inquit ille, intervallo distat à morbo, & eodem modo reliqua dicta.*

*Sed*

*Quæ Ioannes Argentereus. lib. i. de causis morb. cap. 9.*

Vitiatam proportionem esse cōstitutio nēmet corporis præter naturā & nō causam illius.  
in lib. de mor. diff. cap. 2.

*Sed, meo quidem iudicio, aberrat, cum existimat vitiatam proportionem componentium esse causam constitutionis præter naturam, sicq; aliam ab ea. Quod falsum omnino existit: quoniam si ( Ut inquit Galenus ) morbus est ametria, hoc est incommoderatio, & omnis incommoderatio sit vitiata, & præter naturam facta proportio componentium; siquidem omne immoderatum sit præter naturam, Ut Galenus ibidem inquit. Utiq; sequitur morbum esse vitiatam proportionem componentium. Non itaq; vitiata proportio erit alia à cōstitutione præter naturā.*

*Quemadmodum etiam aberrat, cum velit quòd exuberans caliditas, & alia prius enarrata non sint proxima forma constitutionis præter naturam: quā tamen illis positis ponatur statim constitutio præter naturam, & remotis remoueat, veluti euidentissimè apparet. Igitur erunt proxima forma illius.*

*Relicto itaq; eo medio dicendi modo Ioānis philippi Ingrassie, & Iulij Delphini, alterum duorum extremorum approbemus necesse est, eum nempe qui constanter negat causam contentiuam in morbis assignandā esse, accipiendo nomen morbi in significatione iam*

Tenetur non dari causā cōtinentem vt prima opinio asserbat.

iam dicta, ut videlicet affectum permanentem significat, propter nimirum auctoritates, & rationes adductas; quem modum, ut probabiliorum & veriorum ad mentem Galeni defendendo, ad ea, quae alter extremus modus in oppositum adduxit, respondendo dicamus.

Primò adducebatur sententia Avicennae, quam licet possem euadere, ut communiter omnes euadunt eam negando, ut quòd Avicenna ex professo fuerit alterius opinionis. Nihilominus placet mihi aliter satisfacere, & Avicennam virum sanè suo tempore in omni bonarum artium genere peritissimum in bonum sensum trahere, & non eius auctoritatem nihili facere, ut plerique hac nostra aetate facere solent. Dico igitur quòd morbi nomen apud Avicennam est maioris ambitus, quàm sit apud Galenum; siquidem Avicenna sub morbo comprehendat non modo affectum permanentem; sed etiam affectum, qui est in fieri qui sane ut est in fieri & motus pathos est: cuius fidem facit quòd de pathemate sermonem non habuit sed Galenus solummodo affectum permanentem intellexit nomine morbi; & quoniam, ut dictum fuit,

Avic. qua ratione concedat dari causam coniunctam.

Avic. latius accipere nomen morbi quam Gal.

*affectuum qui sunt in fieri assignatur causa efficiens coniuncta; factorum verò & permanentium non, ob id Auicēna assignauit causam coniunctam in morbis; Galenus verò eam abnegauit.*

Putredo quare  
ratione dica-  
tur causa con-  
iuncta febris

lib. xi. de mor-  
bis. cur. cap. 9.  
in fine.  
eodē lib. cap.  
4. & 10.

lib. 8. de mor-  
bis. cur. cap. 2. in  
fine. *ubi dicitur*  
in lib. art. me-  
dic. cap. 89.  
Fen. 4. i. cap. 2  
circa. princi-  
pium. & l. 4.  
4. t. 2. cap. 7.

*Et hoc modo intellexit putredinem esse causam coniunctam febris, quæ scilicet est in fieri & motus; sed non febris iam facta & genita, sed huius respectu putredo dicitur quedam causa antecedens ex Galeni sententia, qui tradens methodum curatiuam febriū ex putredine genitarum docuit prius inhibendam esse putredinem, quòd ea inhibita tollitur febris quæ erat in generatione, sed non quæ est genita, nisi ex acci-  
denti vbi scilicet parua fuerit, et læuiter corpori inhæ-  
serit, vt eiusdem sententia est. sed vbi fixa sit & in corpore permanens, præcepit. Galenus quòd abscissa causa ad eam deuenire oportet.*

*Quod sanè Auicenna etiam non ignorauit lo-  
quens de medicationibus egritudinum malitiæ com-  
plexionis, & de curatione febrium putridarum in  
generali. Quandiu igitur humor aliquis, veluti, ser-  
monis gratia, biliosus putrescit, tandiu etiam febris  
succeditur, & in generatione persistit: quo euacuato  
vel*

Vel per vomitum, vel per alui deiectionem, vel per sudorem, febris etiam quæ erat in generatione deficit. Quod si aliquod eius sit factum: quoniam hoc imbecille est, & leuiter corpori hæret, à natura per ablationem causæ roborata facile superatur citra auxiliū artis; sin minus tunc ad alterantia confugere oportebit, & per refrigerantia quod factum est remouere, nec non & prauam loci in corpore dispositionem demere: in quo putredinis reliquæ solent permanere, ne alterius accessionis febrilis occasio præbeatur, veluti Galenus annotauit in hunc modū scribens. Remanet tamen quedam dispositio præter naturam in corpore: à qua secundum circuitum & aliæ febres, & agitudines generantur.

Sunt tamen qui dicunt Auicennam per putredinē intelligere non humorem putridum; sed putridam fuliginem: quoniam hac posita ponitur febris putrida, & remota remouetur, quod de humore putrido dicendum non est, sicut voluit Gentilius, & quidam alij eum immitantes.

Sed credo ego putridam illam fuliginem non esse causam febris; sed febrem met putridam ex Galeni

lib. 4. aphor.  
co.aph. 63.

“

“

“

supra 4. i. t. 2.  
cap. 7.

Putridam fuliginem per totū corpus dispersā esse febremmet putridam.

lib. 1. de diff.  
feb. cap. 5.

## DE CAUSA

sententia, qui assignans rationem cur ex putredine humorum in tumore inguinum suboritur febris ephemera; ex putredine verò humorū in visceribus, vel magnis venis contentorum non ephemera, sed putrida succenditur, inquit, quòd causa diuersitatis est: quoniam in illa febre inguinū putrida fuligo non peruenit ad cor; sed manet in loco inguinis circumscripta sola alteratione per continuum facta vsq; ad cor. In altera verò quidam veluti fumus ex putrescentibus humoribus ad ventriculos cordis tendit, atq; inde per vniuersum corpus demissus febris appellatur putrida, sicut ephemera si sola caliditas præter naturam citra putredinem per totum diffundatur corpus. Erit itaq; illa putrida fuligo non causa febris, sed febrismet; nisi dixerimus esse formale, et non efficientē causam.

Febrem remanentem post remotionē putredinis esse putridam

Et ex eadem Galeni sententia euidentis est, quàm ab ea deuiant, qui asserunt febrem remanentem post remotionem putredinis non esse putridam; sed vel ephemeram, vel quandam malam temperaturam calidam. Quoniam si putrida fuligo à corde in vniuersum corpus demissa permanere potest, remota putredine vtiq; febris quæ remanebit, non poterit non esse

*esse putrida; siquidem, ex Galeni sententia, ortum attestetur suæ origini, & decisum seruet naturam subiectæ substantiæ, à qua deceditur.*

*in lib. ar. med.  
cap. xi. in fine  
Et. i. sec. apho.  
in enaratione  
aphor. 14.*

*Rectius itaq; dicendum est, Auicennam per putredinem intellexisse humorem putridum, cum non potuerit intelligere putredinē in abstracto, nec putridam fuliginem, cum hæc sit febris met putrida: quā putridinem dixit Auicenna esse coniunctam causam febris, eius scilicet quæ est in fieri. Cuius ratio est, quoniam voluit causam coniunctam esse causam corporalem, ex qua prouenit dispositio corporalis aduentu primò, hoc est absq; medio. Itaq; nihil intercidit inter ipsam causam, & affectum; sed putredo est huiusmodi causa corporalis, ex qua aduentu primo, hoc est immediate prouenit febris putrida. Quapropter erit causa coniuncta & immediata ipsius. Voluit nimirū causam coniunctam esse quæ actu efficit: quam nimirum Galenus Antecedentem appellat, ut supra monitum fuit; & quia putridus humor actu febrem facit, ob id erit causa coniuncta febris quæ fit.*

*Et si bene Galeni, atq; Auicennæ dicta rimentur nulla inter eos apparebit differentia, nisi in nomine:*

*quoniam*

*Differentia  
Gal. & Auice.  
de causa coniuncta in nomine consistit.*



## DE CAUSA

4.1.cap.2.  
1.4.t.2.cap.7.

quoniam conueniunt ambo, quòd morbus factus & corpori affixus non habeat causam à qua dependeat, & de hoc non est dubium apud Galenum. Sed quòd Auicēna idem voluerit, apparet ex prius dictis, vbi præcipit quòd facta euacuatione, & remota causa, ad complexionem inductam & ægritudinem factā esse postea accedendum: cui medicationem propriè conuenire dixit, sicut complexioni pendenti à causa medicationem cum præmissione seruationis, vt ibidē apparet. Morbus verò qui est in fieri & motu necessario habet causam, vt ambo fatentur, & innuit Auicenna in exemplo, cum inquit. & humor qui ad foramen descendit oppilationis. In quo exemplo apparet Auicennam velle humorem esse causam coniunctam oppilationis, quæ est in fieri: quam, vt in motu est, communi nomine morbum appellat, in hoc discrepans à Galeno, qui affectum qui est in motu pathos esse affirmat. Sic etiam in nomine causæ differūt quòd quam antecedentem Galenus nominat, Auicenna dicit esse coniunctam. Conueniunt tamen etiam in hoc, quòd morbus iam genitus non habeat causam continentem: sed ipsemet sit causa continens vitiosarum

tiosarum actionum. Quod quidem voluit *Auicēna*, cum subdens exemplificando de causa coniuncta inquit. Et oppilatio cecitatis. In quo quidem exemplo vult oppilationem, quæ est morbus, esse causam coniunctam cecitatis, quæ est visio læsa.

Et ex his, quæ hætenus dicta sunt, apparet quòd *Auicenna* non est adeo dammandus, ut multi hodierno die censent; quinimmo nullam meretur reprehensionem, cum neq; *Galeno*, neq; alicui alteri fuerit adiutus: sed liberum sermonem seruauerit, veluti in prohemio libri primi suæ sufficientiæ dixit; & ut voluit, & sibi rationabiliter placuit rem enūciare, semper enunciauerit; & cum alterius dicta recitare voluerit, *Auctorem* citauerit. Quapropter qui opinionem *Auicennæ* hoc modo intellectam approbare voluerit, non à veritate longe aberrabit, nec morborum curationem peruertet.

Eodem modo dicendum est *Ioannitium* cōcedere causam coniunctam in morbis qui sunt in fieri & in motu: quoniam sic necessario pendent à causa alterante & mouente corpus; cum nullus possit assignari motus sine motore à quo pendet. Sed ubi iam factus  
sit

## DE CAUSA

fit, et in corpore permaneat, non est opus aliqua causa efficiente & mouente: quoniam habitu acquisito cessat omnis motus & actio motoris, sicq; nulla est assignanda causa efficiens coniuncta ipsius morbi iam facti; sed bene fientis.

Et hac eadem via possunt saluari dicta aliorum Auctorum, & Galenimet in locis supra citatis: quoniam omnes auctoritates concedunt dari causam efficientem coniunctam ipsius actionis, vel alterationis & motus qui fit in corpore, & affectum qui est in motu ab eadem causa dependere.

Cuius responsionis Auctor est Galenusmet in libello contra Iulianum in hunc modum dicens. Non mehercle quæ ex his quæ absolute esse dicuntur, sunt cause coniunctæ; sed quæ in generatione ipsa essentiã habeant. Quod etiam scriptũ reliquit in principio primi de causis pulsuum, cum dixit. Triplex est causarũ genus non in pulsibus modo; sed & in alijs cunctis. Vnum quod primum & precipuum, quod quidem continens appellant: cuius inde appellatio deducta est, quod illorum essentiã contineat; quæ, vt modo diximus, generationis est causa. In quibus verbis apparet euidenter

evidenter Galenum concedere causam coniunctam in rebus fientibus solummodo, aliter quidem quam Stoici, & Athenaeus Attaleus, et eius sectatores: quoniam Stoici omnium siue natura constarent, siue nō, ut sunt morbi, continentem causam ponebant qualitercunq; se haberent, vel in generatione & fieri, vel in facto esse. Ita quod Galenus non omnino negat dari causam continentem, neq; reprehendit eos, qui eam admittebant; sed negat duntaxat eam dari, ut antiqui dicebant, videlicet in fientibus, ac factis: quoniam vult Galenus eam solummodo in fientibus reperiri. Et sic eam non damnat, sed solummodo modum ponendi reprehendit, ut apparet exemplo citato contra Iulianum, & auctoritatibus in medium adductis. Quibus licet haec communis responsio satisfaciat, aliqua ex dictis sunt particulatim consideranda. Veluti exemplum adductum ab Auctore definitionum medicarum de lapide in vesica, & in oculo, quod si debet in se veritatem continere, sic debet intelligi, quod cum lapis possit esse morbus in meatu, & in numero, si fuerit impactus in meatu ita ut meatus sit omnino obstructus, erit causa non

Stoici in quibuscumq; rebus qualitercunq; dispositis ponebant causam continentem. Gal. solummodo in fientibus.

Gal. non negans dari causam continentem eam solummodo admittere in fientibus.

## DE CAUSA

Idem diuersa  
ratione potest  
esse efficiēs &  
forma.

efficiens ; sed formalis ipsius obstructionis factæ : si-  
quidem constitutio vesicæ, vel meatus sit facta præ-  
ter naturam per præsentiam lapidis impacti ; cum  
vero non sit adhuc impactus, sed figatur continuò,  
& obstructionem faciat, erit utiq; causa coniuncta  
efficiens obstructionis, quæ est in fieri : quoniam non  
est inconueniens ut idem diuersa ratione consideratū  
possit esse efficiens, & forma ; sed si lapis fuerit in  
spacio vesicæ contentus, erit morbus in numero, sicut  
etiam Unguis in oculo : nam lapis impedit quo minus  
vesica possit in sese contrahi, ut facile Urina possit  
egredi, & Unguis operiens pupillam impedit visionē:  
uterq; tamen est causa formalis proxima constitu-  
tionis præter naturam, & non efficiens : nam posito  
lapide ponitur affectus in numero, & constitutio  
præter naturam vesicæ per præsentiam lapidis, sicut  
etiam per præsetiam Unguis ponitur constitutio præter  
naturam oculi, & remoto remouetur. Causa autem  
efficiens est quodcūq; generat lapidem, vel Unguem,  
ut ex Galeno liquet : nam huiusmodi causa im-  
mediatè efficit constitutionem præter naturam in nu-  
mero ; lapis autem factus, & similiter Unguis sunt  
forma

lib. de causis  
mor. cap. 8.

*forma eiusdem constitutionis præter naturam. Et hoc sane pacto intelligere oportet exemplum adductum, si ullam veritatem in se continere debet, alioquin reiiciendum tanquam falsum.*

*Exemplum etiam adductum ab auctore introductorij Medicinæ de spina, & telo consimili modo intelligendum est: quoniam spina, & telum possunt considerari vel ex parte solutionis unitatis, quam faciunt, quo modo conceditur esse causam efficientem coniunctam solutionis quæ est in fieri, non eius quæ facta est: quoniam illis positis ponitur, & remotis remouetur solutio quæ est in fieri, non tamen quæ est permanens. Vel ea ratione consideratur quæ morbum quempiã in numero constituunt. Qua quidem ratione concedere oportet ea esse causam formalem coniunctam: quoniam affixa corpori augent numerum partium, & forma sunt constitutionis præter naturam; siquidem illis positis ponatur constitutio præter naturam & morbus in numero, & remotis remouetur. Quod si aliter intelligatur exemplum absq; dubio erit falsum: quoniam non est verisimile quod auctor ille fuerit adeo rudis, ut ignoraret quod remota spina, &*

## DE CAUSA

telo non remouetur solutio, facta.

*Galenus in libro de sectis non ab re reprehendit Methodicos, qui in curatione morborum despiciēbāt causas, & praeincipientes quidem quod hae, Vbi morbum effecerunt, cessant & abeunt; antecedentes autem, & continentes: quoniam abditæ & obscuræ sint, & ob id curationi inutiles. Hos inquam reprehendit Galenus: quoniā medicus priusquā ad morbi curationem accedat, debet diligenter considerare an causa sit in corpore, à qua morbus dependeat, vel ea iam desierit agere, manente morbo, quemadmodū Galenusmet nos admonuit quarto de morbis curandis, & passim in reliquis libris de methodo curandi, & in libello contra Iulianum: quoniam si subest causa in corpore, ab ea prius exordiendum est; siquidem ea manente morbus fiat repetens; si verò manente affectu causa desierit agere, ad morbum protinus accedendū erit. Quapropter Methodici despicientes causas in curatione morborum plurimum aberrabant, & eo maxime: quoniam existimabant morbum esse actionem lesam, cuius, cum morbus sit causa continens, & hanc despexerint, utiq; digni sunt reprehensione.*

*Debebant*

cap. 4.

cap. x.

Debebāt itaq; Methodicī considerare omnes causas  
& antecedentes, & contentivas morborum, si mor-  
bi has habuerint, & ab eis curandi indicationes pe-  
tere: quoniā morbi qui sunt in fieri, nō aliter curari pos-  
sunt, quā per remotionē causarū, à quibus depēdēt.

Eodem modo saluatur quod dicit Galenus in li-  
bello contra Iulianum: quoniam conceditur dari con-  
tinentem causam in rebus, quæ sunt adhuc in genera-  
tione. Quam Galenus ibi definiēs dicit eā esse, à qua  
aliquid fit: qua cessante agere res etiam cessat fieri.  
Atque sic conceditur plenitudinem esse quorundam  
morborum qui sunt in generatione causam efficientē  
coniunctam, ut phlegmonis, edematis, & relinqui-  
rum id genus. Quod si iam facti sint & geniti, pleni-  
tudo in parte contenta, & impacta erit causa con-  
iuncta nō efficiens, sed formalis, ut prius dictū fuit.

Pari passu incedit dictum Hypocratis secunda  
seçtione Aphorismorum, & secundo de natura hu-  
mana, de morbis in quā qui sunt in generatione  
& motu, & non de his qui sunt iam producti.

Sic etiam intelligitur auctoritas Galeni primo de  
causis pulsuum, ut euidenter apparet ex Galenomet:  
cuiuscunq;



## DE CAUSA

cuiuscunq; enim actionis, vel alterationis & motus necessario assignatur causa efficiens coniuncta, veluti causa pulsabilis motus est vitalis facultas in corde, & arterijs contenta. & generationis cuiuscunq; semper est propriam assignare causam efficientem. Neq; aliter interpretatus est Matthæus Curtius hanc Galeni auctoritatem hic Bononiæ, dum publicè Medicinam profiteretur, quàm dictum sit, quicquid antea dixerit in Ticinensi Gymnasio referente Marco Antonio Montisiano Gentinianensi in Quæstionibus suis medicinalibus.

Quamvis Iulius Delphinus miretur de hoc dicto, quòd scilicet in omnibus alijs rebus præter morbos datur causa coniuncta: quoniam, inquit, quænam est causa continens ipsorum animalium? sanè materia non potest esse continens; forma autem est ipsa rei essentia. quare nulla erit.

Sed non aduertit hic vir Galenum velle causam continentem dari in omnibus rebus, quæ sunt in fieri & in motu, & non in esse stabili & permanente. Quapropter animalium, quæ sunt in fieri et in motu, dabitur causa efficiens coniuncta, quæ est causa generationis

*rationis eorum : factorum autem & permanentium non , vt sepe fuit dictum.*

*Neq; aliter , iudicio meo , intelligi debent quæ adducuntur ex primo de causis symptomatum : quoniam Galenus accipit amplitudinem & angustiam, siue magnitudinem & paruitatem pupillæ, vt morbi sunt , qui adhuc in fieri & motu existunt , quorum causa continens non ab re est tensio , vel laxitas tunicæ rhagoidis: tensio quidem continens causa amplitudinis ; laxitas autem paruitatis.*

*Sed contra hoc omnes ferè instant, asserentes magnitudinem & paruitatem pupillæ non esse morbos, sed symptomata: quæ sunt actiones læsæ , vt expresse Brasauola inquit , atq; sic vt symptomata obtinere causam continentem, quæ est morbus, nempe tensionem & laxitatem. Quòdq; ita sit probant.*

*Et primò inquirunt, quòd Galenus asserit amplitudinem & angustiam non ledere visionem suapte natura ; sed propter morbos quos sequuntur. Vult igitur eos affectus esse symptomata , & non morbos.*

*Secundò, quoniam ad esse morbi duo potissimum requiruntur ; nempe quòd sit affectus præter naturā, & quòd*

## DE CAUSA

*Et quod functiones ledat; sed magnitudo et paruitas pupillæ non sunt affectus, scilicet permanens: quoniam continentem causam non haberent, neque actionem ledūt: quoniam, inquit Galenus, quod aliquis deterius, aut nihil omnino cernat, id non pupillæ ratione, hoc est propter pupillæ amplitudinem et paruitatem; sed propter prauos affectus, id est tensionē et laxitatem accidit. Et rursus si paruitas pupillæ morbus esset, perpetuò lederet visionem iuxta definitionem morbi; sed constat ex Galeno hanc interdum esse occasionem acutissimi visus. Igitur non morbus erit.*

Magnitudinē  
& paruitatem  
pupillæ nō esse  
symptomata,  
sed morbo.

*Sed mea quidem iudicio euidenter aberrant: quoniam si magnitudo et paruitas pupillæ essent symptomata, et ea symptomata quæ sunt actiones læsæ, ut euidenter inquit Brasauola, cuiusnam virtutis quæso essent actiones læsæ? vel animalis, vel naturalis. Nō naturalis, ut liquet. Neque animalis: quoniam maxime facultatis visus. Sed istius nō: quoniam sicut foramen pupillæ secundum naturam dispositum non est visio, sic etiam eius immutatio per dilatationem, aut constrictionem ad magnitudinē, et paruitatem*

*non*

non erit læsa visio. Quare neque symptoma; siquidem, si contrarium contrario non inest, neq; contrarium contrario inerit per locum dialecticum; sed perfectio visionis non inest pupillæ secundum naturam: quoniam hæc nedum nō est visio, verum etiam neq; visionem efficit; sed vsum præbet parti principaliter visionem producenti. Quapropter neq; læsa visio inerit pupillæ præter naturam dispositæ.

Tum etiam ex scopo Galeni in eo libro; siquidem eius intentio sit causas eorum symptomatum enarrare, quæ sunt actiones læsæ virtutis animalis, sumens exordium ab ipsa visione: quàm inquit præter alios affectus, quibus impediri potest, lædi etiam vitio foraminis tunicæ rhagoidis, hoc est pupillæ. Quod quadrifariam fieri posse ostēdit, nempe aucta pupilla, imminuta, diuulsa, atq; disrupta. Quod cum ita sit, constetq; secundum eiusdem sententiam morbos esse causas symptomatum, & visionem læsam esse symptoma, utiq; constabit etiam eos affectus qui sunt causa visionis læsæ esse morbos; cumq; inter eos connumeret magnitudinem & paruitatem pupillæ præter naturam, ob id vult hos affectus morbos esse, &

lib. i. de causis  
symptomatum.

in lib. de sym-  
pto. diff. cap.  
5. 6.

## DE CAUSA

non symptomata ; tensionem verò & laxitatem esse eorum causas , ut inquit , continentes.

vbi supra cap.  
2.

Tertio idem monstratur: quoniam intendens Galenus reliquos morbos rhagoidis tunicae percurrere, continuans dicta dicendis in hunc modum scribit. Quoniam verò non solum foraminis, quod in rhagoide est, morbos percurrimus : sed ipsius quoque rhagoidis, ac tenuis humoris nonnullos tractauimus, consequens est ut reliquos ipsorum morbos explicemus.

Ex quibus liquet quòd cum egerit de morbis foraminis rhagoidis, & inter eos cõnumerauerit magnitudinem & paruitatem pupilla, quòd vult omnino hos affectus esse morbos, & non symptomata.

Amplius volunt isti prædictos affectus non esse morbos : quia non primò visionem ledunt, sed interuentu tensionis & laxitatis tunicae rhagoidis. Quod sane dictum si verum esset, sequeretur contradictoria simul verificari posse : nempe prædictos affectus esse symptomata, & non esse; esse quidē, ut illi concedunt; non esse autem : quoniam fatentur hos affectus non ledere visionem nisi intercedente tensione, vel laxitate rhagoidis tunicae ; sed quodcunq; ledit aliquā functionem

*functionem alio affectu mediante non morbus, neq;  
 symptoma, sed causa morbi esse censetur, Auctore  
 Galeno sic scribente. Quum morbus affectus sit præ-  
 ter naturam ledens actionem, fieriq; possit vt mor-  
 bum aliter præcedat affectus, qui & ipse quidem sit  
 præter naturam; neq; tamen suapte natura, neq; per  
 se, sed interueniente morbo ledat actionem, hunc  
 affectum non morbum, sed causam, quæ morbum  
 præcedit, vocabimus. Sequitur itaq; amplitudinem  
 & angustiam pupillæ symptomata, & non esse;  
 sed potius morborum causas existere, sicq; simul &  
 semel antecedere, & subsequi tensionem & laxita-  
 tem. Quod cum absurdum sit, absurdum etiam erit  
 quod dictum est ab istis.*

in lib. de sym-  
 pto. dif. cap. 2.

”  
 ”  
 ”  
 ”  
 ”  
 ”

*Neq; conuiuncunt quæ in suum fauorem addu-  
 cunt. Primum quidem non: quoniam Galenus vo-  
 luit solūmodo illud intelligendum esse de angustia, &  
 non de amplitudine pupillæ; siquidem velit paruita-  
 tem pupillæ, cum fuerit præter naturam, incommodare  
 visioni; si verò secundum naturam, non modo non  
 ledere, sed plurimum etiam visionē adiuuare. Am-  
 plitudinem verò, quæcunq; fuerit, vel naturalis, vel*

## DE CAUSA

præ naturam, per se semper visioni officere. Non igitur suapte natura paruitas pupillæ visionem ledit; sed solummodo cum fuerit præter naturam dependens ab aliquo affectu præter naturam existēte in corpore, qui rationē causæ obtineat. Cuiusmodi est intemperātia sicca, vel humida tunicæ rhagoidis: à quā vult Galenus tensionem & laxitatem eiusdem nasci, tanquā effectus & symptomata earum qualitatum: tensionem verò & laxitatem causas esse amplitudinis & paruitatis pupillæ, à quibus immediatē obleditur visio; siquidem per amplitudinem dissipetur visorius spiritus, ita ut visibile minoris quantitatis appareat: per angustiam vero immodicē cogatur, ut visibilium species in eo impressæ maioris quantitatis esse appareant, quàm sint, perinde ac in aere denso res maioris quantitatis esse videntur, veluti sol circa eius ortum & occasum. & interdum tantum potest adstringi pupilla, ut spiritus sufficienter egredi non possit, vel nihil omnino; sed tunc potius obstructio dici debet, quàm angustia cecitatem inducens: quoniam inconueniens non est symptoma alicuius morbi posse subire rationem causæ respectu alterius, veluti dolor,

Symptoma  
vnius morbi  
posse subire ra-  
tionem causæ  
morbificæ res-  
pectu alterius

dolor, qui symptoma est intemperaturæ, vel solutæ unitatis; & tamen potest alium morbum procreare, nempe tumorem præter naturam, atq; febrem. Neq; etiam inconueniēs est morbum ex morbo nasci, ideoq; paruitatem pupillæ ex imminutione, vel euacuatione totius humoris albuginei nasci; siquidem imminutio ad morbum in magnitudine: totius autē humoris effusio, siue euacuatio ad morbū in numero reducātur.

Neq; secundum etiam quod adducunt conuincit; siquidem magnitudo & angustia pupillæ possint considerari ut sunt affectus iam geniti, vel ut sunt adhuc in generatione. Primo quidem modo causam continentem non habent, sed bene altero modo; nempe tensionem vel laxitatem: quoniam hæc duo efficiunt paruitatem vel magnitudinem pupillæ, quandui videlicet in temperies sicca vel humida, cuius hæc dicuntur esse symptomata, persistit in generatione: at ubi hæc intemperies facta fuerit, symptomata quoq; hoc est tensio & laxitas, constabunt & factæ erūt. & ob id etiam paruitas & magnitudo pupillæ erūt in esse permaneti, & nullam causam efficientē coniunctam obtinebunt; sed solūmodo formālē, tēsiōnem videlicet,



## DE CAUSA

Videlicet, & laxitatē subsistentes in tunica rhagoide, tanquam formæ constitutionis præter naturam illius: quæ quandiu permanebunt, tandiu etiam paruitas & magnitudo pupillæ permanebunt, veluti eisdem deficientibus ista quoq; deficient.

Et quod rursus dicunt de angustia pupillæ, constat ex dictis esse falsum: quoniā angustia pupillæ præter naturam semper morbus est, & visionem lædit; non tamen quæ naturalis est.

lib. de causis  
sympt. cap. 2.

Sed obijceret quis paruitatem pupillæ esse omnino symptoma, & non morbum ex Galeno met: quoniā querit Galenus cur imminuta pupilla, idq; nō suapte natura, sed ob morbum, censetur mediocri deterior?  
 “ Et respondens inquit. An quia prauos sequitur affe-  
 “ ctus, ob quos oculus ita patiens necessario deterius cer-  
 “ nit, non quia exigua sit pupilla. In quibus verbis ap-  
 — paret Galenum velle paruitatem pupillæ præter naturam sequi morbos. Igitur erit symptoma: quoniam quod necessario sequitur morbum est symptoma.

Sed apparet ex dictis solutio, quod non inconuenit morbum nasci ex morbo, veluti etiam ex symptomate, & sic non inconuenit quod paruitas pupillæ præter

præter naturā sequatur alios affectus præter naturam  
& cum hoc ipsa sit morbus ; siquidem immediate  
ipsa pendens ab illis affectibus lædat visionem. Ita  
quod Galenus nihil aliud intēdit, quàm quod exigua  
pupilla præter naturam non per se lædit, ut exigua  
est ; siquidem si ut exigua est per se læderet, tunc  
omnis pupilla exigua læderet : quoniam, ut inquirunt  
logici, per se infert de omni ; sed solummodo ut est præ-  
ter naturam ; & quoniam est præter naturam ob  
affectus tunicæ rhagoidis, aut humoris albuginei,  
ob hos itaq; affectus visionem impedit. Ita ut Gale-  
nus non neget, sicut negare non potest, exiguam pupil-  
lam præter naturam non lædere visionem : quando-  
quidem causa sit corruptæ visionis, quod res nimirū  
maioris quantitatis appareant, quam sint ; sed negat  
quod habet ut lædat ab illis affectibus, quamvis ali-  
qui eorum morbi sint, & lædant etiam visionem ;  
sed alia ratione, quàm paruitas pupillæ præter natu-  
ram : quoniam effectus ad humorem spectans lædit  
quidem, quod eo deficiente, vel imminuto, humor  
christalloides citra offensam externum splendorem  
sustinere non possit ; siquidem spaciū, quod medium  
erat

## DE CAUSA

erat inter rhagidem tunicam, & cristallinum humorem, brevius factum sit, ideoque dispergitur spiritus, & visio leditur.

Alter verò affectus ad rhagoidē pertinens; nempe tensio, vel laxitas morbus non est, nec per se visionem ledit; sed symptoma est morbi, nempe intemperiei siccae, vel humidae rhagoidis tunicae.

Exigua itaque pupilla præter naturam ledit visionem, non quia exigua sit; sed quia est præter naturā. Quod de amplitudine dici non potest: quoniam hæc suapte natura semper visionem ledit, vel fuerit nativa, vel ex tempore; ea verò non nisi cum est præter naturam. Et quoniam est præter naturam ob affectus præter naturam, quos sequitur, idcirco etiam propter illos ledet visionem: non ita tamen illis mediantibus ledit, ut illi affectus immediatè ledant; paruitas verò pupillæ remotè, & mediatè: quoniam sic paruitas pupillæ non esset effectus illorum affectuū, veluti sentit Galenus, sed causa quæ intercedentibus illis affectibus lederet visionem, quod est falsum; sed quòd ab illis affectibus, tanquam à causa, obtinet quòd sit præter naturam, & ledat visionem.

Et licet

*Et licet etiam magnitudo pupillæ sit morbus, sicut & paruitas; non tamen dicendum est, ut placet Valeriolæ, quod sit morbus in magnitudine: quoniã morbus in magnitudine est cum substantia partium præter modum crescit propter regenerationem, & ap-  
positionem substantiæ quantæ substantiæ præexisteti: quod in magnitudine pupillæ non euenit; sed est dun-  
taxat dilatatio pupillæ, quæ sanè est morbus in for-  
matione, & in meatu; sicut eiusdem astrictio mor-  
bus etiam in meatu existit.*

pupillæ magni-  
tudo nō mor-  
bus in quanti-  
tate sed in for-  
matione.

*Neq; etiam rectè sentit cum asserit suffusionem esse continentem causam obstructionis foraminis rha-  
goidis: quoniam humor qui suffusionem efficit, non est in foramine pupillæ impactus; sed in spacio medio  
continetur inter tunicam corneam, & foramen rha-  
goidis; estq; humor, vel pars quæpiã superaddita ipsi  
oculo: per cuius præsentiam tanquam per essentialē  
formam efficitur constitutio oculi præter naturam,  
ut potius debeat dici causa morbi in numero, quàm  
obstructionis, ut rectè fecerit Galenus eam cōnume-  
rans inter morbos in numero, quemadmodum etiam  
pterygion.*

Suffusionē nō  
esse continen-  
tem causam  
obstructionis  
pupillæ.

lib. de morb.  
diff. cap. 8.

## DE CAUSA

*Decimo autem de morbis curandis posuit continentem causam horroris, atq; rigoris: quoniam hæc symptomata sunt: quorum morbus, vel causa morbi pro continēte causa assignatur, ut est euident ex dictis.*

supra tertium  
de mor. vulg.  
comētario .i.

Virium imbecillitas quō dicatur cōtinēs causa ipsius tremoris.

*Sicut etiam tremor, cum sit symptoma, obtinet pro causa continente ipsum morbum. Quòd si dicat Galenus esse Virium imbecillitatem, locutus fuit secundum naturam rei, & nō medicè: quoniam ex natura rei facultas est actionis causa. Quare si ea læsa et imbecillis reddita fuerit, utiq; etiam actio leditur, & poterit in aliquo membro fieri deprauatus motus, qui est tremor. Sed medicè loquendo illud dicimus esse causam vitiatæ functionis, in quod Medicus potest agere & operari, & operando potest ut plurimum ipsum remouere, quod sane morbus est, sicut intemperies respectu tremoris: quæ sanè intemperies secundum veritatem est proxima causa imbecillitatis Virium, hæc autem ipsius tremoris. Siquidem Galenus velit, quòd constitutio, facultas, actio & opus talē inter se ordinem seruent, quòd primò est corporis constitutio quæ est causa facultatis: quoniam voluit quòd Virium essentia in peculiaribus partium temperantijs consistant;*

primo de potentiiis naturalibus cap. 3. & 4.  
lib. 2. de facult. naturalibus.  
lib. de plenitudine lib. 6. de

consistant ; hæc autem est causa motus & actionis , actio vero ipsius operis. Tamen ad sensum medici dicimus constitutionem corporis esse proximam causam ipsarum actionum, & sic intemperiem esse causam contentiuam tremoris : quam intemperiem nobis indicat virium imbecillitas , quæ secundum rei naturam est proxima & coniuncta causa tremoris.

Hyp. & plat.  
decretis lib. 5.  
de loc. af.

Apparet etiam ex dictis qualiter intelligenda sit auctoritas sexti de morbis vulgaribus , quod scilicet pro curatione morborum qui adhuc sunt in generatione , oportet etiam considerare causas contentiuas ; siquidem istis sublati inhibetur ne fiat quod erat in generatione et in fieri. Vel quod Galenus illud dixit ad plenioram doctrinam causarum : quoniam exponendo Hypocratem dicentem in curandis morbis occasiones esse considerandas inquit. Ostensum est alibi de causis, quas anteincipientes vocant, et quas antegressas, & quas contentiuas. Non quod velit has omnes in morbis considerandas ; sed pro vberiori notitia causarum, si quis præter causas primitiuas, et antecedentes velit etiam scire quæ dicantur contentivæ , poterit legere librum seorsum conscriptum de causis contentiuis.

## DE CAUSA

in expōne  
t. 43.

2. de mor. cur.  
cap. 4.

*In secundo autem pronosticorum ponit screationem habere causam contentiuam, quæ est obedientia & habilitas materiæ: quoniam screatio motus est & actio, cuius conceditur causa coniuncta, quæ à Galeno ponitur quòd est prima actionis causa.*

*Cuiusmodi etiam flatuosus spiritus in pituita viscida contentus eam exagitās & cōmouens est causa spumificationis, quæ est actio. Quòd si spumificatio facta sit, & bullæ iam consistant, flatuosus spiritus ibidem contentus nō erit amplius causa efficiens coniuncta, sed formalis; sicut de causa obstructionis dictum fuit prius.*

1. de loc. aff.  
cap. 2.

*Galenus etiam definiens causam, ut præactum est, tetigit causam proximam & coniunctam rei non permanentis, sed successivæ. Quod clarissime apparet quum dixit eam esse id quo tangente afficimur, & quo separato quiescit affectus. Accepit nomē affectus non pro re permanente; sed ut motum & passionem significat. Quod apparet in his quæ subscripsit, cum dixit præter alia. Sic etiam affici aliquem dicimus cū*  
*aliquid extrinsecus incidit, vel calfaciens ut ignis,*  
*vel refrigerans ut nix, vel contundens ut lapis: quo*  
*seperato*

seperato protinus finitus fuerit affectus, nemine pro-  
pter hoc dicente partem non fuisse affectam, quod in  
ipsa nulla sit derelicta dispositio.

Dioscorides etiam ponens causam contentiuam, liquet eam posuisse in passionibus, et non in affectibus permanentibus.

Quo intellectu etiā intelligitur Auctoritas Hypocratis in Aphorismis. Nec non Cornelij celsi, & Aristotelis, ut euidentissime apparet; omnes nempe concedunt huiusmodi causam ex parte actionis et motus, et non aliter.

2. aphor. 22.

Ad rationem verò à dolore desumptam concedendum est consimiliter: quod quia dolor semper habet suam essentiam in fieri, vel fuerit symptoma, vel rationem morbi subierit, Idcirco causam efficientem proximam et coniunctam eum habere posse. Ut perpetuò illud verissimum sit, causam coniunctam esse eorum quæ sunt in motu. Quòdque dolor rationē morbi subire possit, quod quidam negant, euidenter asseruit Galenus, cum dixit. Tumor si ad tantam magnitudinem attollatur, ut ob hanc ipsam functio impediatur, morbus censerī debet; alioqui vel symptoma,

Dolorem subire rationem morbi.  
lib. de mor. d. cap. 12.

vel



## DE CAUSA

cc. Vel pathema, quemadmodum & dolor. In quibus  
nempe verbis constat Galenum velle dolorem, si tam  
vehemens fuerit, ut functionem impediat, censeri  
morbum; alioqui symptoma esse.

Tum etiam idem ratione comprobatur: quoniam  
quod primo curationem expostulat est morbus; sed  
dolor interdum, cum videlicet vehemens fuerit, pri-  
mo curationem expostulat, istud Galeno approbante,  
ob id morbus erit.

lib. 12. de mor.  
cur. cap. 1.

Neque obest quod aliqui inquirunt, quod si dolor  
nonnunquam curationem primo expostulat & ad se  
vocat, id non ut morbus, sed potius ut causa facit.  
Quod voluit Galenus, quia enim deijcit vires ac reso-  
luit, sine quarum constantia morbus curari nequit,  
ob id ipsum primum, tanquam causam vires labefac-  
tantē, remouere cogimur. Non obest inquam: quoniā  
dolor vehemens bifariam considerari potest, vel ut  
functiones laedit vires labefactando, vel ut vires la-  
befactando & resoluendo immutat, atque impedit  
curationem morbi. Primo quidem modo subit ratio-  
nem morbi; quia functiones impedit, veluti morbus  
facit: quia tamen non est de numero permanentium,  
ob id

ob id non est verè morbus. Altero autem modo obtinet rationem causæ: quia sicut manente causa morbus curari non potest, sic etiam dolore infestante non potest morbus tolli. ob id rationem causæ seruat, ut voluit Galenus. Quia tamen contingit morbum ex morbo nasci, & unum esse alterius causam, proinde non inconvénit etiam dolorem, ut habet rationem causæ, quia impedit curationem morbi, sic etiam habere rationem morbi, quia ledat functiones corporis, sicut morbus à quo nascitur alter seruat rationem causæ, & rationem morbi diuersimode, ut ex dictis patet. Quamvis itaq; tunc dolor rationem causæ obtineat: non inficiendum tamen est etiam eum rationem morbi subire posse. & hæc de auctoritatibus, & rationibus pro parte opposita adductis dicta sufficiant.

Reliquum est ut videamus quid dicerent Aduersarij pro euasione & responsione obiectorum, quæ pro vera Galeni opinione adducta fuerunt.

Ad primam auctoritatem adductam à Leonicensino ex libro de causis contentiuus respondet Marcus Antonius Montisianus, falsum esse quòd Galenus neget dari causam contentiuam in morbis: si bene negat

negat eam dari eo modo, quo Stoici, et recēiores me-  
dici sunt temporis eam dari asserebant, ut apparet ex  
Galenō in hunc modum scribente. Diximus porro  
“ alibi de continentibus causis, ubi ostendimus tam no-  
“ men ipsum, quā rem cui impositum nomen sit, ex  
“ Stoica esse secta; neq; rectē recentiores medicos genus  
“ hoc totum aut nominasse, aut tractasse; nosq; ne de  
“ nominibus contendere videamur secundum sepius  
“ eorum sententiam causae quaedam, ut sic nominemur,  
concedere. Nam illi eam concedebant in omnibus re-  
bus, vel essent in generatione, vel non, sed consister-  
rent; Galenus autē solū in eis quae sunt in generatione.  
Sed male certē reprehendit hic vir Doctissimum  
Leoniceum: quoniā Leoniceus non dicit Galenum  
absolutē negare et reprehendere causam continētem,  
sed alienum esse à placitis Galeni eam dari in morbis  
ipsis: quoniam morbi sunt affectus permanentes, et  
causa continens datur solummodo in rebus quae sunt  
et in generatione essentiam suam habent. Igitur in  
morbis non dabitur id genus causae. Nisi quis vellet  
asserere morbum habentem suam essentiam in fieri  
et in generatione esse morbum secundū Galenū. Quod  
sanē

In lib. contra  
Iulianum.

sanè alienum esse ab eius placitis fuit supra abundè monstratum.

Præceptor in sua quæstione impressa volens satisfacere auctoritatibus, in quibus Galenus solummodo meminit de procatarticiis & antecedentibus causis, inquit non ab re Galenum duarum solummodo causarum meminisse: quoniam sua intentio fuit eas causas propriè nominare, à quibus immediate potest causari morbus; & quoniam à primitiuis & coniunctis immediate potest nasci morbus, ut ex se manifestum est, ob id harum duarum solummodo meminit, nèpe primitiuarum & coniunctarum: quas nō coniunctas sed antecedentes appellat, eas comparando actioni læsæ, cuius respectu antecedentes dicuntur: quoniam inter eas & actionem læsam mediat morbus, qui respectu eiusdem actionis læsæ dicitur causa coniuncta & sic exponit Galenum per causas antecedentes intelligere coniunctas: quoniam Galenus loquitur de causis, quæ immediate agunt morbum; sed causæ antecedentes nondum quicquā agunt. Igitur improprie causæ dici debent; siquidem causæ hac appellatione dignantur, quia agunt, auctore Galeno. Quapropter

lib de cōst. ar.  
med. cap. 15

## DE CAUSA

*Galenus per causas antecedentes intelligit coniunctas: quas tamen antecedentes appellat respectu actionis lesæ.*

in lib. de diff.  
symp. cap. 2.

*Quæ responsio vera est quantum ad id, quòd Galenus fecerit mentionem de illis causis, à quibus morbus immediatè potest generari: quæ sane sunt procatartica, atq; antecedentes. Verum est etiam quòd antecedentes causæ sunt coniunctæ, eo quidem modo quo supra declaratum fuit, quod dixit præceptor veritate ductus. Falsum tamen quòd antecedentes dicantur respectu actionis lesæ, ex Galeno in hunc modum scribente. Quum morbus affectus quidam sit præter naturam lædens actionē, fieriq; possit ut morbum ipsum alter præcedat affectus, qui & ipse quidem sit præter naturam; neq; tamen suapte ratione, neq; per se, sed interueniente morbo lædat actionem, hunc affectum non morbū; sed causam quæ morbum præcedit vocabimus. Quòd si accurate mentem adhibueris, hunc affectum causam vocare potes, eo quòd actionem vitiat; Verum non per se, neq; primò, sed vel per accidens, vel secūdario & impediri & ledi per ipsum dixeris actionem. In quibus verbis apparet Galenum*

*Galenus* velle affectum præter naturã præcedentem morbum dici causam antecedentem ex parte morbi: quoniam morbum immediate antecedit; respectu vero actionis læsæ, si causa antecedens dicatur, non nisi per accidens & secundario atq; remote dici posse. Quod etiam voluit *Galenus*, cum dixit præcedentes morborum causas dici quæ morbos faciunt, ut velit præcedentes dici respectu morborum. Ex quibus etiã verbis evidentissime constat falsum esse quod inquit præceptor, nempe causas antecedentes non agere secundum *Galenum*; cum alioquin causæ morborum non essent, nisi agerent.

Sed obijceret quis. Si hæ causæ faciunt morbos; non igitur erunt antecedentes, sed coniunctæ.

Huic dicendum, quemadmodum à principio etiã fuit satisfactum, quod eadem causæ possunt dici antecedentes & coniunctæ secundum *Galenum*: quoniam antecedentes dicuntur respectu morborum, qui debent consistere, & habere suum esse absolutum & permanens: coniunctæ verò respectu morborum, qui sunt in fieri, ut inquã sunt in motu et in generatione.

Sed causa erroris fuit, quòd credidit præceptor

secundo de natura humana c. 1. 1. & circa principium primi de causis puls.

Causæ antecedentes & coniunctæ quòdo differat & fiat eadem.

Causa antecedens secundum *Gal.* alia à cã antecedente secundum *Avic.*

## DE CAUSA

quod causa antecedens propriè dicta apud Galenum  
esset eadem, quam Auicenna definiuit; quæ scilicet  
nondum agit morbum, sed potest agere; vel agit  
quidem, at non primò & immediate; sed mediatè,  
& remotè, siue secundariò & per accidens, ut inquit  
Galenus. & non aduertit, bona eius pace dictum sit,  
quod causa antecedens secundum Galeni sententiam  
est quæ facit morbum, estq; immediata ipsi affectui,  
& eadem re quod causa coniuncta apud Auicennam,  
& causa antecedens descripta ab Auicenna non pro-  
priè dignatur nomine causæ apud Galenum: quia  
nondum agit. Adeo quod iuxta Galeni dogma causa  
antecedens & coniuncta non nisi ratione differunt:  
iuxta vero sententiam Auicennæ nedum ratione,  
verum etiam re: quemadmodum ex prius dictis, &  
ex his quæ nouissime dicta sunt est euident. Gale-  
nus tamen potius concessit antecedentem, quàm con-  
iunctam; quanuis sint eadem re: quoniam noluit af-  
fectum in fieri esse verum morbum, & ob id noluit  
etiam eius causam esse causam morbi Quo circa non  
dixit causam coniunctam, quæ est causa morbi in  
fieri, esse causam morbi; sed antecedentem magis: quo-  
niam

*niam hæc antecedit morbum, qui debet in corpore consistere.*

*Pariter respondet præceptor Auctoritati adductæ ex libro artis medicinalis capite octuagesimo octavo, quod Galenus per antecedentem causam intelligit eam, quam nos coniunctam appellamus. & addit nunc quod Galenus hanc causam antecedentem appellat comparando eam ad id, quod futurum est deficiente: quod futurum nondum est, & per consequens eius causa coniuncta dici non potest, sed antecedens.*

*In qua responsione multo rectius sentit, quam in præcedere: quoniam causa antecedens est eadem cum causa coniuncta; ratione tamen diversa, ut præceptor innuere videtur: quamvis non expresse dicat. & Verum etiam quod antecedens dicatur ex parte morbi, qui debet consistere et permanere; coniuncta vero eiusdem ut est in fieri. Sed falsum est quod hoc modo sit causa ipsius morbi: siquidem velit Galenus morbum esse affectum absolutum & permanētem, cuius nulla potest assignari causa coniuncta; alioquin non esset permanens. Ideoque sic concedet eum habere posse causam antecedentem ipsum producentem in esse per-*  
*manens:*



## DE CAUSA

*manens: coniunctam autem minime, nisi ut generationis illius. Sed quoniam praeceptor tenet morbum qui est in generatione esse verum morbum, ob id non veretur dicere Galenum per antecedentem causam intelligere coniunctam ipsius morbi. Quod quum sit alienum à mente Galeni, & à veritate, veluti supra fuit abunde disputatum, non est ut diutius in his immoremur.*

*Sed hic esto finis propositae difficultatis de causa continente ad laudem illius, qui trinus & unus regnat.*

B O N O N I Æ

APVD PEREGRINVM BONARDVM.

M. D. L X I.

## CANDIDAE LECTORIS

Errata sic corrigito.

Prior numerus folium significat a. priorem faciem folii b. posteriorem, alter numerus versum vel lineam demonstrat.

4. b. 11. concenditur pro conceditur
5. a. 19. precipit pro recipit
8. b. 3. sequeretur pro sequetur
17. phificis pro philosophis
6. a. 21. refregari pro refragari
- b. 1. in margine in pri. suo lib. pro in 1. suo lib. de causis morb. cap. 3.
5. nequaquam pro nequaquam
20. efficiens autem est pro efficiens autē
- omnes commune est
8. a. 12. transperatio pro transpiratio
9. a. 9. intercedetibus pro intercedentibus
10. b. 1. penerauit pro penetrauit
11. b. 4. nihilominem pro nihilominus
20. in margine in plerosq. p in plerisq.
12. a. 11. densitas pro densitas
13. a. 21. patines pro patiens
14. a. 20. humorum putredine pro ex humorum putredine
16. b. 10. que sunt potētia ac poterit effici vitio-  
sus vt benignus humor potētia putri-  
dus pro que sunt potentia tales vt be-  
nignus humor potentia poterit effici  
viciosus ac putridus
17. b. 2. in philosophia pro in philosophiam
12. genetricam pro genericam
18. b. 15. afferus pro affectus
21. a. 3. galenus pro galeum

- b. 22. alteratrum pro alterutram
24. b. 17. siquidem pro siquidem
25. a. 1. ut aristoteles p quoniā ut aristoteles
26. a. 22. affectus pro effectus
27. a. 5. immutant pro immutantur
22. addideret pro addiderit
28. b. 6. supradicta pro supradicta
29. a. 5. functionis pro functiones
30. b. 1. putemus pro putaremus
31. b. 1. multatum pro multarum
32. b. 6. citrum pro crurum
36. a. 22. permanentem esse rem pro esse rem  
permanentem
37. a. 7. qui non pro quod non
42. b. 15. salubris pro salubres
46. a. 6. simul curatio & preseruatō remotio  
vero pro simul curatio & preseruatō  
sed quod hec est solummodo preser-  
uatō remotio vero
- b. 21. est permanens, morbus est pro est  
permanens, & morbus est
47. a. 15. superflue legitur & ex his cum dixit  
remotionem causę esse partem artis  
curatricem id comuniter accepit
49. b. 8. is est in fieri pro is qui est in fieri
55. b. 10. preuauent pro precauent
17. prefereatiua pro preseruatīua
57. a. 13. fieri pro fienti
15. superfluum pro superfluum
19. remotto pro remotio
58. b. 16. nec causa morbi, necessario pro nec  
causa morbi: sed necessario
22. delendum illud dum fit
60. a. 7. affectus pro affectus

18. adeo pro ideo
64. a. 14. non requireret quòd homo pro non  
requireret quòd à nulla causarum pri  
mitiuarum dependeret , sequeretur  
quid homo.
65. b. 4. egrotare pro & agrotare
68. b. 6. preterit pro preterijt
76. b. 22. ille pro illi
77. b. 4. petmanens pro permanens
79. b. 17. accidente pro accidenti
80. a. 54. morborum tempora sunt perse mo  
tiones cause morbifice , sunt in mar  
gine ponenda
14. hec immargine deficiunt in lib. de  
optima secta cap. 35. & 37.
- b. 6. variante pro variantes
20. acciperetur pro acciperetur
82. a. 8. ex tpore pro tempore
- b. 18. sonumodo pro solumodo
85. b. 17. dicunt pro dicat
86. a. 3. secudum pro secundum
87. a. 6. in margine lib. 1. de gene. & c. res  
pósioe pro lib. 1. de gene. & corrupt.
10. & non illud pro non aliud
22. appropriaretur pro approprietur
- b. 22. preter materiam pro preternaturam
88. a. 11. forme pro forma
89. b. 8. parente pro patiente
91. a. 10. vel ea restaurabit pro vel ea restauret
15. fundatur pro fundantur
93. b. legit in inscriptione libri de morbo  
fiente pro causa continente vsq; ad  
fol. 108.
96. b. 3. pouit pro posuit

